



EAST-ASIAN LIB. UNIVERSITY OF TORONTO



3 1761 03024 2994











# 白隱和尚全集（全八卷）總目次

## 第一卷

龍澤開祖神機獨妙禪師年譜。獨妙禪師年譜補註。荆棘叢談。壁生草。寶鑑貽照。東嶺和尚年譜。至道無難菴主禪師行錄。正受老人崇行錄。偈頌。卽心記。自性記。

## 第二卷

荆叢毒藥。荆叢毒藥拾遺。息耕錄開筵普說。

## 第三卷

槐安國語。槐安國語骨董稿。

## 第四卷

寒山詩闡提記聞。寒林貽寶。隻手音聲。

## 第五卷

布鼓、再鞞布鼓。假名因緣法語。遠羅天釜、同續集、寶鏡篇之記。於仁安佐美。藪柑子、夜船閑話。夜船閑話下卷。邊比以知吾。さし藻草。

## 第六卷

八重葎。兎專使稿。福來進女。壁訴訟。假名葎。おたふく女郎粉引歌。主心お婆々粉引歌。施行歌。安心法興利多々記。大道ちよぼくれ。子守唄、草取唄。善惡種蒔鏡和讃。坐禪和讃。

孝道和讃。寢惚之眼覺。毒爪牙。杖山百韻。四智辨。藻鹽集。讃語。雜纂。鵠林尺牘。

## 第七卷

退養雜毒海。宗門無盡燈論。願力辨。五家參詳要路門。快馬鞭。自笑錄。

## 第八卷

圓桂和尚語錄。九峰和尚語錄。靈源一滴。寶藏萬藏塙。爛枯柴。斯經和尚語錄。願心道場旨趣。拾遺。



昭和九年十一月二十六日印刷

白隱和尚全集 第八卷

昭和九年十一月三十日發行

【奥 附】

編纂代表者

後 藤 光 村

東京市赤坂區田町七丁目三番地

發行兼  
印刷者

草 村 松 雄

東京市芝區田村町六丁目一番地ノ一

不許複製製

印刷所

東洋印刷株式會社

京都市右京區花園妙心寺正法輪社內

編纂所

白隱和尚全集編纂會

東京市赤坂區田町七丁目三番地

發行所

龍 吟 社

電話赤坂(48)三四〇番  
振替東京七〇〇〇番

古紙堆中有世人。然則居士親切爲人莫大焉。余爲之秃筆蕪語不敢辭也。

文化之始臘月之日

洛北前興聖關候老衲書于空華室

白隱和尚全集第八卷 終



## 墨蹟祖師傳序

關 楨

墨蹟祖師傳序（文化二年巳八月發刻、孟秋發兌）

修多羅教標月指。祖師言句敲門瓦。然不因列墨之子。洛誦之孫。千載之下。人人爭得畫葫蘆乎。京師藤野氏松隱亭宗郁居士者。余方外友于也。嗜好拜閱名藍大刹所珍墨蹟年尙矣。故決眞贋自明矣。想世間金玉其軸。綺紈其紙。而往往雖翫弄難句讀者多。而至談其機緣行實。箇箇恰如面牆。況於辨手澤贋本乎。於是拮撫異域斯邦諸祖之傳若干矣。編曰墨蹟祖師傳略記。而壽梓圖流行于世。一日袖來謁叙於余。厥志良可嘉也。若人見此傳尊重祖祖逸群超世道德半箇又見月忘指。入門放瓦果識



如上能護持者。縱闕大悟。吾山之住侶也。若反之犯聖禁者。縱有悟處。有學才。非吾門兒孫。至囑。

明和第七龍集庚寅秋

現住井山昉大休記書

年中三時勤行。火盜諷經勿令怠。縱旅行心中須勤之。爲十方信施之精靈。每晚行施餓鬼。亦同廣略順宜。

## 井山聖禁

夫住持之要。常安住法界。而常恒十界觸處奉持如來大法。與麼則三業悉紹隆。佛祖妙法利濟法界群生。若能如此。則全無嫌底法。差別中平等亦得。平等中差別亦得。不起寂定常逝世間深念常不輕願厚行。普賢行願。唯於一切所宜護忍力。遺教言。忍之爲德。持戒苦行所不能及。誠哉。此言。又佛言。若以爭止爭。終無止時。只忍能止爭。此法可尊貴。合官等參詣。必勿輕忽。只忍以相待矣。況諸宗尊宿等來儀送迎最可慎矣。法必不獨奧。能和則自易行。古人云。人情世福田也。是全非諂佞。卽正法久住之良計也。智者能思量。且末法住侶常拜誦如來遺教及梵網瑜伽戒本傳。子孫必勿怠慢。勿白誦。

出院。是貴安清衆。又大慧禪師住育王時。榜示堂司云。僧爭無明有理。無理。竝皆出院。又無量壽禪師云。世間法卽是出世間法也。行脚人可貽未行脚人。云云。

餘如古規

如上件件。皆是累聖徹骨慈言也。若違犯者。非實參實行人。不許出入吾門。

寶曆第八龍舍戊寅初祖忌

現住叻大休白



心。  
上。

一、不許無要用者出入諸寮。有妄報侍者辨之。有何暇爲閑事妨佗純工。不顧役位之勞耶。

一、比丘尼菴居四來及常住之比丘。縱有要用。一人往來。彼地互緊禁之。是卽正法久住之要計也。

就中比丘尼者。縱喪身失命。堅護持八教法。而二六時中愼而勿忘。如來大悲之遺教矣。能奉持之。而實參實行者。離諸障礙。疾成無上道。故教曰。制之一所。無事不辨。又曰。忍之爲德。持戒苦行所不能及。宜能合。而互以至誠策勵。況僧者以和合爲義焉。是非小事深思之。而垂則於後昆。不見梵網曰。寧以百千刃刀割斷其舌。終不以破戒心食人百味淨食。百丈清規略云。有假號竊形混于清衆。致喧撓之事者。卽擯令

## 井山略記

雲門大師曰。有<sub>二</sub>一人問着口如木楔。有一人問着口似懸河。汝道二人過在甚處。又古德曰。未透底人參句。不如參意。透得底人參意。不如參句。且道諸禪德意句俱透脫也無。已是大活現前。因甚不大徹。參須實參。行須實行。佛子豈思遙離<sub>二</sub>本國勞師親之遠慈。聚頭於茲。慾爲何<sub>二</sub>妄耶。未透底一人者。唯要<sub>レ</sub>全工矣。全工實參人。萬規自備<sub>二</sub>其中。岩頭和尚云。暫時不在。如同死人。是何謂耶。若矛盾之。以何報<sub>二</sub>四恩深厚。救<sub>二</sub>三途極苦。古人云。袈裟下失<sub>二</sub>人身。永劫沈淪。痛自責<sub>レ</sub>己。必不相賺。

一、不<sub>レ</sub>許堂中堂外忘失話頭打雜話擾亂衆念。

一、入里乞食暨作務等。進退最可<sub>二</sub>如法。勿忘却<sub>二</sub>大事。戲談麁行。而妨<sub>レ</sub>佗信。

鵲林隻手禪。神符爪牙全。常消消不盡。恐是沒知音。君不見一千七百則公案。今日擬來退七程。天下總不知誦訛。真正真實見希聲。希聲妙妙刹塵塵。一代藏教難注伸。不住着有佛無佛。我門風彩只爲人。若君不信觀此語。如於水上捺葫蘆。撥著點著便轉。不離真實根元。鬧市裏頭赤灑灑。孤峰頂上草茸茸。嗚呼初祖老爲救迷情來。因思子葉孫枝客。呼稱無事在高台。勸汝空休開大口。無事貴人却長愁。要知得鵲林風彩。獨手妙音聞眼頭。真實公然聞徹去。長安城裡任閑遊。



隻手妙音歌竝問答

龍翔層巖

或人間山野云。鵲林門風。隻手妙音甚淺薄。而落流俗。非向上禪乎。山野微笑曰。何呼作向上禪麼。彼云。無事是貴人。又古人公案。此謂向上禪。山野曰。作麼生是趙州無字。且無事是貴人底。山野面前都露相。彼結舌面如菜色。山野咄曰。此飯袋子漢。汝何知好惡。習傳口耳。汝却落流俗。汝試道。無事是貴人。古人公案向上而隻手妙聲向下乎。將又隻手妙聲向上而無事是貴人。古則等向下乎。卽今向上向下辯別來。彼謹言云。甚我罪過也。請和尚相救。山野打曰。放汝三百六十棒。雖然任麼知前非者亦復希也。故爲汝賦巴歌云爾。

生前齒髮死後靈名

敕諡神機獨妙禪師白隱老和尚遺舍利。

本願主。東嶺圓慈頭陀爪髮。

現當山。獨照祖愼和尚爪髮。

前乾德。桂巖祖丈和尚爪髮。

宗格禪衲（遠州普賢院徒）（十三人省略）

（一）大統院義山垂翁居士

（世）明照院圓溪守光大姉

（二代ヨリ九代マデ十六人省略）

大庭院栢翁宗樹居士

慈峰院靈巖智仙尼姉

（第十世）

（以上二百六十餘人東嶺禪師眞筆）

中村氏大祖佐々木一族。伊庭源氏之裔也。  
從屬德永法印。當德永氏移濃川。歸故鄉小幡中村住居。

名賴堅（中村善右衛門）

（東嶺和尚ノ父此人ノ第三子也）

同妻（寺田露）

（東嶺和尚ノ母也）

一、無齒髮之先靈。欲收其信具者。以筆跡爲上。自所造之器爲中。身所觸之物爲下。

右三種各頂一少分。其樣可順齒髮所包之大。

右所收之樣式。先以紙記其靈名并年月日。而包齒或髮等。恭白丈室。可請收之。次其執事之僧。塔前辨備香花洗米淨水。至心誦持心經一卷。施餓鬼。以可回向慶讚而已。

靈名齒髮收塔錢。以二十四銅爲定數。貧賤者。或別有志者。增減可任。其意。但於寺檀越非制之限。

法界一切如來會

大方廣

諸佛衆生同證皆成

妙法蓮華藏

生生值遇同見同行衆



明和七庚寅秋八月

于先七月二十日至廿五日。講父母恩難報經兼當供養。後於九月初八落成之日。恭請大德碧岩會上。一千五百指清衆。就于塔前諷經。依香慶讚。偈曰。

巍巍高顯塔。了了大經王。進步遊華藏。退身坐寶篋。三途八難著何處。生死涅槃夢一場。

別別

花藥欄庭柏樹。孔明撫瑟臥龍岡。喝

定例

一、齒不可過一枚。不許死後之齒骨。

一、髮不可過一撮。不許死後之鬚髮。

隨分盡其誠。聚淨財餘分。結成納丈方。丈方深發誓。請永利現當。  
依是造總塔。建雲山北邨。正傳佛舍利。三顆各非常。冥與戒定慧。  
顯施德爵齡。寶篋諸祕咒。華嚴等經王。擁舍利珠塔。中心爲主將。  
何況函丈筆。一字一石膽。懷抱那靈櫛。埋爲妙法藏。永倡檀越衆。  
等導舍那城。兼薦自雙親。回向當法糧。寺隣神地故。列塔但存形。  
墳墓無身骨。敬崇豈入精。從今收齒髮。參禮奉花香。積善有餘慶。  
不善有餘殃。顯因行于果。見陰德於陽。我今建此塔。爲汝植禎祥。  
近起家門福。遠成報地莊。奇哉此靈塔。妙哉此寶篋。威德貫三有。  
神光滿九方。一瞻并一禮。如吞小金剛。必脫有爲域。遂歸無上乘。  
況收塔中者。諸佛永同牀。願作法長子。速爲世覺皇。生生鞭願轂。  
念念棹慈航。我與汝同悟。汝兼我等行。虛空寧可盡。此願無邊量。

弘法大師將來。東寺所分佛舍利。一顆。

合三顆。圓空大阿闍梨寄附。別有印信掛物。毘沙門之銅像。心咒一千遍。書寫全身。以安置舍利寶珠之下。并天像臺中。祕收宗樹居士自授齒一枚。智仙尼師自授髮尺餘一莖。

已上寶塔中心所收。

總檀齒髮塔銘

明和戊子商<sup>アキ</sup>。應洛等持請。翌歲歸程序。淹留在故鄉。一思酌考妣。二願利翁孃。借座齡仙窟。大開無遮場。則豐聰五憲。講佛祖三經。桃月旦繡帙。下旬五收旌。特當第六日。設水陸齋棚。修母廿三忌。預擬齋會營。僧尼過百個。貴賤溢四甕。諸尊競臨會。群倫窺入堂。參禪徒不少。改過底難量。執役嚴叢席。捨財資道糧。菜薪及果藏。



已上梵書御室院室木食行者圓空大阿闍梨筆

妙法蓮華經。大方廣佛華嚴普賢行願品。梵網菩薩戒經。

金剛般若經。大無量壽經。觀無量壽經。

小阿彌陀經。地藏菩薩本願經。父母恩難報經。

大藏血盆經。大施餓鬼。甚深法性大回向經。

金剛壽命陀羅尼經。

已上書寫或印刻

聖德太子彫刻所納。大和國信貴山毘沙門天王塔中涌出之佛舍利。一顆。

賓頭盧尊者所授。鑑真和尚將來。南都招提寺。三千粒中。黑點佛舍利。一顆。

罪生善而已。并白隱先師舍利。東嶺自身爪髮。以爲收塔之始者。爲結生  
生。值遇教導之緣也。願收塔內之靈魂。依真正三寶。加被力。消滅業障。圓  
滿功德。箇箇等證無上道。人人共遊行願海。

明和七年。龍集庚寅十月 日書。

寶塔中心所收卷中經咒。竝軸中佛舍利之由。

寶篋印陀羅尼。

佛頂尊勝陀羅尼。

千手千眼大悲神咒。

大毘盧舍利光明眞言。

大佛頂首楞嚴神咒。

大金剛輪陀羅尼。

阿彌陀如來根本咒。

歸依三寶陀羅尼。

金剛界五智陀羅尼。

胎藏界五智陀羅尼。

文殊師利菩薩神咒。

普賢菩薩神咒。

觀世音菩薩神咒。

彌勒菩薩神咒。

大勢至菩薩神咒。

地藏菩薩神咒。

愛染明王神咒。

江洲神崎郡慈雲山齡仙禪寺

內外總檀齒髮塔大過去帳序

本願 東嶺述

天竺大那蘭陀寺有菩薩僧。常設二帳。只寫檀越有緣靈名。爲小過去帳。有緣無緣平等記取。是名大過去帳。每設供養。轉讀以伸回向。其帳名一萬男女。功德增進。生天得道。時有一人。不得解脫。九千九百九十九人之善友。共議將救其苦。冥官考之。罪當永沈。諸友哀請不止。各願計罪。每人代之。閻王憐其大悲。代受苦之志。遂許與諸友。同歸天修道矣。今般塔中所收靈名。新制大過去帳。永年每設供養。轉讀回向。又不可減那蘭陀勝功德歟。殊如來正身骨。大乘諸經咒。三重寶塔。石字法華。是所以資其滅。



豆州龍澤東嶺圓慈

身。有二點爲我現法身。又以我肉身。圓融今用始。入我我入。相曰。信心清淨。彼此合性。曰性相圓融。心境交徵。佛加持故。入我々入是真加持也。神力感應。是假加持也。我證菩提。悲智圓滿。是曰菩提。以佛神力。佛者指本性。而受神力加持。是圓理。利益衆生。自利益在正念工夫。他利益尤合大悲菩薩行。發菩提心。初發心住便成正覺端的。修菩薩行。入普賢行。轉不退輪。同入圓寂。涅槃舊翻滅度依義不舍。新曰圓寂。平等大智。是四字祕密大光曰究竟禪圓滿覺。今將頂禮。結勸流通。

此文爲段初一心至塔婆六句。明禮如來碎身全身半身三舍利。我等至我入三句。明求三身互攝入不二門。三佛加至菩提二句。明依感應道交之德。入如來地。四以佛至薩行四句。明依自他佛智冥合德。大開度門。五終三句。明向法界同證種智兼勸流行。

眞我計無我。淨。不淨計淨。淨計不淨。眞淨緣因。卽一心歸命諸佛智德。冥加了因。卽性德自現義。正因同前句。朝念觀世音。暮念觀世音。以上之故。莫忘失。是緣義念緣起。法界如々緣起無生如々。是了因之義。二句明於自受用穩密純眞之一大事者也。念念從心起。生滅不離眞如故。念念不離心。動靜常在此中二句。明於化他門應用無邊了々。不離根本智體。隱顯出沒得大自在。

## 舍利禮文

一心頂禮。降伏無明。敬重眞性。萬德圓滿。理智相好。解脫方便。無不滿足。釋迦如來。於雙林入涅槃底化身。卽法報應相卽眞實心。眞身舍利。雖是碎身如來。分法身餘薰也。本地法身。是曰全身舍利所說經法曰半身舍利。法界塔婆。正曰卒都婆皆方墳。又高顯又廟。我等禮敬。自他平等法界圓融。爲我現



豆州龍澤東嶺和尚於至道菴講筵之時分八節作着語。

## 延命十句觀音經

觀世音。緣因大悲救世王了因。自己返觀。體正因。明慧圓滿也。本性喚爲觀世音。  
南無佛。緣因曰過去正法明如來了因。指本具如來正因。明心體現成與三世佛  
不二冥合。與佛有因。娑婆耳。聽明別因者正因圓具。總因者迷。明自己五蘊身  
心共見一乘之妙法也。與佛有緣。諸法常位。明面前六塵諸法齊實相之境界。  
佛。緣卽大悲願了。指其體。法。觀行大小法門了。指視照法門。僧。菩薩冥合義了。  
卽心境一如義。緣諸佛智德本來圓明底。自他冥合。是緣因之義。工夫成熟。命根  
截斷。是了因之義。畢竟明自己本佛與面前妙法不二冥合。故卽事卽心。念念受  
用涅槃之四德也。常。無常計常。常計無常。樂。苦計樂。眞樂計苦。我。無我計我。

六、明實相觀達純圓獨妙

無苦無集故無世間。着語曰山河大地何處着。

無道無滅故無出世間。着語曰菩薩涅槃真如佛性。

純一實性實相外更無別法。着語曰柳綠行雲流水喚什麼。若作實相入地獄如箭射。

七、明止觀正受自然現前

法性寂然名止。寂而常照名觀。着語曰雲門乾屎橛。南泉一株花。庭前柏樹子。咦。

八、明名有前後證則無二

雖言初後。無二無別。是名圓頓止觀。着語曰荷葉團團圓如鏡。菱角尖尖如錐。風吹柳絮毛毬走。雨撲梨花蛺蝶飛。

三、明工夫透徹脫體現成

造境卽中無不真實。着語曰我道不真實。

四、明證後照物普淨

繫緣法界一念法界一色一香無不中道。着語曰這裡無恁麼閑家具。若有咄出。

己界及佛界衆生界亦然。着語曰欲得無間業。莫謗如來正法輪。

五、明卽四諦歸一實相

陰入皆如無苦可捨。着語曰寒時寒殺闍梨。熱時熱殺闍梨。

無明塵勞卽菩提無集可斷。着語曰四大五蘊煩惱情欲。

邊邪皆中正無道可修。着語曰更須參三十年始得。

生死卽涅槃無滅可證。着語曰尙恐惹竿頭之災。



# 拾遺

## 天台智者智顗大師圓頓章

漸次止觀。如彼階梯。不淨止觀。如金剛寶火中在。圓頓止觀。本有佛性圓滿得一切衆生利益。

此章凡有八節。次釋生滅分別修理觀行見性法性向上之四義。

### 一、明德稱

圓頓者。着語曰。疵生也。

### 二、明信修最別

初緣實相。着語曰。果然墮在鬼窟裡。

師巾瓶朝參暮請盡其蘊奧。常以爲恨。所冀侍史編師語錄。我黨警箴。何以加之。於是侍史編之。訂之。將刊行之。師僅見之。呵咄而云。有笑之者。有謗之者。罪歸誰哉。止之勿梓焉。旁僧云。否也。否也。笑任他笑。謗任他謗。師只默忍許其刊行。已吐言句。已著紙筆。今曷惜哉。不啻疏僧之請。又湖海之望也。於是師休稿成。名爛枯柴者何。是侍史代師所銘之卑稱也。雖是卑稱。披閱此錄。知爛枯柴所以爲爛枯柴者。那時犬吠猫飛馬亦驚。祝祝。寬政三年辛亥冬制。寓赤石龍谷寺大應錄會。讚岐安山九峰主拙。以所聞見。以爲爛枯柴版行之傳。炷香九拜。欽誌其跋。

故本錄出自其久祕矣。猶其口碑亦頗多矣。大光寺者。建武三年。國師之  
的嗣岳翁禪師之所創。而奉國師爲開祖也。大光藏裡所得之語五章。想  
岳翁禪師所親記者乎。是亦不蠹。今附錄焉。廣鑑禪師昔日勸發於印刊  
者。實有所以哉。然則今此開板。不唯國師開眉。中山東堂廣鑑禪師同抃  
躍。況天下叢林慶幸莫大焉。是此勇義。指吸氏出一隻手之施爲。利賢聖  
劫益星宿劫。閻羅王傾冠歸崇之。金面龍捧玉護持焉。祝祝。罽浦主拙賀  
此盛舉。記其年月而已。天明五年乙巳五月吉旦。

爛枯柴跋

爛枯柴者何。日州報國兔裘滄海禪師之語錄也。師今在逆浪窟接化。佛  
在世無經。師在世有錄者何。師之法嗣在琉球者。寄疏於逆浪窟之侍史  
而云。我輩先年在貴邦二嚴。觸師辣手。忝嗣子列。雖然爲有國禁。不能執



霜。

廣智國師語錄序

廣智國師語錄者。歷劫三世不可說之法門也。當時侍者之紙衣。不蠹而祕在海會藏裡者。凡四百餘年也。享保初年。海會主人與前天龍中山東堂謀欲梓焉。本如廣鑑禪師亦作印施之疏勸發焉。雖然終不就而止。叢林以爲恨矣。頃今之海會主人謀于指吸氏。指吸氏卽頷。卽喜命工梓焉。於戲時哉。國師雜毒之眞藥。今日現前也。誰不瞑眩哉。海會者。正慶元年師所創也。然錄中海會之語不見之。蓋瀾漫惡波瀾。史所失者多乎。曆應二年四月。金面龍王謁海會。拜師而受三聚淨戒。龍王云。何以報師云。此地水乏。致之供衆。其夜穴地。清泉湧出。謂是金龍井。至今泉源不涸。堤封猶存之事。見金龍井之標幟。以是知。往古海會之爲名藍。龍天所護也。是

執巾昨日汝侍我。燒香今日我侍汝。超越超越也太奇。門前差語三喚汝。

病中偶作師云。別不須遺偈。

明月清風行脚底。白雲幽石吟哦溫。毅然墮落糞泥獄。報答千生佛祖恩。

貫通庶事居士碑銘

先生諱滋。字庶事。其先信濃人。仕水野侯。考諱壽妣野臯氏。諱□。逃居美濃岐阜外邑。以享保八年癸卯四月二日生。名市太郎。後改福坂十郎右衛門。欲仕尾張公。有故止。寬延三年來遊此方。時號久滿春溪。後改陸藤作。更川陰祖二卜急好潔。博識多才。以古文辭教人。初居粟井新田。後居下高瀨。而不安處。因循近隣。講習討論以樂。安永五年丙申在下市講左傳。十月初臥疾。歸高瀨。終不起。十月二十九日。享年五十四。安然物故。嗚呼。火浴設利葬焉。山僧主拙銘焉。戮辱今古。恭謙失常。維毒焉廈。信州砒

示武田七右衛門

延寶三年乙卯春。饑饉災厄苦萬民。武田經孝賑濟是。官邊聞達褒賞臻。特拜平市二鷗賜。爾來有之百二旬。綿綿家系固劫石。孜孜兄弟恪厚淳。猶成子孫長久計。悉家和樂常施。

送原桃首座之圓通

大地山河阻不阻。東關西域遙難遙。行矣圓通開大室。法乘從此致豐饒。歲首和

獅峰獅子吐霞光。機活室中三尺霜。八面春風古殿外。又添德色雜華香。眞讀大般若經

無量壽佛放神光。般若空經驅病。邑內近村得安樂。大家盡力只麼懺。

悼智傳



鳳山餘一句。鐵嶽畫奇峰。傾盡滹陀水。歡還豐熟農。

壬生川大施餓拈香

寬政九年丁巳孟秋七日。從桑村壽聖寺林際錄會裡。到壬生川本源寺。修大水陸會。

享保壬子春夏際。雲霞蜥蛾列國憂。窮餓致死不知數。今丁六十六年秋。當所官庶修追薦。集百餘衆施食周。親炷個香寶樓閣。普使群靈作神遊。於戲偉哉。修此追福。當所諸官同志庶人各各子孫。斯餘慶。於千歲之後。猶且從今平常莫忽。孝悌忠信。悉家和樂之正道也。專冀盡十方三世佛世尊。扶桑國裡大小神祇。三國傳燈歷代祖師。住世利生大阿羅漢。盡十方法界群生。六十六年前餓死之群靈等。上此寶樓。受此大供養。神通自在。普同利樂。一切有情。喝。

摩訶薩埵。三國歷代傳燈祖師。護法伽藍。諸天善神。扶桑國裡大小神祇。  
法界群生。不可刹等。恒河沙衆。伏所希冀。遊戲自在。以何爲驗。看取下文。  
劫火曾洞然。木人淚先落。可憐傳大士。處處失樓閣。六十六年今。親作水  
陸約。教恒沙群生。遊戲寶樓閣。

臨濟錄開卷於壽聖寺

不河南又不河北。瑞鳳山頭毒浪開。欲語個中那一句。如何箇箇鎮州來。  
韋馱天點眼

正眼點眼立鳳巔。三洲護法韋尊天。廚庫山門堅固鎖。長期壽聖二輪圓。  
壽聖開山四百五十年

縮來四百五旬跡。千指頭禪香篆濃。要見祖師眞面目。儼然獨坐大雄峰。  
臨濟錄收卷

天龍山頂。眞空閣開。神佛巍巍。劫石維堅。鑑。

眞讀大般若滿散野語

劈微塵矣。出斯經。總使群萌發大機。八面薰風堂上冷。郊田浴雨稻苗肥。

五祖錄講了

五祖山頭水。混流石牛川。滾滾三十日。冷淡附誰邊。

大施餓會拈香

享保壬子。秋間蝗蟲。如雲霞簇。痛賊稻梁。爲之列國餓死者多。於此城中。以萬數乎。爲絕其後。誰諱祭之。寔可痛哭。今茲丁巳。正當六十六年諱景。天龍山頭。勝會之後。教此主拙。燒香一炷。開甘露門。先餓死者。法界衆生。同圓種智。將大安樂。其功德衆。善信至哉。應是各各。福壽增長。子孫長久。今集大衆。舉祕咒序。欽燒此香。恭奉供養。三世十方諸佛世尊。菩提薩埵。



鄭州梨兮青州棗。萬物無過出處宜。左邊底句未分曉。右手如何弄箸匙。  
眞空門。本師三尊十六善神深沙大王玄冝三藏安座點眼法語。

個眞空閣。中安迦文。獅負妙吉。象載普賢。突出怒眼。神蛇大王。荷擔經笈。  
玄冝三藏。善神十六。擁護圍繞。當山現住。環哀榮珍。弘願焉足。勝會焉催。  
命令主拙點神佛睛。燒香以筆點眼。

個香一炷。普供群儀。茲使安座。茲使鎮衛。譯其肇始。時節因緣。天明辛丑。  
臘月下旬。長田氏主。伊右衛門。勸發此事。與現住圖尉斗喜八。同化助斯。  
爾來歲歲。請三五神。天明乙巳。改寮作堂。爲安神佛。爲排僧單。今茲寬政。  
丁巳夏初。佛神全備。土木役終。五朔開講。十日開堂。衆千餘指。讀六百軸。  
伸大供養。開大法筵。教壇施衆。庶緣吉祥。教現前衆。道體堅固。冀答此用。  
長鎮國家。壽深滄海。富聳妙峰。蠢動含靈。浴大智光。祝祝。

獨妙忌

燈前截爪毒翁手。腦後見腮醜面皮。一椀湯茶蘿蔔飯。冤家難報拈匙時。

丙辰守歲

忙者轉忙閑者閑。個中誰管是非關。君看守歲現成句。雪示年豐北斗山。

丁巳試毫

爲瑞爲祥昨夜雷。地天泰矣自斯來。彤霞晴渡海門碧。青帝笑眉八字開。

涅槃忌

端嚴四八柳敷霞。瞻仰取鑒好大家。叵耐白毫餘一德。兒孫賴有約些些。

佛生日

我今灌沐小如來。前日雨兮當日晴。淨智莊嚴功德聚。薰風殿上嬾涼生。

五祖錄開卷

五月朔。於正宗寺。

黃金二角果儀棒。清墨十枚錦繡筐。琉球盞盤輔茶器。大唐管筆助文房。  
一柄風生美欄扇。雙包薰徹玉兔香。辱之謝斯言語絕。激斯感之識情長。  
萬年只禱願天德。攝取方來放道光。

鼻祖忌

個屈胸衣怨叵消。幾回歡喜幾回瞋。昨雨千山紅葉錦。等閑懸掛老胡漢。

金剛經開卷十月望

賣柴聲矣讀經聲。耳朵僅傾失眼睛。我人諸相無無去。希有世尊孰證明。  
謝冬夜管待

五十餘僧珠走盤。三圓九畫應風寒。秦雲漢月一團話。來復始陽君自看。  
臘八。金剛經收卷。靈源筆語開講

劈開崑崙金剛石。傾出靈源萬斛毒。有用力機臘八辰。前夜瀟洒梅獻玉。



臨濟錄開卷

三玄三要四料揀。四喝四賓并三句。一句死款見徹未。可笑葫蘆酸越酸。

贊滄海和尚寬政八年中夏吉辰。朝廷特賜靈光妙印禪師。

昔生空海屏風浦。滄海日州外浦人。只箇闡提生鐵面。伸眞怒眼笑如春。

送諸子之井山

有魚鱗六六。欲噎毒星泉。不假桃華浪。驀登三級巔。

謝法槁東洋惠畫

浦島太郎把釣竿。蓑衣露滴壁間寒。玉函盛壽與君老。勿作仙人圖畫看。

上日州飢肥報恩和尚

日州神祖開邦處。餘澤今還起逆浪。浪浪玄機達廷上。靈光妙印賜勅章。  
拜恩在京經營久。幹事歸鄉船路忙。中夏期君恨何盡。初秋閱冊誼尤昌。

我今灌沐小如來。薰風匝地古殿冷。淨智莊嚴功德多。雨餘芍藥蝶舞靜。

寒山詩開講

點點泥未乾。巖葉塗谿藻。微風吹幽松。近听聲愈好。

香天和尙十三年

梅檀葉葉起清風。無色界人鼻孔通。都率泥犁重捏聚。博山煙疊彼蒼中。

養賢象川和尚一百日。其徒宗琨白賁爲齋。拈香

應接群機摩頂機。清風颯颯起孤峰。等閑翻却鼎湖水。呵雨打雲怒眼龍。

端午

天中佳節罨江流。本ノヤ、并葉虎生風不休。角黍團子清話外。大家難渡快龍舟。

和阿州蛟山和尚

二十年來契濶天。杜鵑啼月淚漣漣。順時保愛摩星斗。花眼隔霞河水煙。

肥前洞濟寺敬山和尚十七年

洞濟那邊攏蜆蝦。棹歌風惡調胡笳。問尋十七年前事。大義山頭鼓爪牙。

壽辻祐善強年初度

誕辰壽不惑。開序契仙齡。壁笑東方朔。牕輝北極星。我菁多智樂。荆茂賑康寧。猶效積陰德。長恢望斗亭。

三月十六日慧禪人爲其師但馬國圓明棟應和尚三回忌設齋拈香。

蓋世一機任大材。普當群卉法堂恢。三回春輶圓明日。屋裡朦朧花影開。

題龜齡井

浪華茶室下。古井酌禎祥。君看無量壽。龜毛數寸長。

佛生日



丙辰元旦

妙峰曙雨漲神池。春度石橋游寶龜。六六元來三十六。笑看太白上雙眉。

和雲山和尚除夕韻

昔在青州日。思惟作布衾。今當守歲夜。却笑遂初心。烏過東山急。兔趨西海深。故人何契濶。帽冷漏沈沈。

簡鳳源和上

時憶黃金鑄子期。朦朧春月各天涯。道情震艮應如鐵。杳望鳳源只伏惟。

涅槃忌

涅槃一會道玄畫。天下堪稱無價璧。萬億群類紫金顏。請向個中好著隻。

涅槃忌和雲山和尚

柳暗花明春二月。勿言今日入無何。此塗毒鼓一聲外。驚殺若干舜若多。

棒打青天黛益青。托開月窓月何冥。蒼龍曾自起淵底。南北東西無戶扃。

冬夜

五百指頭布衲衣。圍爐占得管灰飛。大家著隻一無字。兩箇狗兒只麼肥。

臘八

百則公案半過時。衝著雪山見星節。滿堂衲子只麼參。崔嵬檀特硬如鐵。

獨妙忌

富士山從隻手欵。扶桑國裡沒禪師。年年此日又添恨。蘿蔔半齋笑一時。

臘念四碧巖講了

廓然無聖小春望。撐月珊瑚臘尾藏。雖笑芥中劈白石。却憐海底掬青霜。

乙卯守歲

玉兔欲辭月桂枝。龍皇炎帝要更時。今宵賓主交參話。來日歡看新定規。

斯遲羅邦。夫妻樂哉。象牙犀角。從此地來。遲羅

阿免利加。情意可觀。夫倚瓦榻。婦相合歡。阿免利加

溫加利耶。近阿蘭陀。并立男女。似情意多。溫加利耶

波利斯國。舊云波斯。花壇□章。猶出珍奇。波斯

兀良哈國。古云遼西。同韃靼俗。弓矢常携。兀良哈

塔葛沙古。又云大冤。國政爺後。五常少存。塔葛沙古

十月十五日碧巖集開卷

聖諦廓然。勿蹉過。還云不識納些些。今日當陽要分開也。恐佛鑑劈脊呵。

石地藏銘 琴浦極樂橋傍

二佛中門。爲大導師。幽顯爲助。不遺一兒。

霜月三日中興忌



秋色迎吾周道蕩。可憐邂逅問文章。丹楓白露金聲夜。明月清風玉振床。  
化育英才容未老。玄言今古話猶香。千年養得飯山壽。禮樂詩書飽大方。  
松山黃檗僧相見有偈卽和

月明不在廣漢宮。孤杖敲局思可窮。相見今朝餘一句。松山城外興祖風。  
岡太夫所藏異國人十二枚屏風贊

大明風彩。優哉美哉。唐宋元後。文雅斯開。大明

世號大清。文筆漸工。移韃靼俗。爲中華風。大清

此邦韃靼。又云蒙古。射飛鳥工。奈神風怒。韃靼

邦云琉球。男女盡豔。源爲朝來。倭風深染。琉球

朝鮮近矣。古云三韓。神后一征。貢我交歡。朝鮮

阿蘭陀國。又云紅毛。商達江戶。貢獻文穎。阿蘭陀

那伽犀那尊者贊天現和尚筆。

膝下振拂毛。掌內現金塔。那伽犀那尊。救世踞繩榻。

少林忌

霜巖寶嶺曉鐘搖。個裡因何著七條。是爲少林師祖至。點茶配菓恨難消。

題佐久間氏墓石

天造墓石。無斧鑿痕。護君萬壽。長含月魂。

賡業海和尚見寄韻

邂逅爲話浮島昔。且喜似侍鵲林傍。北信雪滑飯田嶽。南讚月黑罽浦坊。  
我唯受乏身垂老。君元拔概氣如王。可笑大安開海市。堪仰友松茂帝鄉。  
壁疎常德少蝸屋。籌充長久老東堂。古風須復文茲在。天下謀還張子房。

和滕先生韻橫田氏分岡亭席上

塵塵無<sub>レ</sub>不<sub>二</sub>中心刹。勿道迦維誕獨尊。綠樹陰濃雲雨外。杜鵑啼過<sub>レ</sub>晉江村。

四月十三日。大安清拙老古佛三回忌拈香

曾入<sub>二</sub>松濤室。喫咬提耳親。醍醐嘗<sub>二</sub>一指。毒藥苦遍身。怨重越山雪。蘋輕仁浦濱。個香難<sub>二</sub>消爇。恐引<sub>二</sub>乃翁瞋。

端午

五日斯端午。綠樹浴雨濃。君看艾爲虎。吾愛鯉生龍。角黍躍禪室。灑茶寫<sub>二</sub>妙峰。

伊豫鳳瑞山牧首座畫其師丹波寬宗和尚肖像。乞贊。

丹波梅迫豫章香。景德峰兼瑞鳳昌。父萬山兮子玄道。寬宗老漢雙眉長。

自贊牧首座請

個不即留。欽<sub>レ</sub>圓削方。描畫何似。唯耳毛長。



除夜

擾擾忽忽日月還。個中占得萬年歡。立春大吉黑彌黑。筆下東風當帽寒。

寬政甲寅守歲

解騎虎頭收虎尾。大家作用君子斐。聲聲驅鬼爆竹風。春恩早知蒙萬卉。

乙卯試毫

紅輪出卯卯年晨。露柱燈籠笑貌新。爲浴東君恩澤厚。如回上世羲皇春。

涅槃忌時信州業海和尚携龍谷所寄爛枯柴而來。

娑婆往來八千回。海月山雲一夜灰。昨爲信州師伯到。爛枯柴亦赤城來。

幻室宗觀居士百五十年忌。加廣智院號。

幻泡如石石如綿。室內一燈個裡傳。宗主殷勤追遠者。觀光佳氣萬斯年。

佛生日

謝贈鴨羽帚湯灑艾十錦茶碗。

翠羽帚塵塵也秘。白艾愈風風亦密。臺山分個玻璃盞。杓提童子眼如漆。  
穿石菴主寶洲智琛禪師三十三回諱

寶蓋圓光脫穿石。洲渚園林那裡闢。智鑑照天三十三。琛現鎮海月失白。  
瑪瑙石達磨點眼

漆雙碧瞳。丹一赤玉。活作休窮。毒氣難觸。劫石不消。屈胸衣。左邊底重還  
他屬。

臘八

似移檀特雪彌白。不掛葫蘆醋越酸。勿道箇中沒滋味。曉天依舊朔風寒。  
獨妙忌

浮島怒濤流毒長。辣辛尙笑漢州薑。嗚呼三句面前恨。盛蘿蔔飯消瓣香。

四七元來二十八。赤石月黑堪愁殺。狗吠馬駭逆浪關。他痴聖人幾失點。

誕生諱

都率陀天示五衰。迦維羅國唱唯我。不依昨夜薰風急。爭見藥欄花撒珠。

千手觀音點眼

大悲千手眼。安置鎮家堂。福占龜齡人。壽期鶴算長。俾君風而雅。使爾德猶昌。觀世音如此。普門咸吉祥。

少林忌

蒙屈胸衣抱素琴。九年索索鼓熊林。一自神光依位立。大千腸斷古箏音。

謝冬夜管待

溫席書雲日。丈方半百僧。瓶梅凌白玉。盤菓馥青燈。三圓肥股肱。琵琶池裡水。約束見龍登。



忽翻閑寺想。舊榻復新陽。霜戶堪清蔭。茶邊疊暖香。豈歎風韻冷。更弄詠詩長。半夜江湖話。主賓醉罽觴。

歲除偶作

把針繡出豈堪看。池上鴛鴦玉走盤。休問春風湖海濶。蓬萊何似箇中安。  
臨濟錄開卷時在琴浦乘蓮。

不河南又不河北。春暖普門八字開。欲語個中那一句。如何箇箇鎮州來。  
乘蓮會中爲月船老古佛設齋拈香

一輪寒影武溪水。數片風帆琴浦磯。是爲公案猶未了。春雲魁夏畫東輝。

涅槃忌涅槃像點眼

涅槃會上藕一束。普門山頂人如玉。紫金光聚今重新。諸大家瞻仰取足。  
逆浪滄海老和尚四七諱

瑞龍頂奏羅羅搖。龜拂扣吾慰寂寥。漢月秦雲話何盡。萬年長約□丘嶠。  
前住太安清拙老和尚四月十三日收化。六月十三日設愚痴齋拈  
香。

劫石易消冤叵酬。夜來北海壑移舟。松濤風惡乾坤黑。恨在訃音傳置郵。  
少林忌

千山紅葉雨晴朝。少室風庭破寂寥。三百指頭依位立。胸衣猶暖不迢迢。  
臘八

一二三兮二兩兩。交肩結眉鳴獨掌。斯聲雖不墮宮商。清瘦梅花笑庭上。  
獨妙忌

燈下剪爪施毒手。棒頭鳴牙縱惡口。是非五千尋富山。偏界誰知積雪厚。  
冬夜取牌字

烏藤是非步影遲。鼇城春上古藤波。提示滹沱三要路。轉回洞下六重離。

正月廿四日寶壽庵地藏菩薩點眼。明眼慧聰禪尼之塔上也。故打  
地藏菩薩明眼慧聰八字。

地天泰卦明歷歷。藏祕珍寶庵外敲。菩提木樹慧能歌。薩埵雙眼聰亦的。

涅槃忌此日。太守郊行

邦君車馬過隣磯。途路襯花侍御衣。四八端嚴收不得。雨晴霞暖紫薇肥。

佛初度

龍吐一湯溫與涼。誰知半杓短兼長。銀盤托出毘藍園。花藥欄殊凝艷香。

槐安國語開卷

結眉夕兮交肩朝。倒語顛歌第五橋。嫋嫋遺音寰海冷。不知肉味孰中韶。

謝杏壇老和尚來訪



鐵舟遲鈍首座十七年忌

鐵笛自吹十歲餘。舟移夜壑七峰岨。遲遲却急回流水。鈍脚元無諱大車。

示理叟

因果明明曾不昧。者回錯墮若斯姿。今來古往一輪月。本具佛心他是誰。

除夜

古人道丈夫先天。不管陰陽涉變遷。除夜山雲江月外。立春大吉在誰邊。

壬子大晦

巔懸北斗妙高山。煒煒照來丈室間。守歲今宵何管待。且期青帝過玄關。

癸丑元日

七九吼星水牯牛。肥從青草秀池頭。牧童唯敖清平化。不識春風有來由。

和元旦

白擘鐵顏瞋白拂。猶餘毒手活烏藤。炷香拜謝賑吾室。聊報深恩壽萬層。

題圓靜子扇子

一杯仙掌露。滴入玉江泉。金菊浴恩澤。約君壽萬年。

謝冬至管待

冬至月頭雪不寒。大家相與祝安巒。彩雲片片納衣下。占得一陽來復看。

臘八

千山白雪一庭雨。星黑曉天徹骨寒。鉢裡飯兮桶裡水。拈來冷淡與君看。

獨妙忌

南雁雪蘆汀上瑣。北風窓紙隙間簧。劫灰易消恨難消。二十五年一抹香。

關山忌

宗門向上事如何。紫野國師答曰關。關字從斯聲價貴。看移地軸轉天寰。

少林忌

白雲嶺上與誰看。紅葉檻前擁我寒。勿道少林無滋味。葫蘆醋醋之如酸。  
十月望祖英集講了。碧岩集開卷

祖英拾盡碧岩前。抱子歸猿青嶂後。百則未繙誰掩耳。怒雷振地乳峰羶。  
送化主<sub>二</sub>壬子小春廿一日

紅葉山如錦。此時卷衲寒。沒塵非菩薩。無利不琅玕。化習阿誰富。勿令磨  
詰看。行兮旬日後。歸揮碧岩壇。

貫通庶事居士十七年

貫文餘一器書。通方作者不<sub>レ</sub>需譽。庶之若識此君子。事事到今何齟齬。  
脫手

赤石久主人祕重獨妙禪師真相。

勿道高聲喚不<sub>レ</sub>謦。威容矍鑠鬼神憎。虎頭燕頤畫何畫。蠡目犀唇謦何謦。



奉勅還都建曆初。石盤殘焉示德厚。跡古棹堀光明庵。盤轉三田昌補叟。  
叟傳之河野世華。爾從祕珍到道守。賴此盤唱六字名。盥此盤除五塵垢。  
此外更知無彌陀。同石盤得無量壽。君見石盤六百年。天衣劫外名何朽。

和寬劍韻

七星茲鬪射。鞘裡冷光寒。衝天牛斗氣。祕在君腰間。

曹溪確堂和尚三回忌

入坊春處米無糠。上栗坐時風有涼。爲是曹溪波浪急。些些遺恨白蓮香。

自贊海印尼請

參鵠林老。慵吸毒淵。捉浮島月。掬罟浦泉。耳中髻密。眼底瞳玄。習五七軸。  
接數十肩。爲三八九。若億萬年。竹杖夏冷。布衣冬偏。□顧鑑。咦。眠大安嶺。  
夫是斯謂常德九峰主拙鈍禪。海印尼畫予醜像。乞贊爲題。

遊月華亭詠海苔

秋庭含露錦成茵。春砌疊青氎着新。君見月華館上觀。四時不凋鎮迎人。

佛初度

風冷山前麥熟時。聲聲杜宇轉思伊。大家杓杓長兼短。浴出毘藍園裡看。

獨妙忌五月十一日預修

每歲鎮州蘿蔔飯。今朝登麥撲樓鐘。二十五絃調葑菜。八千尋雪畫芙蓉。

石盤銘

河野道守俗名村屋理右衛門所持。法然上人資身之具也。就予

記其傳來。卽歌云。

河野石盤尊於玖。傳道源空用漱口。空竄此邦建永日。謫居無水銀。鹿愀以棹掘地涌清泉。其所今棹堀名有。一枚石盤弄日月。五年海隅濟黔首。

鉢磬嶮嶒睥眼中。朝朝飛雪舞春風。故山消息團蒲暖。誰識燈灑載大唐。

鼎堂號

神禹曾作茲寶器。九品三脚王室瑞。今如取栴檀屋中。禮樂長者香園□。

佛心開山月忌

乃翁餘德久昌昌。引二百僧坐法堂。虛而靈兮空而妙。嬾紅殘碧吐天香。

佛祖三經講了

四十二章始。瀉山警策。葱峰花似錦。折□西東。

樂翁居士贊

個一隻眼。自稱樂翁。和敬清寂。常遊此中。

寶津寺正眼國師一百年忌

杞祭虞兮宋祭商。孝兒追遠篆書香。百年今日以何供。龜在釜中隕古桑。



分一節兮節一分。迎新除舊大家欣。崢嶸露地白牛子。賓主話濃毛骨薰。  
辛亥冬日。大高坂徑公訪予。罍浦。時予不在。貽佳什歸山和其韻。

印印泥兮錐畫沙。突然躍出草中蛇。杉山城畔墨地色。應是右軍王氏家。  
和常住寺和尚歲旦。

漉漉杲日護山春。賀客躋攀分主賓。雖是從頭常住境。有年物色惠來新。  
佛祖三經開卷

最初末後太殷勤。耄老指南分不分。個水牯牛無警策。山前草暖疊春雲。  
贊瀉山和尚。

倒瓶笑。摘茶遊。拔仰山眼目。穿百丈罽毼。一篇箴警策。今古個裡長嘶水。  
牯牛。

和玄要和尙見寄韻。

臘八

昨日歸從赤石濱。今朝要問雪山津。君看刻苦光明白。梅笑寒庭漏泄春。

旅中冬夜備前片上宿

不托乳盤不畫雲。驛亭茶味恬舊薰。始陽初復大家見。堪笑箇中有此文。

赤石龍谷大應錄會開講

牛頭沒矣馬頭回。明月清風在五臺。四會葛藤三八九。半千龍象爲君來。

獨妙忌

富山輓出自牛車。倒聖挫賢毒爪牙。不報怨恩猶未償。年年此日納些些。

辛亥分歲

仙人愛兔兔趨回。童子驅烏烏亦來。新年頭話喫茶去。柳面梅腮笑對吾。

寬政壬子正月

前曾溪確堂和尚小祥忌

鏡裡勿言著一塵。拈回香飯丈方春。來時無口洞林密。葉落歸根曾水津。

疊峰慧秀首座土州延命寺徒。在<sub>二</sub>筑後德雲<sub>一</sub>化

雨洗夏山疊翠時。堪聞雲外杜鵑悲。苗而欲秀何中折。恨在天風撞著時。

廣滄海和尚歲首賀<sub>二</sub>古稀<sub>一</sub>

趙州東壁掛<sub>二</sub>葫蘆<sub>一</sub>。至祝古稀春至初。向下年長師<sub>二</sub>矍鑠<sub>一</sub>。尋盟一百二十餘。

二見<sub>二</sub>邃子贈<sub>二</sub>護襟扇子短冊<sub>一</sub>。

白檀扇子起清風。疊雪襟巾亦寄鴻。玉箋百乘重重賜。望月馳神赤石中。

贊畫馬

秦穆魯方臯愚。豈辨<sub>二</sub>黃驪色<sub>一</sub>。又失<sub>二</sub>牝牡孚<sub>一</sub>。追風千里拽<sub>二</sub>來彼<sub>一</sub>。堪笑沙丘明

月孤。



佛初度

獨尊唯我一香湯。韶石藥山孰短長。浴看箇歟浴那箇。薰風殿上坐微涼。  
端午

善哉藥草採持來。告報蓮華講法臺。仁浦不分清濁水。龍舟競渡罟江開。  
贊畫三首

獲鼎仁。官雲惠。五氣於斯平。五種子時熟。順天地兮化幽明。大哉史德稱。  
黃帝。黃帝

從見長桑子。上池水涌春。診脈當時始。姓秦名越人。扁鵲

曾述聖人意。克瘳天下病。有書傳古方。於戲張仲景。張仲景

無學壬生川本源寺和尚

點頭趙老那一字。大笑孔門傳受類。不習文兮不談禪。壬生川本源澆季。

托鉢四方二十枚。兩三箇懶拂塵埃。西來祖意焉廋劫。落葉門前謝客來。

通方諱

通宗通說善應時。方丈難何清寂思。義重天倫香一片。貫天括地北風悲。

臘八

習見星光沒曉天。堪隣梅蘤發春前。闍提窟裡二三子。冷笑石霜錐下眠。

寬政辛亥試毫

皇城改觀紫宸新。三唱萬歲元旦辰。是契東方君子化。五湖四海自歸仁。

涅槃忌

八十年來剩語多。休言此日入無何。嬾紅雨過花如錦。添得黃鶯萬壽歌。

庚戌守歲

燒錢李四躍村東。爆竹張三歌里中。結尾交頭分一節。笑看臘雪接春風。

深使人奢。聞今又驚寒拾。就福里接龍蛇。龍蛇總可開眼。聖凡豈不稱爺。  
仰高兮赤石月。鑽堅矣少林霞。神雖飛脚不步。病筆漫寫些些。

佛涅槃

赤石寒山人若雲。岡城大慧衆爲群。箇中且與兩三箇。消却談常扶律文。  
泰雲山爲鵠林遂翁二老和尚設齋拈香

摧殘峭峻白厖眉。銷爍玄微蕎麥皮。何事今朝淚如雨。鵠林倒却刹竿時。  
佛初度

我今灌沐諸如來。南七寶兮北五臺。淨智莊嚴功德聚。一庭芍藥萬輪開。  
土州本川高野和田氏。祕一小石乞余銘。

誰知天產石。烏帽覆乾坤。常吐壽峰碧。曾無斧鑿痕。

庚戌少林忌時大衆分衛遠方



除夜

牛頭沒矣馬頭回。鎮海明珠跳五臺。黑月若收三兩箇。春風占得有年來。  
寬政庚戌試毫

望年室中容妙峰。觀潮樓上搗洪鐘。一堂衲子三元旦。春自七條衣下濃。  
和雲山歲首

金銀星出孰安貧。拾得寒山分外春。欲問天台峰頂路。彤霞暖影遠襲人。  
十二日永福關洲和尚之齋

赤馬橫天無道通。蒼龍吞海有仙宮。雪舟曾從植庭石。永福傳來峭峻風。  
呈滄海禪師。謝舊年佳貺兼賀今春福里之盛筵。

去歲秋盡後日。海雁附書立沙。和歌數鳴金玉。土師鎮活爪牙。日州茗溫  
如日。花苑茶香於花。山吹嵐自宇地。天門冬從漢家。此物咸所君賜。道味

象駕崢嶸向那邊。林密曬錦於花鮮。素雲玄月三二一。體露金風白璞圓。  
鼻祖忌

丹楓白露眇衣寒。四七二三一彈丸。石落落兮珠碌碌。衲僧之樣與人看。

臘八

昨日雨兮今日晴。雪風不鎖拽閑行。歸來堪述三三二。露柱任他舉笑聲。

獨妙忌

燈下爪兮日中星。富士山雪浮島水。毒氣年年積成堆。寒庭解笑臘梅蕊。

關山忌

庭栢誰言有賊機。無生死話碎玄微。價貴半斤臭皮襪。幾度拈來補破衲。

廣雪中懷古之韻

此夜何人徹骨寒。黑漫漫地白漫漫。銀盤擲碎微塵外。勿作舞風柳絮看。

無外得方信士二十五回

無底籃兒香飯新。外魔仙佛好開唇。得圓通處今廿五。方所眼新手亦親。

秋雲妙瑞信女下火

秋風昨夜送清砧。雲裡香冥月色沈。妙一漚前君自見。瑞光脚底腳頭深。

大岳素清首座秉炬 八月廿四日

大虛空中畫虛空。嶽神風外起神風。素月嬋娟三五後。清光水潔廣寒宮。

賀超圓寺本堂上棟

突兀高堂不日成。庶民如子日經營。無量壽鎮超圓寺。水鳥樹林念法聲。

九月廿九日提州老祖大師六十一年諱

吾祖曾從營丈方。接方來六十餘霜。爲殘斯未了公案。又使郢人造寶歲。

白圭院象林素體大姊秉炬



三十二應一聖容。燈籠露柱笑相逢。君看福壽無量域。八面清風樓上鐘。

四月三日垂帳

多寶佛塔亦如故。觀音大士入玉戶。利樂恒河沙群生。大千濺餘祥瑞雨。

佛初度

昨日觀音入寶壺。今朝太子誕玄都。無中有路落花雨。灌沐薰風綠樹衢。

四月十五日泰雲山開山忌

嶮路步從一宙禪。泰雲山頂結冤緣。乃翁殊爲神機密。天下誰人窺半邊。

五月十六日播州室津淨明寺春朝和尚來訪有偈卽和

谷谷無心一塢雲。清風颯爾登音聞。依君企望鼇城下。期君東山接克勤。

明庵慧聰尼下火七月八日

明頭未顯暗頭圓。菴內人參菴外禪。慧眼曾看添一隻。聰根反聞錦衣還。

賀河田氏不惑

春暖青州從事家。綺筵醉客與餐霞。眞人就爾高門處。萬仞壽山稱載車。

賀辻氏北堂壽筵

花發仙桃王母家。鶴鳴珠樹壽星筵。萬年要約相期道。是恕其仁積大車。

書百壽

己酉春日書百壽。欣然爲壽誕辰壽。慈悲仁恕當家常。千尋福□萬載壽。

西王母贊

千春一回發花。萬載幾多餐霞。要別仙桃滋味。慈爲室仁爲家。

三月十五日鐘樓上棟

韶石七條廣福田。黃龍一點讚樓嶺。雷關百護劫塵固。響入幽松玄又玄。

三月十八日褰帳

念讚必在鐘樓上。植菜何事床脚下。唱却猛虎橫路中。笑雪梅蘤描難寫。  
獨妙忌

蘿蔔飯兼蘿蔔羹。年年此日恨難平。爲餘聾耳喝雷殷。屋上鯨魚發大聲。  
臘月十五日。通應禪師五七日

善應方所輔吾宗。慧眼再開革古蹤。五七元來三十五。白華岩上喫茶濃。  
戊申守歲

擾擾忽忽水月流。玄關嶮立不應留。大家親掬斯中意。笑倒北禪點白牛。  
己酉試毫

金雞報曉報雞年。瑞雪晴開瑞靄新。幸爲東方君子位。河清海日不藏賢。  
賀鴨田氏不惑

蘿山凝黛罨江流。海屋春風初入籌。從是萬年歡樂日。真人布德意悠悠。



和雲山祖諱韻

渠是阿誰渠是誰。三千里外絕相知。欲問乃翁今日事。喫霜殘菊傲疎籬。

大鐘銘

隨敲濟衆。應擊度天。六趣覺眠。九界解纏。俾國土堅。令君臣賢。億萬斯年。

雅音永傳。

前住善應通方義貫禪師秉炬

通玄峰頂。方丈室中。義鞭鐵石。貫之重瞳。茶禮式趙老。毘贊樂天工。津口

霜楓紅落。送行一句。恨何窮。咦。

潛溪神寶山善福寺潛溪智龍和尚。

驚起群鱗波底休。激翻曾水萬尋流。是非幽壑舞蛟處。呵雨罵風四大洲。

臘八時經營鐘樓

接炬云。恤禽育獸。七十七年。憐愚愛賢。威音王前。打佛棒天。提要示玄。曾進御前。金欄談禪。常接往還。白拂握權。大法得傳。化緣今圓。之乎者也。夜壑移船。

舉炬

泰山北斗失群望。慈眼因何瞎大方。秋到蟾華猶孟影。風從八月自清涼。

點湯代人

甘蔗甘矣生姜辛。我往南澗此把薪。一盃香湯多滋味。爲君拈出好開唇。

少林忌

君見梁王怒眼睛。千年消恨鳳凰城。知音更在知音外。腸斷朔風鐵笛聲。

天柱祖祐首座下火八月二十日圓寂

千里辭家扣我禪。機前拂袖過那邊。塵塵刹刹一雙履。五十三參好往還。

寒拾

拋擲茗帚事。失却竹筒。賜咄三界輪迴。不容個魑魅。

又

微風吹幽松。近聞聲愈好。埋頭天梯塵。笑忘把禿帚。

又

泣露千般草。吟風一樣松。夕陽古巖下。何不蹈先蹤。

丹後梅林寺仙洲和尚肖像

純粹禪父。端萬峰兒。梅林五世。花園一枝。道光映日。德馨施時。瀨大岳石。  
枕臨川湄。機挫佛祖。眼無筋皮。主丈侍側。渠是阿誰。噫。謂是前住臨川仙  
洲老師。

八月十八日慈眼老大和尚遷化。二十日津送秉炬。



看爲兔鳥速去來。穆王八駿亦凱凱。今宵臘雪粘砌冷。明日春風入戶開。

天明戊申元旦

今曉泥猿來問安。又令樹鼠步元端。君見何施設□□。趙老喫餘龍鳳團。

涅槃

傳金欄外傳何法。雲裡刹竿怒眼新。壞衲老兄從漏逗。知冤聊有報冤人。

賦龜壽達牧子祝筵

左顧三回印記新。渡江到岸不無因。要知黃赭眞仙壽。爲孝爲仁爲德人。

佛誕生在播磨清勝寺

我今灌沐諸如來。八面薰風吹古臺。五濁衆生令離苦。梅山雨過碧崔嵬。

同和清勝主人韻

百億一華一釋迦。我今灌沐細看過。山前麥熟前宵雨。且喜大家活捉他。

冬夜謝管待

洞菓趙茶主與賓。一堂占得一陽春。清風匝地江湖話。物物禪祥況味新。

因雪十一月望

昨宵寒雨滴間叢。皓雪今朝埋妙峰。雖示年豐祥瑞色。如奈少林失可公。

和玄要和尙冬夜偈

九晝非竿誰竊吹。三圓不鏡孰成規。慶雲此日泰山頂。萬歲何關兩片皮。

臘八

雪裡破顏梅一枝。幽香早識徹坤維。二三子纔看取。可笑討尋眼上眉。

獨妙忌

倒懸毒鼓鵲林山。不免賢人入死關。今日猶餘燈下爪。大千爬著未幽閑。

除夜

鵲林大師十七回。其秋。松蔭寺大聚會七百餘員。此冬。遂翁大師應高松靈源之請。和松蔭香語之韻。

蘇息祖庭荒旱日。荆叢叢裡雨傾盆。勿言十七年前事。拜請鵲林又結冤。  
九月十三日自厨享豆。

少林忌  
九月十三日餐豆。却畏皓潔明於晝。徐行欲問尋寒山。苦吟狂客失曉漏。

萬岳千峰紅落時。梅檀一抹恨如絲。分皮分髓少林晚。今日堂中說向誰。  
十月十一日妙壽小祥忌

十月小春紅葉時。周年此日使吾思。無量壽矣君看取。水鳥樹林好結眉。  
十月十五日五祖錄開卷

青州棗矣鄧州梨。萬物無邊出處宜。左邊底事不分曉。右手依何把箸匙。



天明丁未歲旦

丈峰新納妙峰寬。平石曾吞碧海吞。衍手清政□看君子位。春風吹度萬家歡。

涅槃忌

二月春風和氣靄。數峰如畫鎖明霞。石人眼赤泥人笑。相遇林間掬落花。  
伊勢津菩提寺前住金雞旭英大師。七月廿九日小祥忌。法子海印  
就安山設齋供養大衆。

金欄白拂自傳來。雞狗豬羊舞古臺。旭日非明夜非暗。英雄韜略剎塵開。  
和玄要和尙

冰佛不涉暑。奇雲稻梁肥。從是米價賤。炎風喪離微。

知淨院自觀了性居士五十年諱

自己靈光半百前。觀音携手過那邊。了了兒孫親慕德。性翁猶護幾千年。

韶陽諸佛出身處。曾道東山水上行。圓悟老人再拈弄。薰風殿閣生微涼。

心月普明大姊下火

五十餘年是與非。昨朝脫下那邊歸。那邊一路無蹤跡。月到中秋初冷暉。

天室素劫信士下火

天香薰破二二三。室外紅楓映暮嵐。素色君看涅槃岸。劫波寫月水如藍。

臘八

陝府鐵牛步白浪。嘉州大象掬青霜。虛空冷笑前宵雨。玉骨冰肌浴出香。

獨妙禪師忌

十九年前自斷腸。斯蘿荀飯恨添長。富山白雪五千丈。今日依何水上行。

除夜

經營曾失賣痴術。籌策何無□老衢。臘雪翻空春叩戶。結交頭向入葫蘆。

賡鞭首座住實相。歲首之韻。去秋自關東歸。臘月承受住實相。

合浦明珠宛轉歸。溫溫和氣丈方扉。圓通新是開光瑞。春暖拈華微笑衣。

涅槃忌

多少役力固築土。幾群郢人工運斧。總是談常一路門。且喜今日立天柱。

上棟

地布金兮礎布銀。期看劫石萬年春。十方賢聖堪齊供。香積界中物物新。

佛初度

淨智莊嚴功德聚。我今灌沐小如來。薰風面浴微涼日。殿後階前嫩綠堆。

以大蛤爲香合

斯此一天地。疊樓乾闥城。佳氣靄然處。香風鎮發生。

覺道素了信士秉炬



東村王老燒錢去。南海龍初獻玉來。各自不知今日事。忙忙塵世弄寒灰。  
少林忌

萬斛傾盆中夜雨。曉天漸霽冷青霜。聲聲塞雁過何處。無限騷人漫斷腸。

歲德神贊

歲德善神八將神。一摸脫出一般新。勉旃佛法與王法。擁護須乘本願輪。  
天明丙午試毫

南七寶山北妙峰。中開海屋住蒼龍。一籌今日早添得。瑞色春新萬壽松。  
正月七日雪。春林元孟信士下火

君看白雪糝春林。鐵樹花開興自深。把是藤枝如律令。普賢界裡任遊吟。

送林子歸鄉

誦帚□勿薄。奪席辨休厚。寤寐州云無。行藏從勝友。

天明五年乙巳冬至

大家爲主又爲賓。珠轉珠回合浦濱。江北江南閑話外。多謝鎮州蘿蔔新。

臘八

南村昨日紅梅發。北嶺今朝黑雨寒。一二三三三二一。一家和氣共誰看。

佛誕生

藕絲竅裡騎香象。麥浪堆頭釣活魚。只斯些兒君自看。飯王太子降生初。

獨妙禪師諱

白紙無端餘一字。普天普地恨何休。香林親爲不收錄。狼藉雲門閑話頭。

七月送哉子歸越大安

來來去去爲何事。寸壁寸陰勿擬議。羅漢岩畔歸省時。報我頑堅慰祖意。

乙巳除夜

結制日。荆叢毒藥開卷

喝雷棒雨猶未霽。的的恰如侍狼戾。一夜薰風月樹寒。勿呼杜宇爲望帝。

贊大燈國師

朝交肩兮夕結眉。露柱掉臂時來往。那一轉語重些些。半斤必定非八兩。

贊關山國師

不見富山三日程。臭皮襪著半片走。屋漏憐持策籬人。庭栢下捉賊機手。

六月念二日。別機頓翁居士三十三回忌

別淚未乾三十三。機中曾契十玄談。頓過都率三關了。翁悅明珠回海南。

雞

紅冠文。黃距武。假聲過函關。敲翼開天戶。質樸勿笑獻鳳人。清世誰看奏。

諫鼓。



和雲山和尚歲旦

轉回四七二三前。微笑一機擔兩肩。臘雪削圓方竹杖。春風韞却紫茸氈。  
和慈眼和尚元旦

岱嶽冠添卷石多。黃河帶結細流多。算來獻壽如如室。青帝眉毛長幾多。  
常樂會

螺髮石旋仙島碧。月眉斜印海門新。大家各自應珍重。布衲尙寒二月春。  
佛初度

萬尋海底掬青霜。百丈峰頂飛白浪。唯我獨尊休寐語。山前麥熟午風香。  
天明三年甲辰三月二十一日。遍照大師九百五十年忌。登大寧山  
炷拜。肅獻小偈。

那伽九百五旬辰。密印儼然杲日新。落花啼鳥屏風浦。携手尋盟三會春。

欽羨寧山景物富。寒月照梅雪亦馥。三五子弟此頓登。轉喜一夜茗話熟。

得樹字

寧山雪夜清興足。玲瓏寒月入詩賦。攜手幸欲攀覺城。上方望迷白銀樹。

獨妙禪師忌。于時良寶古鑑禪士百日忌。拈合一香。

鵲林岩下弄妖藥。曾溪路上折奇蘂。古鑑如漆絕點痕。那處著此闌提氏。

和雲山和尚臘八

幾年牧羊胡天曉。況味難分蘇武雪。大家若無新定機。寒雲窖中打釘橛。

癸卯臘尾。法華講了。

五十小劫半日速。雪風過窓轉八軸。珍重鷲峰一會人。今晚更逢白牛熟。

天明四年甲辰元旦

帚開五百點塵塵。拈出鷲峰未散春。松竹清風初日影。太平恩露個中新。

少林忌

爲要經營香積界。化緣日日對人情。普通年事與誰舉。可笑兒孫走利聲。

雪江晚釣

島外沙明銀樹濱。舟中棹動玉簑人。釣絲風穩雪江暮。望在玉鱗躍要津。

冬夜

傲顰四海五湖儀。暖律飛灰也太奇。管待君看無所謝。寒雲影裡慶雲垂。

臘八

大通十劫土三斤。悉達六年錢半文。個裡何容談價直。博山依舊吐寒雲。

從軍行兼題

畫角風寒沙漠戎。鐵衣露重漢家雄。功名應錄麒麟閣。勿道揚鞭我馬來。

雪夜登寧山。以山家富貴銀千樹爲韻。得富字。



小白猫兒辭我烏乎。脫乎嬾舉如是畜生。謾述村偈。

白壁盤中白壁奔。到頭不示爪牙痕。一夜西風紅落雨。猫猫吼破鐵崑崙。  
崎嶇白印宗。圭老禪衲。先年參吾室有日矣。每言我年老矣。參禪無力。易世來。而領略此事也。故自號栽松道者也。歸故山皓臺寺裡。而遁居眞珠院。時時通信伸道誼也。昨日計書到。五月廿八日安詳而圓寂。驚嘆爲焉。遲半文錢之期。謾述小偈薦焉。

道者奮然下翠崖。是應寄宿鄧江湄。收來放去唯如是。誰識黃梅相見時。  
明妃曲

王嬙自一出皇城。白華原頭情更情。不惜漢庭恩露薄。只餘千古春家名。  
又

琵琶馬上拂哀絃。紅淚濺餘白草阡。覆水難藏漢王手。千秋人笑失嬋娟。

雙陸盤中一殺三。眞珠瑪瑙失沆商。盡其機來還成瞎。可笑背後缺圓光。  
遇雨淹留。桃禪士有詩賡其韻。

多少村僧出龜城。傾盆恰如龍宮震。印水雨兮印空風。最苦屐齒泥中印。  
神女島觀月

西風吹過白蘋洲。乘月今宵爲壯遊。瀟洒江頭初女島。龍宮捧玉滿輪秋。  
弄月平盤臺。

葛蘿疊翠罟江流。騷客棹舟明月幽。夜深金尊猶未盡。平盤臺上興悠悠。  
贊畫

擲笠巖頭去。閱書扇面來。寥寥今古事。遺世思悠哉。

欠伸之圖

案上香烟斷。床頭書帙崇。缺伸眠欲覺。應是夢周公。

門。九牛曳不去。

頌

南海波斯入大海。明珠暗祕誑輕商。千鈞弩勢誰當的。老鼠始垂三寸光。  
佛日此大講堂洞門東方日輪舛天。則有明曜中夜黑月。雲霧晦冥則復  
昏暗。戶牖之隙則復見通。牆宇之間復觀塵。分別之處則復見緣。頑虛之  
中徧是空性。鬱埒之像則紆昏塵。澄霽歛氛又觀清淨。

拈語

大小瞿曇和麩糴麪。腦後見腮莫與往來。何故。黃金自有黃金價。卓拄  
杖。猶是釋迦老子綖續。今無有跳出底。良久。有則在。但是失眠。雙陸盤中  
一殺三。三三元來不九。一目團八目。可惜乎。

賡頌韻



一點水墨兩處龍。何更添丹又添漆。普天深鎖秦山雲。誰向扶桑看杲日。

玄要和尙本韻 四月望日

乃祖生緣一二三。四五六七黑如漆。若非夜半懸角羊。應是既望當午日。

贈文字關文字

印印泥兮錐畫沙。再□筆海躍金鱗。送行句子懶開口。寒雁橫江文字關。

寂靜利算信女十七年

寂而常照十七年。靜而善應威音前。利自益他無量劫。算恒沙盡立一拳。

玄要和尙下語并頌

若見是物則汝亦可見吾之見。殆欲把髻投衙。若同見者名爲見吾。吾不見時。何不見。吾不見處。適來不合話墮。若見不見自然非彼不見之相。有澹臺滅明。行不由徑。若不見吾不見之地。自然非物云何非汝。一字入公。

涅槃忌於長福寺

涅槃會上。芻一束。東海山頂人如玉。淺碧嬾紅北條春。請大家瞻仰取足。

李白贊

曾稱謫仙。言詩無敵。飛瀑千尋。見起霹靂。

杜甫

携我詩稿。跨箇瞎驢。回首峨山。皺眉杜甫。

李白醉倒圖

天謫太白。醉倒輞塵。詩腸纔動。清平調新。

黃安仙圖

巨鼇背上。童貌幾春。要浴壽海。問黃真人。

玄要開山忌香語

佛推上須彌頂上。昨日也堂頭老漢拈出些子兜樓婆。舉揚鈴聲緊急末後之句子。捩轉他鼻孔。令警咳一聲。今日也光教老漢竹篋下。接得二六衲僧。有照有用。賓主歷然。巍巍堂堂。煒煒煌煌。戲於偉哉。今欲取衆香飯。供養滿堂諸菩薩子之次。又令主拙。燕向箇香。惟箇盛筵。直得挽回少林花木之春。契當東海日多之識。可謂知恩將有報恩之分。法華莫大焉。到者裡。雖一字不著畫。八字無兩。聊綴山伽陀。讀滿堂之聽官。

虛而靈空而妙。三文價貴漢州薑。犀聲蠡目二千指。和氣靄然半片香。鑑。天明癸卯秋送沙子行上都。

重離六爻偏正互。疊爲三變盡爲五。不合撞著納些子。長安市上有老虎。

觀念寺開山忌

二月十二日投宿。翌朝燒香。拙語。開山鐵牛印禪師。

梅檀鬱密古叢叢。八面清風拂碧空。四百餘年春尚暖。金剛舍利雜華濃。

長福寺中興一百年忌拈香野語

不折春草。不印冬瓜。象骨木杓。拔千七百之柄子。豈云古石霜鐵錐刺三僧祇之睡魔。現在今不見也。德山云。虛而靈。空而妙。大小德山恰似談教乘。何物虛。何物靈。何物空。何物妙。恁麼舉著。不免指注。畢竟如何。佛種從緣起。舉香曰。個香根徹三泉。柯衝九天。明投暗合。今時那邊總依他恩力。虛靈空妙禪師於松島三萬六千頃之風烟中。不合喫著。薰天炙地。以之傳之。展轉授與。子葉茂孫枝昌。奇葩靈藥。普天彌彌。今玆天明三年十月既望。撞著禪師百年之遠辰。堂頭老漢與同門諸老相議。相圖大開法堂。包容四來。令小僧主拙敷演大應國師語要。諸山尊宿影嚮隨喜。列岳諸老補弼慶讚。江湖雲衲出一隻手。檀信施爲。各自竭力。露柱爲之開眉大笑。燈籠爲之點頭忻喜。昨六今七。暮春行小春之令。拜請無所住軒之古。



個中雖話涅槃春。不賣端嚴四八身。昨日有人從我。海山僅隔憶君頻。脫乎  
看天外赤烏輪。

八景贊 土佐氏需

蕭條遠寺。風傳晚鐘。行人路急。煙景轉濃。  
萬里平沙。一隊落雁。蘆葉水寒。遠山秋縵。  
疎疎漁村。輝輝夕照。江樹風靜。有人垂釣。  
萬頃洞庭。一輪秋月。晴興催人。青樽何竭。  
雲畫遠浦。風競歸帆。古岸如走。毫端轉嚴。  
一色江天。萬里暮雪。山河平沈。不辨日昧。  
柳外山市。松頂晴嵐。酒旗搖曳。客魂何淡。  
太湖瀟湘。渺茫夜雨。篷窓火明。棹入古渡。

應國師語錄。又使本願主宰首座圖國師頂相。請贊。三止四請。不得止。今日開筵。肅綴繡卷之村偈。以贊焉。天明三年二月十七日。二十世遠孫立拙炷香拜書。

本源寺梅谷和尚肖像贊

喫寒苦。凝清妝。月晝水肌。溪水香。條爾狂風花滿地。關山一曲惹怨長。元觀應子。榮光道孃。夫維是謂前住本源梅谷芳和尚。天明二年三月日。詔浦九峰主拙炷香拜贊。

本源光道和尚肖像

芳梅谷子。長久巖爺。究心宗頂。鎮本源家。烏藤怒眼。白拂咬牙。展眞春暖。誰容些些。

恭賡玄要老和尚泥曰諱尊韻。以代翰。

百則葛藤拈一邊。清風匝地主賓全。分歲如今何管待。東村王老夜燒錢。

癸卯歲旦

曙色卯前物物新。龜毛兔角轉機輪。青帝下吾南浦命。笑看東海日多春。

和雲山和尚歲首韻

闍梨曾不遊五老。江西江南到未到。花開泰雲孤頂春。大仰從來大落草。大王萬福顏何老。侍者快哉云未到。要問七百甲子春。箇箇入林莫觸草。

定岩佛通寺派末金剛山慈德院和尚

銷鑠玄微無點埃。摧殘峭峻不寒灰。空生宴座金剛頂。八面清風華雨堆。

癸卯二月十七日伊豫小松長福寺大應錄開卷

不掛葫蘆醋越酸。黃海入海古帆寒。四會葛藤三八九。曾無一字落唇端。

癸卯之春。東海山主鐵心禪師雲集四來海衆。命主拙敷演圓通大

和玄要和上少林忌

一回圯橋自捧履。泰平謀略總將去。無禮度處也太奇。饈中漫□漢王箸。

寒江夜泊

風罷孤帆夕景昏。古岸波穩泊漁村。夜深雪色千岩白。淡見寒江月一痕。

臘八

鉢裡飯兮桶裡水。三千調御難下觜。高山白浪井底塵。躍出海門赤梢鯉。

獨妙禪師忌

阿闍提家毒一漚。江湖雲雨自斯流。冤讎今日藏無地。蘿蔔從來出鎮州。

送溟威二子歸故山

破夏來兮破夏辭。蒲團禪板笑咿咿。朔雲片月孤峰冷。拂袖之機也太奇。

除夜



忘却來時路。欲吹去劫灰。西風紅落葉。還蓋覆天台。一者野作

壬寅結制。武庫開講

病衲慵開此庫藏。大家唯恐觸春霜。方方丈裏薰風冷。分付罵天毒肚腸。

六月二十二日。禪門實訓講了

暫妨嚏眠陳葛藤。實訓無端失實訓。僧之美道之尊。松風六月葫蘆韻。

法雲妙質信女秉炬

驚起百年禪指夢。秋風昨夜吹桂樹。枝子葉孫勿舉哀。剎塵月冷白玉露。

弔廓道義然居士

聖諦廓然。汝今端的。沙界三千。萬朶一鐫。

壬寅少林忌

海上孤雲月欽圓。林間殘葉瑟無絃。個中何許老胡會。和氣一團古篆煙。

百八華鯨物物新。龜毛兔角轉機前。新天子澤太平色。佳氣氤氲日邊來。

成道忌

赤石月兮雪山雪。郢中高詠太無端。北斗南星三三二。徹骨寒光君自看。

辛丑分歲

貧家何著富家埃。分歲曾無施設催。個裡爲窮今日事。鑊湯炭上救吾來。

壬寅元旦

煦日影回合浦珠。溫然和氣滿江湖。是清世賜衲僧做。洛出書兮河出圖。

常樂會

清風匝地涅槃會。八萬人天埋沒塵。四十九年餘一字。梅腮柳面笑媚春。

寒拾

十年不得歸。對興皺雙眉。借問石橋月。幾番晒肚皮。一者。雲山和尚作

誰分上之事。請各各道得一句來。

佛初度

古殿風薰夜來雨。杜鵑月庭落花深。一溫一冷杓頭水。浴出千山綠樹蔭。

鐘銘代人

假巨靈手。華鯨高懸。向旭奏妙吼。月警眠。一音演說。萬類聽全。良哉敲是。久矣禱焉。玉樓蟾影照幽暗。豐國安民劫石堅。

少林忌

五葉分披何所似。忍看紅落寂寥時。寒庭聊扶愁思切。朵朵傲霜黃菊奇。

庚子除夜

忽忽愧慵舉。宗乘短髮影。寒除夜燈。只能家常無滋味。分甘四海五湖僧。

辛丑歲首

二月二十六日。泰岳院二十五回忌。其前晚垂示。

不明三八九。對境所思多。卽今春風浩浩。春鳥喃喃。作麼生見得。作麼生聞得。泰岳院前羽州刺君安禪道寧大居士神儀五五之嚴諱。就于玄要上利。營辨庶般之佛事之中間。堂頭和上命小子玄拙。使舉揚宗門之事。以充一件。竊惟大居士神儀。夙識得這般事。以莊嚴其土。以利濟其物。以覆蔭其後昆。雖然如是。向上一路千聖不傳。如何舉著如何識得。若僅識得者。山河大地草芥人畜。一一放大光明。一一得大安樂。那時何時節。那時何境致。

記得興禪大燈國師示衆云。朝交肩夕結眉。我何似生。露柱終日往來。我因什麼不動。若透得此轉語。一生參學之事了畢。欽白。兩序諸禪衲子。國師三轉語之中。兩轉則不問。露柱終日往來。我因什麼不動。是何消息。是



法華講了時雪

昨夜千山雪。今朝萬朶珍。若言同一色。鶯鷺也生嗔。著花枯槁象王走。觸目威音劫外春。

涅槃忌 安永九年庚子

兩洗淡紅桃萼嬾。風搖淺碧柳絲輕。大家瞻仰須擗足。休向雙林語枯榮。

庚子歲旦

青帝不從別處來。蒲團禪版舞三臺。梅腮浴露艷陽滑。柳眼含風瑞靄開。

己亥除夜

露地白牛毛骨肥。羅紋結角別甘酸。請君攀例與分歲。冷澹却歡壓鳳肝。

大燈忌

終日結眉何似生。誰看露柱往來時。只斯兩轉親參詳。紫野國師嫡嫡兒。

# 九峰和尚語錄

觀世音安座佛事安永四年乙未七月十四日。惠日山妙觀寺。

敵二十五圓通門開。堂堂妙相。巍巍瑤臺。舊殿星走。新塔月回。沛然慈雨。殷其法雷。三草等浴。二木同培。瓔珞珠影。金蓮華枝。彈指古往。點頭今來。祐眞修之。福惠偉哉。

春到秋初功不宰。今歸壽海沒量時。清風八面補陀佉。小白華新恩露堆。

祖英集講了安政八年己亥春。庭瀨少林寺林間錄會中。講祖英集。

飛瀑三千尺。乳峰春欲凍。纔留花上月。敢不付盧公。

贊雞畫於備前國清寺。

黃距備武。紅冠表文。如今誰向函關過。露滴牡丹彩羽薰。

拾遺

誕生忌

聯翩遠度鳳凰兒。且喜我門佛誕生。法性生身須□汝。誰知欠却碧梧楨。

達磨忌

天晴村落黃梁熟。西舍東隣交徊遑。些脫乎少好供難著。紫髯碧目暗悲傷。

成道忌

世尊昔在雪山坐。雷劈太虛水逆流。出定前街人驚走。報言浸殺一頭牛。

圓桂祖純禪師語錄終

走者求影破瑛。磨輒要鏡。戒定智慧從檀經贊一行。三昧成心佛衆生自  
原教論十萬餘章。致蚊蟲飲海。敢歎令命。

退院上堂。頭上笠兮脚下屨。今朝脫向無生國。行雲流水不請賓。逸老閑

遊望詎極。

明和四年丁亥  
六月晦日午刻

遺偈

是非得失。五十三朞。末後一句。鳳林吃之。

明和四年丁亥年  
九月十日丑刻



庵主鑄一枚茶銚。復自圖畫過瓊瑤。稱器超方圓。長短觀量容。川澤雲霄。一天雪色漲潮水。萬岳松聲敲柴扉。腰不帶刀進退穩。澡雪精神心友圍。閣門古井親斟酌。建溪新綠日發萌。茶亭構不滿十笏。從來茅茨蓋屋桁。方丈室包容獅子座。今古繩簾當戶幽。榮辱舛沈何處見。得失是非直下休。好移野趣草廬裏。和敬清寂轉鮮新。於此實處親到得。知足庵中知足人。

賀喝龍和尚輔教編講筵

岸椰金線爲人手。垂於儒佛門閤。山花錦旌陷虎機。振於眞俗境界一國土。永保治四大海如砥平。龍覺堂頭老禪師。洞上千城叢林柱石。看金鳳宿龍窟。端的難偵奈。斜月挂夜明。仰望不及。松江激灩。幾賞晴鐔。津空濛。或對兩鑑本識誠。沮彼蠹害排遣之說。窮理見性寂其妬謗。是非之聲如。

禪著

上東帝大神文

一願。徹法淵源。盡宗旨玄奧。二願。我爲天下蔭涼樹。我爲法王。於法自在。橫行四海。如獅子遊行。獨步無畏。拔四來英豪釘楔。三願。宗說俱通得無礙辯財。縱橫自在。四願。水牯牛草足水足。五願。我振大音奇聲。驚動人天。六願。衆病悉除。成就一切願。心。七願。舉唱玄旨妙句。惱亂四海英傑。發上求菩提。下化衆生深志。代佛揚化。度脫一切衆生。報答佛祖深恩。萬歲萬歲。萬萬歲。

茶釜贊

修多羅云。知足之法。卽是富樂安穩之處。知足之人。雖臥地上。猶爲安樂。不知足者。雖處天堂。亦不稱意。

樓閣南山清飈起北海。金波躍團影。乾坤窄重層。空索索千古兮。萬古教阿誰刻削。

貓兒塔銘

黃紋白毛虎面狸。華奴汝處此三朞。無能老大驀相逐。一口咬殺放在茲。童子告來各皺眉。就中缸子甚嘻嘻。直入涅槃令滅度。卽今爲拈大總持。

塔銘

瑠璃殿上藏光彩。無影樹頭浮葉船。石女顰眉倚檻下。泥牛擺尾過窓前。

銘

久成寺鐘銘 竝序

夫八雲州龜甲城白瀉。懸久成寺洪鐘者。修寺宰源朝臣村氏舍喜公之所剏也。開虛空之爐。吹大地之炭。是以作萬鈞之器。大其功所以昭先考舍貞公之追福也。虞誰其尸之。本妙上人洎所化隨徒俱一其心。不可思議梵音。永世令人樂聞。予隨喜宰君之鴻美。而應命書之銘字。其詞曰。偉矣華鐘。德含陰陽。蒲牢浮海。鯨魚鼓浪。希有之相。誰當舉揚。扣擊未發。音透十方。乾坤變色。日月喪光。明此聞性。福壽無彊。

大蘆瑞光寺水陸會塔銘

窻觀婆。或云滅惡。古佛有言。一見離三惡。加賀浦頭水浦濱。東行西步通崖罅。大蘆沙漠現瑞光。其傍望猿渡寂寞。隣封諸老諸位禪。廣開甘露寶



儀。良久云。華仙別有訣。一味服燕支。參。

拈起南方破璃盞。爲君今夜發眞誠。莫言冷淡無滋味。澗水松風元自清。  
共惟。某名。天稟淳朴。操履幽眞。喚起春睡。萬岳松風。石鼎烹掀。翻海瀛。一  
天雪色爲誰好。產雖珍於雙璧。價獨重於連城。漏泄彌勒之家風。江上數  
峰翠。打開文殊之境界。洞中斷烟輕。脫體現成時。不留朕跡。去來無象處。  
彌互八紘。正與麼時。如何展三昧手。蹈倒茶銚來見。棒爐神勢崢嶸。

寂然道照信士掩土

本地風光也太奇。黃頭碧眼不蹈踏。一朝唱起無生曲。撒手威音劫外來。  
是則是。更有末後一著。好雪片片鎖寒色。千峰萬峰白皚皚。

龍臺明可首座掩土

積水蟠龍威氣多。掀翻滄海動風波。忽然擊碎頷珠了。如我手中玉鞭何。  
舉起鉄子云。急要行雲雨。請再莫辭桃浪峩。

夢堂宗因信士掩土

世界恁麼大苦熱。機輪發轉曠劫前。等閑欲舉送行句。火裡蓮花色轉鮮。  
法壽院心安智性大姉奠湯

繁露水傾三世海。清涼散抹五須彌。等閑喫却虛空口。石女天明笑展眉。  
共惟某名。城中芳烈。世上英姿。施換骨頤神之靈方。非眞非假。治作止任。  
滅之幻病。不卽不離。翻却一殘鳩毒。斷斷百尺菟絲。說甚耆域經。蓮花出。  
水香。拂拂那箇醫王佛。纖月篩松影垂垂。酷暑未去。嫩涼初生。秋意未深。  
白雲清奇。雖然與麼。大姉檢點禪本草。和光同塵底之那一著。如何宣其。

地白皚皚。

快天和尙火把

拈火把曰。星翳燈幻自那時。西馬東驢誰解騎。歲晚天寒針削鐵。蓮華香度火中枝。

芝庵全齡首座掩土

蹋翻生死窟。拳倒涅槃城。雖然與麼地。更有一著呈劃一劃云。仲秋三五今宵月。爽氣遠浮銀漢清。

眞知浴掩土

妙觸宣明觀水因。不洗體亦不洗塵。傍人末後問庭栢。倒把鎗頭談笑新。

高涼義充首座掩土

參得本參句子來。還鄉趯破大虛空。百千三昧沒巴鼻。秋入楓林葉葉紅。

挈。舉。歛。子。云。木人吐舌笑閭閻。

安室道忍信士掩土

蹈。翻。地。獄。與。天。宮。死。路。通。時。活。路。通。此。是。天。倫。眞。一。曲。三。禪。天。樂。勝。苦。中。  
夫。以。某。名。清。淨。本。然。內。外。玲。瓏。生。死。去。來。全。無。住。處。苦。樂。逆。順。道。在。其。中。  
千。佛。一。數。廣。額。兒。拋。刀。子。萬。法。不。侶。龐。士。叫。心。空。雖。然。與。麼。欲。知。末。後。之。  
句。別。參。教。外。宗。

象泉和尚火把

拈。火。把。曰。不。識。甚。攸。求。直。撥。無。端。空。裡。響。金。鈴。杜。鵑。泣。血。瑞。應。路。遺。恨。何。  
唯。動。視。聽。

虎岩和尚火把

拈。火。把。曰。忽。然。趯。倒。涅槃臺。威。氣。動。塵。刹。搖。來。雪。捺。虛。空。蕭。瀉。絕。山。河。大。



夫以。某名。襟懷皎潔。氣宇精神。坤儀貞良。存禮存義。淑質溫潤。有慈有仁。雖處塵勞。不污染。永結般若之勝因。所以金剛正體。洞然明白。彌淪法界。不立纖塵。悟之者當處解脫。迷之者永劫沈淪。水碧沙明。風清月白。全是自己家珍。處處逢渠。

松巖靈叟菴主掩土

昨夜毘風吹海作。驚見玉樹忽摧折。森羅萬象齊助衰。唱起無生那一曲。夫以。某名。氣宇天如覆。襟度冰如潔。一旦罹微恙。遽爾弄幻質。若芭蕉脆不堅。似芙蓉開早落。誰不咨嗟。奈此永訣。所以年先求生不可得。年後求死不可得。去來無形。彌綸大千。脫體現成。不留朕跡。淨倮倮。佛祖不知。赤洒洒。魔外無測。若也瞥然直下領略。處處全真。塵塵解脫。正當與麼時。直得變大地作黃金。攪長河爲酥酪。雖然恁麼。更有轉身一路。山僧如何提

有送行一著。卽今爲汝宣布。學二鐵子一云。三尺吹毛定寰宇。臨行拋向瞎驢邊。二喝。一

一洞智性信女掩土

二株煙桂久昌昌。一味燕支不覆藏。若向此中悟玄旨。都盧大地是家鄉。夫以一。某名。天資秀發。坤德貞良。樂聞鐘梵。不耽絲簧。護持佛戒。亦能宗綱。其體裁也。不減二七賢女一。其行履也。曷羨十三娘。所以一靈眞性。彌淪八紘。謂之本來面目。強名本地風光。頭頭非取捨。處處沒乖張。發揮靈鷲雄機。顯示少林密旨。說什麼五障三從。一葉舟中載大唐。其苟未委悉。霜前楓樹麗。節後菊花芳。

圓室妙智信女掩土

妙智等閑難指陳。輝騰古今自天真。夜來高唱還鄉曲。閃電光中解轉身。

不求祐也不除殃。混沌未分全體彰。生鐵崑崙雲外奔。日輪夜半上扶桑。  
夫以。某名。襟懷皎潔。氣宇精良。處塵俗境不拘塵境。向上一路。千聖不傳。  
恢恢乎彌互三際。蕩蕩乎逼塞八埏。塵塵壁立千仞。處處常光現前。這箇  
是信女一生行履處。更有臨行一著子。山僧如何舉揚。舉起鉢子云。雨中  
看杲日。火裡吸清泉。

玄道智覺信士掩土

悲忻榮辱本如然。一片靈臺絕變遷。薦地掀翻生死海。扶桑夜半日輪懸。  
夫以。某名。天資卓爾。氣宇超然。慣累世賢。會正心正意旨。爲一家主。把勸  
善懲惡權。仕武門則忠心以厚。奉慈園則孝義以全。風吹柳絮。毛毬走。可  
謂祖師禪。雨打梨花。蛺蝶飛。豈非諸佛教脫生不生之說。絕滅不滅之詮。  
到于者裏。沒求樂土。寧怖黃泉。上來者。信士平常自受用三昧也。山野別



劍刃上走馬。火焰裡橫身。

法本院明海慧性大姊掩土

金剛圈兮栗棘蓬。天下衲僧吞吐難。昨夜拔鰲菩提樹。四方八面絕遮欄。  
夫以新歸元某名。性天清淨。心地恭寬。歸佛乘則貴真詮。敬法寶。仕武門。  
則傾義。膽顯忠肝。抱子弄孫。色色仍舊。著衣喫飯。頭頭是完。夜半明歷歷。  
日午黑漫漫。妙性圓明。風吹碧落。浮雲盡離。諸名相月上。青山玉一團。不  
羨尼無盡。辯財無礙。寧學靈照女。日午據壇。淨名杜口。毗耶離青天。轟霹  
靂。老龐吸盡西江水。平地起波瀾。如上之閑落索。大姊平常遊戲三昧也。  
正當恁麼時。如何證明得。舉起鉢子云。唯者箇千手大悲提不起。拈來天  
下與人看。

青峰智衫信女掩土



一靈眞性本圓成。逼塞乾坤透八紘。撒手那邊底時節。忽然抹過鐵圍城。共惟新歸元某名。雖處垢污不受垢污。託身浮世恰如泡影。一彈指絕跡於囂塵。頓離妄情。所以了了然不可狀。昭昭乎莫能名。雖然如是。臨岐一著如何證明。其苟未委悉。爲汝施呈去。學歛子云。高山白浪起。井底紅塵生。

方外玄通居士掩土

本無迷悟。豈求真。大死底人全活人。石火電光追不及。威音那畔出頭辰。夫以新歸眞某名。邇來罹微疾。忽爾棄幻身。生前一著生。全不生。須彌頂上翻白浪。滅後一句死全死。大洋海底起紅塵。脫體現成時。不留朕跡。去來無形處。透徹九垓。入孝出弟。打開無盡寶藏。橫眠倒臥。運出自己家珍。這箇居士日用的事也。山僧別有送別一句子。卽今爲汝指陳。學歛子曰。

明皎皎白的的。大用現前。大機圓應。明歷歷露堂堂。正與麼時。說什麼三從五障。論什麼無明煩惱。雖然與麼。今夜送別一著。如奈宣揚去。舉鐵子。日。江上遠山青未了。雨餘草色悵望長。

操山義松居士下火

黃梅連日雨淪漓。拗折孤峰松一枝。將謂深根又固蒂。興衰千古只如斯。共以新歸真。某名。曾忘真僞。密布慈悲。常好孝弟。造次學而親思。自具威儀。顛沛思而博學。一毛頭上息萬機。家風冷淒客蹤希。清淨法體量等大。千法法頓超諸有。圓覺伽藍普融。一切塵塵不昧。本光如上之閑落索者。居士生平之家具子也。卽今臨行端的。別有一著。爲汝施呈去。舉起火把云。荷葉團團團於鏡。菱角尖尖尖於錐。

心海如貞信女掩土

完嶽東全庵主掩土

豎拳消息無人會。門掩煙蘿幾度秋。一夜虛空消殞了。須彌頂上輓花毬。  
恭以。某名。受用獨脫。自得優游。抱子弄孫。豈在家舍。管憎愛奉君事主。寧  
在途中。辨是非。遼東白鶴去無跡。三山半落青天外。洞然明白。此箇何物。  
草露浥浥。觸處清涼。著忙作麼風蕉片片。是故趯碎生死輪。拔却菩提樹。  
雖然與麼。今宵臨行有送別一著。庵主諦聽諦聽。涅槃後有大人相。剔起  
眉毛子細看。

鏡外智清信女掩土

戲綵常思侍北堂。九原薤劫玉璫璫。今宵別不焚沈水。滿架薔薇一院香。  
伏以。某名。慈容自具。貞德尤芳。持松柏操。逐四時更。有章出盛衰。彊經千  
歲終沒變。唯慣孟母照女之志。却嫌楊妃西施之粧。本來面目。舊時家鄉。



夫以新歸寂某名。賦性純眞。身形古朴。其斯謂此義皇上之徒。組貞亮以爲杓。豈將別有無懷氏之民。束純素以爲履。世壽七十餘老。夫久聞一鄉善士。信受一千斤大法輪。豈非多少勝因。一瓣香塵。今借隻手於護山老衲。四字幽稱。昔請片言於華岩老人。惟時初秋下浣。擊摧生死輪。拔翻菩提樹。

幽峰智閑信士掩土

千峰雨歇露光冷。葉落松根蘿屋前。擬寫等閑送行句。一溪雲鎖水潺潺。夫以某名。水中乳味。泥裡摩尼。擒縱擡搦。挺拔威音那畔。收放明暗蕭然。空劫已前一毛頭上現。寶王刹一彈指頃。轉大法輪無邊利境。自他不隔毫端。十世古今始終不離當念。智閑信智閑信。却會麼。若又不會。山僧通一線路。罔象到時光燦爛。離婁行處浪滔天。



秉炬

杲山慧日首座下火

臥病丈方。茲有年。苦中樂勝三禪天。若於裡許承當去。月在天心。夜夜圓。所以一靈真性。全絕言詮。脫體現成。時不留朕跡。去來無形處。彌綸大千。萬年一念。一念萬年。天龍之伸瘦。指庵主。以之豎空拳。不是神通妙用。亦非本體。如然正當與麼時。說甚真諦俗諦。摩竭魚吞南海浪。論甚佛界魔界。扶桑人種陝西田。恁麼恁麼。獅子哮吼。不恁麼不恁麼。象王回旋。者箇是名一生自受用三昧的。更有轉身那一句。山僧如何數宣。雨中看杲日。火裡汲清泉。

愚心全改庵主下火

雙耳如聾。眼如盲。虛空夜半共全身。不容令鶩子親見。戾脚波斯過別津。

道號

石門

輒似兜羅綿。堅於金鑰銅。昔僧問趙州。答北南西東。被米山閉却。引雲老  
痛恫。王雖賜華屋。要因之入中。曾在平陽府。左右壁高洪。雞鳴兼狗吠。到  
此所羅籠。四海龍蛇子。阿誰當透通。

玄道祖覺首座

風來柳岸垂金線。雨濺桃園洗錦裳。幾逐流鶯行路客。無陰陽地眺望長。

若人直下會得。脫手晝錦還鄉。其未然。逢人且說三分話。可未全拋一片心。

革轍二門

熱思寒時。寒思熱。寒林偶爾梅。別玕。拾公失却竹筒。賜巖下出窺菜滓殘。

師行脚將還國。扣一庵主。憩錫。

小僧辭鵠林老師。得得鐵錫問故山。傷風不快利。寓山中茅庵累日。壁間有草庵歌一篇。書如作座右篇。見來鵠林膝下舊交英靈之語也。予一見如洗滌肝膽。昔同苦辛底不是苦辛人。何辨庵主意。草庵歌曰云々。這裡一切現成。了無缺少。所以庵主順時保愛。致太平。今見此一篇。而豈無攀感。和其歌以備電覽。

從來求道未曾得。果然臨關透不過。一座山裏鬧熱日。卒然未唱草庵歌。亦稱道矣。或稱禪。鈍工遲參未須眠。世間誰是是非我。法王法印故人傳。昏昏矣不唧溜。遲疑郎當多少礙。無孔鐵鎚奈聖凡。缺却鐵笛空跨背。昨從天台人悉知。單于一曲膽魂奮。月下風前無怨恨。子期來難究聲韻。逢離憂矣逢會喜。不屬因緣祇這是。可憐山野百不能。藤三源四舊知己。



玉詩一絕而見放擲予几上。拜閱一過。高懷溢面前。卒賡芳韻。而備電眸。

喚鐘爲甕葛藤窟。轉鐵成金荆棘林。何處金剛真正眼。多耳離相古猶今。簡堂曰。夫人常情罕能無惑。大抵蔽於所信。阻於所疑。忽於所輕。溺於所愛。信既偏則聽言不考其實。遂有過當之言。疑既甚則雖實而不聽其言。遂有失實之聽。輕人則遺其可重之事。愛其事則存其可弄之人。斯皆苟縱私德。不稽道理。遂忘佛祖之道。失叢林之心。故常情之所輕乃聖賢之所重。古德云。謀遠者先驗近。恪大者必謹於微。將狂博採而審用其中。固不在慕高而好異也。與吳給事書。十方僧物重如山。萬劫千生豈易還。金口共譚曾未信。他年爭免鐵城關。人身難得好思量。頭角生時歲月長。堪笑貪他一粒米。等閑失却半年糧。

述留別之意。

荒草堆頭山萬尋。乳光晦迹待知音。摩耶幽景須磨月。響遏行雲膝上琴。  
二三氏之俊彥賜垂訪。卽事得灰字。

喜扣柴扉出玉臺。獨慙席上缺金醅。桑門爲饗鐵酸餽。起捲繩簾動冷灰。  
欽塵見薦于晴譽貞雲尼公靈尊韻。

招請巷嶽老宗匠。沉水一爐布法筵。深院好晴連日雨。出南山入北山巔。  
欽奉和雙頭蓮華之高韻。

雨紅一朶蓮。香遠益清鮮。壯觀小池上。佳期在萬年。

和日州大光閑隱拙堂老和尚垂訪弊廬賀住山尊韻。

到在日南一步先。叢林榜樣大家傳。隨方鎮海明珠色。千里照臨笠澤天。  
豐陽連上座。一日扣淨本之柴扉。恰值寫於予六喻經備考序。賦。

欽奉賀松蔭老和尚八十歲壽域

乾坤之德南山壽。實算從來言叵宣。綠竹猗猗寒冒雪。孤松鬱鬱勢衝天。

賀神宗和尚微笑下提唱

深山大澤應龍產。東海波瀾捲屈蟠。搖蕩乾坤多變化。卒風暴雨骨毛寒。

仲秋三五遊明月樓

明月樓高人到少。絕倫離類太虛玄。陰晴寂照五雲裡。內外光明一雨前。  
此月非大又非小。十方世界甚新鮮。見時不見亦無跡。半滿盈虛是自然。  
爭見爭求都不遂。能聞能見是虛詮。靈山話矣曹溪指。正好供兼驟步緣。  
三子證龜還作鼈。可憐獨屈辱南泉。寒公解道如何說。波辯電機不可宣。  
因憶黃帝遊赤水。安然罔象玩摸瑄。優遊靜坐三更後。叵耐夜光鑑玉函。  
訪貫老禪師寓於攝之地藏。一夜打舊話。臨別賜詩偈一篇。次韻



四部錄開筵

摧木破家一陣颺。普請殊勞遠方朋。欲譚至道無難的。未舉護峰走衲僧。

大慧武庫開筵

雜毒海中誰洞徹。罵天老將幾商量。如何絕世超倫士。大冶精金若向牆。

一夜提唱關山國師遺訓

關山古佛有親言。波浪難兼橋下魂。借問日多東海客。不知二祖應燈恩。

喜敦禪士歸省

與天下易得人難。大法興衰誰敢瞞。暴虎聲林颺風起。游龍振海黑雲寒。  
貴賢待士不吾作。守儉施豐獨爾完。紅葉擁門無過客。終朝平出鐵酸碗。

和僧詣朝日寺開帷

金寶山頭湖水邊。老幼尊卑各相連。大悲智力普門境。知是人人箇箇圓。



汝還不諾我無喚。閃電光中振臂行。千里追風誰撥轉。乳峰妙指玉琤琤。

悼貞林智英信女

生前不用織蒲鞵。沒後無伸大義懷。通身紅爛在荊棘。帶累諸兄救放乖。

碧巖錄開筵

靈泉塵矣乳峰浪。搖動乾坤喪膽魂。海內英豪見容接。叢林聲價登龍門。

同講畢

廓然無聖吹毛劍。指掌何人平不平。百則九旬吟未了。珊瑚枝枝挂南瀛。

禪門實訓講畢

環瑋之材英傑氣。禪林貽寶膽魂喪。危哉祖道如累卵。明月夜光多面牆。

金剛經開筵

大方便我繙金剛。恰似鳳鳴責鵲吭。邦國嘉禾齊合穗。盛來香飯自衆香。

虎巖和尚初七日忌

一身醜惡老凍膿。虎穴魔宮遊戲場。髻鬚巾瓶曾近侍。忽臨忌景動寒腸。

梅峰和尚七周忌

膝上焦桐發妙音。動絃分曲故人心。如今傾聽七年曉。調入高山流水深。

永德大導和尚三十三回忌

棟梁材有衝天機。廚庫山門基址完。二月園林花半謝。光明千古與人看。

前住法城雷峰和尚小祥忌追悼

去年曾邂逅安國。戰化今逢卒哭辰。分衛持來同社客。龜羹淡飯以充珍。

常樂禪燈首座初七日忌

山圍巔遶蒼龍窟。晦跡韜光五十年。趯倒魔宮兼佛界。頷珠燦爛威音前。

悼駿侍者

聯翩鳳鳥日來儀。羞缺靈泉竹實治。吞盡西南漲海水。爲君露出珊瑚枝。

奉悼常山先師

六十餘年蜨夢驚。今朝豈意倒干城。一枝春色夜來雨。滴盡黃金淚萬行。

常山先師五七日忌

三語相酬還鑑老。雙拳拏快見楊岐。報恩句子同時到。不問雙拳三語儀。

常山先師小祥忌

去歲春風桃李裡。鈴聲隱隱入寥空。有先師未了公案。拈拋暗明誰賞功。

常山先師大祥忌

報恩句矣報恩句。追忌三年膽也驚。嫋嫋春風煙雨裡。洞庭波浪白崢嶸。

常山先師七周忌

銀椀雪兮枝上月。韶陽曾道報恩真。珍饈茶菓或沈水。梅蘂醜看柳色顰。

奇哉明月照幽谷。亘耐寒濤響夜砧。我有雪山真祕曲。五湖四海覓知音。

關山國師四百年忌

金翅鳥王當宇宙。天龍起位潛全身。垂天雲翼搏東海。四百年來斷要津。

天倫開山一百年忌

鐵面虬螭栲栳禪。瑠璃甕子絕同緣。等閑提起金剛劍。觸忤生冤一百年。

雷堂師祖三十三回忌

領下驪珠光燦爛。老龍湧矣潛深潭。古風雙振松江上。默處雷轟三十三。

龍潭師祖二十五回忌。前月預應栗棘庵請拈香。

栗棘庵爲師祖別建。中年後崖崩。

庵被爲之碎殘。仍再建。故師語句及此。

報答龍潭吹滅處。崩山發拆佛殿機。基址堅牢再成住。二十五年諱景時。

吞海師翁十七回忌



少林忌

玉殿珠樓妖艷女。紅羅紫錦映楓林。對人猶謂不相憶。窺觀陝寬臂上琴。  
經歷六郡分衛來。辛勞馬面與魚腮。熊峰孤頂人如玉。營辨飯羹失却饅。  
郊外丁夫擇巨材。山頭衲子勞搬堆。老胡何處親應供。破玉寒林一朵梅。  
黃柑濕露後園朶。丹葉染霜護岳林。熊耳峰前人若玉。龜羹淡飯慕遺音。  
赤幡隨手老臊胡。白鷺洲頭對奈巖。清客雖擎和氏璧。落黃爭似麗金珠。  
魏海梁江浪作堆。錦鱗擺尾一跳來。漁翁不解化龍去。幾度蓑衣下釣臺。

成道忌

難難難矣易易易。三祇百劫道圓成。蹈翻佛界衆生界。雨雪紛飛龜甲城。  
聲振林樹無人會。響遏行雲屬孰家。叵耐出山眞祕曲。遠天飛雪落梅花。  
雨思春晴晴惡晴。黑漫漫地道圓成。如來德相衆生相。日涌寒光打岸聲。

偈頌

涅槃忌

西巷落梅白雪飛。東街嫩柳綠絲垂。阿那箇是涅槃相。留與春風管對伊。  
摩紫磨金七寶牀。娑羅林樹忽凋傷。當陽誰具波旬眼。唯有柳梢舞袖長。  
應答尼連河畔請。有無雙示紫金光。人天八萬愁腸斷。獨許波旬舞袖長。  
錦衣鮮華侍玉樓。寵恩千古似無休。春風影裏不君見。幾度倚欄翠黛愁。  
獅子吼聲唱涅槃。築檀衆衲喫辛酸。百花明媚春將半。細柳輕垂日猶寒。

誕生忌

毗藍園裡一降誕。美壓楊妃倚玉欄。韶石棒頭追不及。護峰杓柄太無端。  
如何諸佛出身處。門曰東山水上行。今日堂中親指發。魚腮鳥觜要佳名。  
淨飯王宮生悉達。地中捧出七金蓮。諸方盡稱雲門令。獨有護峰卽不然。

剛強難化衆生。捨邪歸正。轉增精進不退。男女已度當度未度。已成當成未成。遊戲三千大千世界不可思議之城。大流利益。遍滿百千萬億恒河沙微塵數之國。悉見祥禎。一瞻一禮。超越五障三重。彩畫刻鏤。證據六通。三明令。文殊法王曾問作什麼。行願對摩耶夫人。粗說無間業苦詳。是故有忉利天宮世尊。慇懃付囑。菩薩亦酬對不世尊。以後世惡業衆生爲慮。卽今命山野。請六道新薩埵。點眼安座。供養五濁惡世見真。盛事叵耐。紫野眞珠老。關驛路頭輕忽令。

無量壽佛安座

築基址金剛水際。連欄楯世界三千。光明照徹實行樹。瑪瑙琉璃布四邊。



索訶世界南瞻部州大日本國雲州路秋鹿郡許曾志鄉居住奉三寶弟子道者愚心全改。傾淨財。抽丹悃。爲預修善根資嚴當來冥果。拜屈諸山苾芻衆。修設圓通懺摩妙儀。諷演白傘蓋無上神咒之次。借手天倫住持比丘純闍黎。焚斯寶香。供養現座道場西方教主無量壽如來及十方三世一切諸佛。微塵刹土諸大薩埵。一切幽冥等。仰願俯臨此會。各爲證明。專冀道者當來緣茲勝因。頓證妙果。乃至法界含識。均蒙餘熏者也。雖與麼道者。當來緣此勝因。頓證妙果。底一著子。如何指。□□□去。休言白壁薶黃壤。一叢綴金。秋後菊。

六地藏菩薩安座點眼

新安六道願王像。寶珠德杖玉瑱瑱。財法二施功德聚。譬如滄海沒虛盈。夫惟六道能化地藏願王菩薩。能辨苦樂法。永布慈悲名。與樂拔苦。教化



塵佛刹見無量。無邊智慧海無量。無邊解脫。無量無邊光明藏。無量無邊福德聚。又見塵塵彌勒。刹刹善財。彌勒復云。善男子。起法性如是。善財。豁開兩眼。如睡夢覺。從前所證所悟底。一場懣懣。能證能悟底。亦無消息。便見黃金與泥土同價。古佛與白牯同參。山僧只要諸人不撥一塵不動一念。便與麼荷擔將去。庶不辜今日遠伸毛手。

愚心全改庵主預修追福拈香

此香託根株於無明燄。上而屈蟠涅槃岸畔。布枝葉於煩惱海中。而繁茂菩提道場。非是栴檀婆律。何似龍涎雞舌。收也不留朕跡。放也彌綸六幽。擬向雷馳電觸著崖崩石裂。發揮以鷲嶺雄機。顯示以少林密旨。是名金剛圈。或曰。栗棘蓬。五湖奇衲子。借惡氣息。千辛萬苦。參徧群方。拈來蕪却寶爐。一稔黃雲散八荒。

佛事

嚴叟壽永信士十七回忌陞座

甘露門開正覺場。十虛無際露堂堂。毘盧藏海乾坤濶。樓閣門前白晝長。  
原夫明和第三歲在丙戌四月莫生四葉日。伏值嚴叟壽永信士十七回忌之辰也。是故孝子某甲。恭屈請隣封之諸老宿及多少緇徒。而大布齋筵。以伸追嚴供養。夕看讀六喻經。旦施設水陸會。令諷演大佛頂萬行首楞嚴神咒之次。屬山僧俾陞此座。舉揚宗乘。所鳩殊勳。回向眞如實際。專爲信士資嚴冥福者也。

舉佛光圓滿國師上堂云。快人一言。快馬一鞭。便恁麼去。此土西天。豈不見華嚴會上善財童子。參五十餘員善知識。末後到毘盧樓閣前。方歛念聞彌勒彈指。樓閣門開。善財得入。入已還閉。移一步過不可說。不可說。微

佛祖贊

達磨二首

黃金殿上。觸忤蕭梁。接得二祖。臂短袖長。

瘦肩聳天。冷眼射人。廓然無聖。曾逢龍鱗。

觀音

蚌蛤觀音。觀音蚌蛤。請吾贊辭。露柱傍答。

蚌蛤觀世音。身量長一尺。贊辭書贖行。夷則念三夕。

文殊

稽首曼殊大導師。佐助如來故出現。法身遍滿十方空。剎剎塵塵獅子吼。

麼。請各自吐露一句看。左右各各好語。純闍梨。別語電覽。速附丙丁童。



底士。切急須要透過者箇參禪在日用處。行住坐臥處。喫茶喫飯處。語言相問處。所作所爲處。拈一放一。何時是了。生死到來。靜鬧兩邊都用一點不得。不如鬧與靜。得與失。作與止。有與無。縛作一束。送放他方世界却好。就非靜非鬧。非得非失。非作非止。非有非無處。略提撕如救頭然。無常迅速。百歲光陰一彈指頃。便過也。已透底士。別有一路。子更要進發焉。

佛生日。示衆。雲門云。我當時若見一棒打殺與狗子喫。貴圖天下太平。盡道韶陽老人獨致太平。特不知。弄巧爲拙。新天倫卽不然。金容萬德有誰看。徧界堂堂常獨存。何也。見人富貴俱歡喜。莫將心頭似火燒。久立大衆。伏以珍重。

示衆。微笑塔下曲記得。洞山曉聰禪師。因僧問。泗州大聖依什麼向楊州。出現。山云。君子愛財。取之有道。恭白。兩斑燕領虎頭。還有與洞山相見分。

奪荆壁。

護峰聞得寒毛卓豎。卽曰。果然。全放全收。古路有誰蹈著。雖然與麼。只愛梅花破白玉。不喜三冬似春暖。何也。打著前朱雀。忘却後玄武。

禪門實訓中云。湛堂和尚之示衆。以萬法歸一則。師下語曰。

以萬乘國。代萬乘國。簞食壺漿以迎王師。豈有他哉。避水火也。但以五句而卽舉之。若以人力論之。不能至於如此易意者。其大平不取。必有天殃。示衆曰。兜率有三關。曰。參玄只圖見性。卽今上人性在什麼處。已得見性。脫生死。眼光落地時。如何脫得生死。須知去處。四大分散時。向什麼處去。

謹白參玄諸上座。光陰莫空度。若決定豎起脊梁骨。要做世出世間沒量漢。先須透過者箇關方了得。若半明半暗。半信半不信。決定了不得未透。

誕生忌示衆。今朝四月八。時造一丈方。巧匠運斤斧。野夫築柱礎。樓臺唱歌。舉圓木。老幼環列引綱繩。拽石搬土。汲水採薪。官士奔突。叱呼傭作。衲子孜孜看過左邊。

我今灌沐諸如來。淨智莊嚴功德聚。五濁衆生令離垢。同證如來淨法身。鳳不竹實不貪。□不梧桐不棲。

葦津和尚成道忌拈香。雪豆示衆云。黃金爲地。白銀爲壁。釋迦老師不合向者裏。撥一撥云。看看却落汝諸人頭上。我祖著語曰。九九八十一。明覺南越一代龍門。我祖東海日多的子。縱奪自在。放收可見。但是無如釋迦老師。何如我此間破屋。僅是雖有容十餘員。不無一箇兩箇。誰食爾涕唾。以何爲驗。

曉天雲靜濃霜白。千峰萬峰鎖寒色。蕭何破關收圖書。相如入秦



示衆

年甫示衆。佛法年頭。萬物新機。先無致問來人。吾門吐藥雪中桂。不待凌霄三月春。露柱於此破顏微笑。諸人急下一轉語來。師代曰。閉口食蝸牛。一場酸澁苦。僧云。意旨如何。師曰。一等共行山下路。眼頭各自見風煙。燈籠突出云。適來露柱揮頭太煞叵耐也。和尚何放過一著。師打曰。爾亦不少。燈籠赤面而退矣。

眞淨文和尚示衆云。頭陀石莓苔。被埋擲筆峰。苔蘚被纏。羅漢院裡一年度三箇行者。歸宗寺裡參退喫茶。

師曰。小僧此間拜閱古人語錄。忽然邂逅者箇話頭。不覺寒毛卓豎吐舌。某雖松葉推參有些歡悅。若人一見會得。畫錦還鄉。其如未然。逢人且說三分話。未可全拋一片心。



起居萬福。良久曰。不是少林客。難爲語雪庭。苟或不然。天寒人寒。大衆退後。圍爐向火。

節。垂絲萬里。要見鯢魚。擊起滄溟。如何相見。在也在也。問答不記。

舉。保壽沼禪師。因僧問。訊師云。百千諸聖。盡不出此方丈內。僧云。祇如古人道。大千沙界。海中漚。未審。此方丈向甚麼處著。師云。千聖見在。僧云。誰證明。師擲下拂子。僧從西過。東立。師便打。僧云。若不久參。焉知端的。師云。三十年後。此話大行。恁麼相見。如何辨得縑素。良久。卓拄杖云。崑沙步入。祥麟穩。海樹飛來白鳳閑。

冬至小參。衲僧家氣宇如王。曾不涉陰陽變遷。今朝因甚逢書雲佳節。屈堪述。果然。銀碗裏盛雪。南嶺寒梅漏泄珠。

除夜小參。六花現瑞。忽入得普賢之世界。三積向丈重撞著神光之苦吟。致令大地人。盡向他一色邊轉逗。到臘月三十夜。不解轉身。只因新舊。不分帶累。護峰我也不能辨別彼矣。只要知道諸人。定是大年朝賓主。道體

惡情惊。恰如羚羊挂角。猛虎出林。雖然恁麼。山僧不然。若問未審。馬祖來應供。不我向汝不能說。問取他堂頭老漢去。卓拄杖。吾與人歌善。必使反之。而後和之。久立。諸老和尚泊諸位禪師。伏乞尊照。

華岩山道榮禪寺新方丈落成。請上堂。薩訶世界南瞻部州大日本國雲州路秋鹿郡華岩山道榮禪寺古梅訥公長老禪師。今歲乙酉春。企革古鼎新大志。戮力檀信。施功無爲。拽石搬土。千辛萬苦。不日而就矣。今月落成。殊抽丹悃。傾淨財。仍就新殿大啓齋筵。以伸供養焉。欽延請鄰封諸老宿泊江湖縉流等。便豁開一切法甚深微妙般若理趣清淨法門之次。命山僧登于此座。俾舉揚正法眼藏涅槃妙心。仰讚慈尊及諸菩薩種種功德種種佛事。雖虛空包裹不及千佛讚之不盡。頭頭妙體。刹刹全彰。不出這箇時節。水鳥樹林。齊放寶光。山色溪聲。同演妙法。且道。又是箇什麼時



唱以資天子壽。爐煙爲瑞罔風清。雖然與麼。三陽交泰。萬彙盡亨底。如何證明。謹白兩班虎頭燕頤。山僧與麼告報。一一下一轉語看。

永德大導忌請上堂。恭惟。龍集癸未歲五月。莫生十二葉。伏值。前往當山大導老禪佛三十三回忌之辰也。其法孫堂頭老漢。預以斯日。修設忌齋之次。便山野陞座。枉應嚴命。拈一瓣爛枯柴。鈞語問答不記。

圓蹄牛尾。一角醫身。雖似懷義。終不含仁。蹈翻檠嶠陷穽。遙翱翔跳出雪峰網罟。遠逡巡以是作非。煥石爲珉。華圃同日往。永背馳鶴峰。同道遊常不遵。擔水河頭賣。諸人笑閭閻。所以西舍貧。恨東家富。梅腮醜效柳面顰。是則是。如何覆蔭後昆去。

舉。南泉願禪師爲馬祖忌日。設齋。垂語云。未審。馬祖還來應供不。洞山乃出衆云。待有伴卽來。師云。此子雖後生。却堪雕琢。山云。莫壓良爲賤。兩箇



挂絃響振林木。音遏行雲。山僧沒興撞入此席末。今日責老師嚴命。枉登此座。未免欹聾耳。四海禪流而今無有相識底麼。參。問答了。

乃云。前日出松江。經過因伯但之三城。十晴一雨。到得峰山。顧觀其中事。有幾許山谷。幾許海濱。幾許危嶮。幾許平坦。幾許辛艱。幾許優游。又知多少光彩。多少勝景。多少珍奇。多少人物。多少雅興。多少奇玩。多少奇怪。無限幽情。叵遮掩。一一拈出供養。諸人者箇途中之樣。或學而知之。或困而知之。或未目擊而知之。或生而知之。山僧割己利人。諸人作麼生知得之。顧視左右曰。要辨端的。參取他堂頭老師去。卓拄杖。下座。

元旦上堂。舉息耕老師上堂曰。時康道泰。天清地寧。一人端拱無爲。萬物各得其所。巖間野客。悉荷皇恩。唱大平歌。和村田樂。何必麒麟現瑞。鳳凰來儀。但願帝道平平。自然風物楚楚。且知恩報恩一句作麼生。卓拄杖。妙。

淨香水。一一皆遶阿耨達池。一匝而趣大海。召大衆曰。會麼。若緇素得出如闇遇明。如病者得差。若也透不得。諸入疾病。別有大醫王。善觀衆病。衆生信而服之。則病無不療。卓拄杖。莫怪坐來頻勸酒。自從別後見君稀。新懸法鼓。上堂。鹽官安國師示衆云。虛空爲鼓。須彌爲槌。甚人打得。衆無對。南泉云。王老師不打這破鼓。兩箇惡情惊。一箇解打不解聞。一箇解聞不解打。點檢見來。如目見石之白。而不見石堅。手知之堅。而不知其白。山僧不然。虛空不爲鼓。須彌不爲槌。自指鼓曰。者箇是護峰之鼓。今日打聞一道證明。打鼓九聲曰。淵淵哉。逢逢哉。各各莫忘却。其或不然。君子聽鼓聲之聲。則思將帥之臣。

到丹後臥龍山全性禪寺。請上堂。大覺世尊直下七十六世的孫靈源老漢。臥龍山全性禪寺。承佛遺蔭。結佛聖制。奏乳峰百調祕韻。膝上焦桐高

拈出。擊拂子。恐薄禮致怨。

解夏上堂。釣語問答不記。總謝陞堂之次。恭惟。全性堂頭和尚。臥龍升天。或躍入川。雲行雨施。能長能短。能幽能明矣。大哉大哉。烏覩其之形也歟。玆辱遠降臨。而影嚮予小筵。下情無勝激切屏營之至。純也。天資懷懂。賦性疎慵。誤被獅子皮。叨作野干鳴。慚汗慚汗。伏望尊照。次惟兩班列職。江湖名勝。一會海衆。諸位禪師。活國之英。大心之士。扶樹叢林。補苴罅漏。箇箇汗血功高。一跳一躑。千辛萬苦。縱海口不可說盡也。不敢多詞敘陳。各丐恕宥。

秋雲清淡。秋水清冷。鹿峰與松江。南北嫩涼生。任他布袋頭。一時打開也。豈不見。阿耨達池出四大河。一名恒伽河。二名辛頭河。三名博叉河。四名私陀河。或從金象口。或從銀牛口。或從琉璃馬。或從頗梨獅子口。流出清



棘如渭投<sub>レ</sub>涇。重重帝網。主伴無殫。如響應音。千百法座。蓮葉無盡。江西什仿羅漢。年示現東海。日多懸識。月彌漫。次以兩班諸衲子及列席諸位。禪師者。機壓金粟。德輝給孤。透網金鱗。何滯五湖。戴角大蟲。任嘯萬里。舉。往昔世尊與衆行次。以手指地云。此處宜建梵刹。帝釋將一莖草插地。上云。建梵刹已竟。世尊微笑。百草頭上現法王。刹微塵裡轉大法輪。恁麼恁麼。西河弄獅子。不恁麼不恁麼。南泉提猫兒。金不博金。水不洗水。

結夏。靈源和尚到上堂。索語問答不記。恭惟。全性堂頭和尚。芙蓉之麓。昔同雪苦。松江之濱。今訪雨安。我破屋。東舍西廊。上漏下濕。對客不免乖疎。龍蟠鳳逸來儀。轉覺袖短臂長。略拈楊岐金圈栗蓬。獨何揚醜。話到明覺。遂州鉢盂。齊笑安柄。就手與他提起。彼且論應量之器。護峰直展孤陋眉。又憶洞庭七十二諸峰。雨歇綠陰濃。不知那箇一句子。謝他垂訪。如奈難



次拈香曰。欲爲滿城諸臣增崇武運。所希仕君固蘇武之節。撫民嗜伊尹之賢。

次拈香曰。此香遠從<sub>二</sub>北雪嶺<sub>一</sub>。親發河南要津。今日拈出。大野涼風。扇法界。許州流苗。應剎塵。卽今爇向爐中。以奉酬<sub>二</sub>開山東愚大和尚及歷代祖師之慈蔭<sub>一</sub>。

師就座。問答不記。夫求法者。不著佛求。不著法求。不著衆求。此大寶藏。忽然而成。天不能蓋。地不得載。修飛樓於雲間。現涌殿於廣土。青松下明窗裡。不在南北與東西。此室常不以日月爲明。此室入者不爲諸垢之所惱也。是爲難得法。雖然與麼。誰親入得。

謝語。陞堂之次。伏以。滿壽圓成。二老和尚者。香積遺範。多寶來間。常遊隣壁之光。更仰遏雲之韻。次以。徒門各剎諸老和尚者。禪林芝蘭。當門荆

# 圓桂祖純禪師語錄

參學某甲編

入寺上堂。楊岐之屋顏淵室。列聖叢中德是馨。自笑似他獅子子。野犴鳴矣。強惺惺。

新方丈落成。上堂。祝聖拈香曰。大日本國八雲州島根郡松江鄉神護山天倫禪寺住持傳法沙門祖純。落成令辰。虔爇寶香。端爲祝延。今上皇帝聖躬萬歲萬歲萬萬歲。

陛下恭願長振神功之威於三韓。廣播推古之德於萬世。

次拈香曰。此香爇向爐中。奉爲大檀那羽林次將源國侯。資陪祿等。伏希高踰祿位。柱石國家。深懷智仁。金湯佛海。

圓福願起沙門斯經慧梁九拜稽首安置

別安 觀音唐製銅像一軀。以來本迹一致並乞加護。伏冀會衆永離  
魔嬈。身心堅固成道業。

印花押。

願心道場旨趣終

唯願以開山圓通大應國師加被力。護法善神冥助力。永永安居。雲衲和合。遵奉諸般。不誤如法。綿密扶起宗猷。法輪食輪常轉。洪開正法。久住之基。自然時機成熟。得遂本意。一切願望皆得如意吉祥。十方檀信歸崇。擁護道場。戮志造營伽藍。復得國王大臣不忘靈山遺囑之外護。威力自在。選請開祖門派名望之兒孫。以爲輪次住持。道情堅固。成正法輪。常以宗乘爲己任。不容人情。堂規整肅。進退餘裕。疎漏不生。江湖悠遠。諸衲子長得安穩栖泊之地。受用不乏。勇猛精進。大膏不退之願輪。發揮無上之道心。報答佛祖之深恩。普利益無邊之有情。圓就正法久住之大道場。

開山國師垂證明

天明六年丙午十二月偶獲

開山之古像。僉出不測。面首中書此以奉納云。



一、二時粥飯。當隨分以甘枯淡也。況藥石可得。纔接氣而取足已。凡管待來賓。可限一汁三菜。一爲省庫下勞費。不妨修道。二爲矜式。前哲警口腹之欲。

一、凡成就大法。唯身心堅固。而可能之。往往學侶中路短折。不能全本志者有之。故養生之術。所係亦重。身如健。則心隨健。進道之要。攝護色身。防之未萌。今幸有願施醫療之方者。爲揭示其事。看者其存意焉。

一、入得此社者。要須紹佛種。廸後昆。常常深自檢責。立身諦當。防情於未亂。而勿令人竊議。古德所謂節儉放下。最爲透脫。陰妄之捷徑。旁擇益友。懷敬取法。警所未逮。吁。如法衲子。叢社眉目。當其血氣壯盛之時。慮光陰之易往。曉夕謹懼。惟道是求。此佛祖所護念。若有廁一不肖者。在其間。悖戾縉衆。猥屑敗教。急擯出。庶令一衆清白。無復糟糠也。

以上雄德道場定規。製以備後來。

但提唱舉揚有誨勵之益者。非制限。古來小參爲之故也。祇不許攤冊子。逞知解弄筆硯耳。文字般若豈可蔑視晚輩。若有經綸及外典之望。則相諭可別令得其處也。

一頭陀之行及作務或局務服勞。豈是外事不可忽之。古人有一日不作一日不食之誠。況復所貴動中工夫用力之久。觸緣打發者。永不退失矣。潛行密用。勿爲事緣所奪。

一爲道聚頭之場始無定管轄。各各和合。可護惜常住物。令無耗損。況復什具耶。專要任都監者。廉謹不昧因果。切擴護法之念焉。

一、正法久住之願。創此道場。尼僧應接宜蹈雪峰山之芳躅。非惟避世譏嫌。源流遠大職是之由。

一、禁酒葷五辛。禁烟草。禁雜話戲論。是叢社從前所嚴戒。不待更言。其餘所有不應作之業。宜當自恥自慎自勵自警。如世之良馬不勞鞭影也。

一僧堂陶鑄鐵漢。養育法器之場。可爲禪林第一。從古自有綱維。爲之標揭。所可深留心也。其餘一切規則。臨時事故。悉可承師家之指揮。師家素居中正。不倚也。勤舊輩。莫以相慣之故。濫立己我。三時勤行。專祈寶祚。鞏久天下安全。不可懈怠。亦在爲十方諸檀存薦亡。而無忽四恩。希不虛消信施。

朝課 寅刻課誦有條目

日中 巳半刻冬制朝課後金剛經行之

晚課 申刻法華經。次水陸會海會供堂有條目。祠堂諸靈正當忌日及宿忌。可誦大悲咒尊勝一遍。

一近代叢社講說爲常。非是古風也。文字語言依他作解。障自智眼。不能超言象之外。此間只管要純一禪定正念相續。真正辨道之士。自有本分在。晝參夜參。可究蘊奧。何暇涉所緣。



緇徒輕薄。不<sub>レ</sub>原<sub>二</sub>乎道間<sub>一</sub>。挾<sub>二</sub>靈骨<sub>一</sub>者亦多浸淫外學。或封執名相。一生空過。或復張些見識。自欺欺他。弗能卻步。就已直實體究。並皆非當家種草。遂致令佛祖慧命危於累卵。同志之者切須密護宗旨。不<sub>レ</sub>惜軀命。思<sub>レ</sub>茲在<sub>レ</sub>茲。

一今此江湖道場之設爲令宗門命脉相續。實賴後昆克荷斯道。嗚呼。叢林凋殘。喪古色。逐時風。所冀主法之人專順先聖弘道之軌範。以救時弊。整頹綱<sub>二</sub>哉。務莫<sub>レ</sub>急焉。

一師家可<sub>レ</sub>請當派知識堪<sub>レ</sub>任<sub>二</sub>江湖衆望<sub>一</sub>者。應當公選得其處。而勿容<sub>二</sub>人情<sub>一</sub>也。

當派偶乏其人。而他方有其人。則必當敦請之。同一鹹味。何分自他。利生傳道務在<sub>レ</sub>得人。庶幾江湖之名不<sub>二</sub>虛設<sub>一</sub>也。其輪舉之始末。年限之延促。須歷<sub>二</sub>輿議<sub>一</sub>而循時宜也。



なれば、私の願心に非ず。故に尋常の用心も無益の計較卜度に涉らず。唯だ一片の丹心、佛祖及護法善神の冥助を仰ぎ乞の外他なし。竊に頼みとする所は、必ず感應靈通を蒙て、不遠、因縁成辨の時節到來せん。豈しからんや。

華園末種 斯經慧梁謹識

雄德山圓福禪寺制規

一、開山大應國師云。佛祖一大事因縁不離日用應縁之中。不隔此土他方之間。亙古亙今。輝天鑑地。所以道塵劫來只在而貴當人具大丈夫氣概。向朕兆未分之時。文彩未彰以前。猛著精彩。看來看去。工夫純熟。一念相應。生死心破。忽然明見本來面目。本地風光。一一分明。則與從前佛祖同見同聞同知同用。方得不負出家行脚本志。

開山國師如上親言出自親直截徹悃。宜銘諸心。方今法運澆季。江湖

り。然れども今世下根の人は、叢規の整肅を觀て、道心を薰發するに至るもあるべし。又衆一同精修の力に引牽せられて、法成就に至るもあるべし。堂内見聞する所の薰習業は、霧露の中を行が如し。自然と潤ひ化するの理なれば、其の功輕き事に非ず。故に末法の中では、上古の典型を貴んで僧堂の設け、眼目とすべし。先年僧堂の願起不成功、空く退するの後、余竊に思惟するに、縦ひ山内に場所あり、衆議和同して、僧堂新に成ずるよりも、吾が従前願心の通り、別所に創建するに如くはなかるべし。江湖の衆望に應ずる宗匠を追々請じ出して、四來の雲衲を海容し精修せしむる時は、正法不退轉、千方道場にして、國家の大鎮護、衆生の大福田と仰ぐべし。余、多年此の願心を抱くと雖、容易に向人<sub>レ</sub>不説、只だ江湖の舊交兩三輩のみ年來余が願心道場の事を深知せり。余已に老年に及べども、一向に便宜なき事を愁へ、余を扣いて屢々警發す。其の情至て切なり。余が曰く、吾此の願起は、通塗の建立とは、譯も違ひ、宗門潤色の企

妙心寺造營以下事。申置仙洞之子細在之。縱過一瞬。必可滿平生之志。門徒之内其仁不在它。廻遠慮。可被果興隆之願。故遺鳥跡述蓄懷者也

貞和三年七月二十二日

御花押

開山上人禪室

如此佛法興隆叡願深く、開山國師へ御附訖の重きより、妙心の基本興起して、今日兒孫の繁榮を致すも、一念の叡願より縁起せり。欽むべく貴ふべし。箇様に先帝甚深願起の伽藍なれば、住在の面々も尋常其の心得あるべき事なり。然るに中古以來坐禪の場闕げたるは憾むべきことなり。故に先年末派有志の人深く此の闕典を歎き、費用竝に經營の勞を本山へかけず、僧堂を建立致し度由を再往願出れども、山内地狹く其の外差障多に由て、衆議不調、事止ぬ。若し據實論ぜば、真正の志だにあらば、擾々たる紅塵の中にも參禪成就に至るべきな



るにあり。或は又十方の化縁を募り、喜捨物を以て成辦すべし。幹事、副寺等の勤役の人々は、末派の中より選み出さば、願心如法にして、明因果底の輩出來て、其の責に任ずべし。衆僧接待の資糧は、有法必有食、佛法に無飢渴の金言、自然の道理なれば、深く可憑なり。故に信心有力の外護有之時は、其餘の一切深く患るに足らざるべし。外護とは、高貴の權威を假つて人に逼り、一旦の事を成ずるの謂に非ず。我佛、靈山會上にて、佛法は、國王大臣、有力の檀那に付屬すると仰せられし遺囑の旨に合ふて、佛法興隆の志願深固なるを云ふ。古今の類例多ければ、枚舉するに遑あらず。現に華園先帝の榜樣あり、一紙の御宸翰を見て知ぬべし。

往年在先師大燈國師處。於此一段事得休歇。特傳持衣鉢之後。報恩謝德之思。興隆佛法之志。寤寐無忘。而心事依違于今未遂其願。頃年病痾纏牽。旦夕難期。空填溝壑者。永劫之恨。何事如之。仍一流再興並

なり。兼々參禪の志深かりし故、天龍の策彥和尚を招き相談ありけるに、指南の義は深く辭讓の由にて、紫野、華園の禪法に參すべしとの指圖故、選んで快川に參禪めされ、遂に妙處に造られき。師僧家行脚成辨の後、或は好僧となれども、當派の風規にて、因緣次第に僻地破院に住すれば、始終破院切りの住職にて、一生宗教輔弼の功を施すに無由。實に歎惜すべき事なり。若し願心の道場を成就せば、田舎韜晦の知識を推出して、所蘊の如く自在に法幢を執らしめ、衲子を鍛鍊せしめば、後生晚輩修行の所依處ありて、鞭勵の心も因て相生じ、禪林の家風復た一新せん。我門澆末の一大光輝なるべし。然るに此の道場を興建するには、國王、大臣、有力の檀那の外護を得る事肝要なり。若し英檀の外護なくんば、如此大事成就に至る事難かるべし。次に又其の場所を得る事難し。殊に御當代は、新地を叛むる事御制禁なれば、古基に據て其の規模を張り、大にする外方便なかるべし。造營費用の錢財は、不拘高低、深心護法の檀越を得

いて、偶々江湖の爲め大應の道場興建の願心を發せり。其の子細は時運澆末の故にや、佛門の弊習逐日生ず。我家の弊風を救ふ事は、人々脚跟下の事を切に究明せしむるにあり。脚跟下の事を究明せしむる事は、單々に坐禪せしむるにあり。單々に坐禪せしむる事は、江湖の道場を興起するに如くはなかるべし。禪刹建立を企る人は往々にありといへども、師檀共に眞實護法の志願あらざれば、禪法流通の道場に非ず。興建に勞すと雖、佛法に補ひなし。江湖の道場は此と異り模範となるべき師を廣く江湖より輪差して、住持に請じ法柄を執らしむる事なれば、永久其の人に乏しからざるべし。末法の中には、宗旨の蘊奥を透脱し、應機自在を得る人は、實に優曇華の如く、一人半人を得る事甚だ難し。又相應省發の場を得て、爲人接衆の作用ある程の人も至つて希なる事なれども、唯だ大應門下是れ迄連綿として不斷、此は誠に大應老祖、楊岐の正脉を單傳し、格外の手段ありし遺風餘烈にや。甲斐の信玄は兵法軍術に達したる名將



り。妙心の住持は、本末の差別なく、四派輪次にて、一年宛の差定なり。代々輪差住持なれば、自然と衆僧接得の差支あり。末派の内には、古跡伽藍多しといへども、皆獨住所にして、江湖の道場と稱すべき不斷僧堂の式を行ふ場所なければ、邊土有道の師家を敦請するの道斷へたり。故に願心の道場を興建する時は、末派の好長老をして枯淡寂寞の濱に朽果しむるの恨なく、四方の雲衲修道の場あつて、古風復た挽回せん。禪法久住の爲に設けたる寺なれば、初より自他の隔なく、派脉に拘らず、江湖の望にかなえる名勝を請じ出して住持とせしむべきなれども、兩山は共に一流相承の山なれば、他の脈々混雜して請ずる事なりがたし。然れども法輪常轉の爲を論ぜば、大應下の兒孫其の時に當つて、宗旨の指南に仕へたるに乏しき時は、不論別派、濟家の内にて、衆望に叶へる有徳を請待すべき路を開き置く時は、愈々同一禪源興隆の事なれば、先帝佛法外護の叡願實に圓滿すと謂つべし。若年の時、龍翔寺の廢せるを見るにつ

人々、傳來の願心あり。大應開闢の道場、凡そ崇福、龍翔、嘉元の三刹あり。

崇福のみ現に相續すといへども、獨住所にして、國司の位牌所なれば、江湖の道場に非らず、龍翔寺は嘉陽門院の御建立にて、中古迄は建物もありて、大徳寺前住衆輪住の由なれども、如何の譯にや、大徳寺の境内へ引き移されたり。

安井村の寺跡には、只塔廟のみ存せり。嘉元寺は、後宇多上皇、大應の爲めに御建立なされたれども、台徒の妬忌に因て間もなく退轉せり。東山の邊にありつる由なれども、荒廢年久ければ、尋ねべき様なし。其の外にも勸請の道場は處々にありといへども、皆江湖の望に任する事能はず。故に江湖の法窟を取立、大應國師を開山と崇め、有力の師を選んで、或は三年、或は五年、住持の柄をとらしめ、叢林第一の規矩を不變に行ふ。雲衲の聚會所を興隆致し度との願心なり。大應の門派にては。大徳妙心の兩山繁榮にはあれども、中古以來の僧堂の備へなし。大徳の住持を請ずるは、一山切の輪番にして、一月充差定の由な

され、宣旨竝に遺命の一人に屬する事を責め給へば、開山不得已、勅命に應じて、妙心の席に據て、不拘禪誦規式、無意殿堂莊嚴、唯宗乘を舉揚して、遂に二世授翁一人を接得して、法道の流傳泛濫に至れり、是れ偏に華園法皇叡願外護の甚深より出たり。然る故に今日に至るまで、玉鳳院に於て法皇へ香火奠禮の嚴かなる事、誠に最勝の因縁と謂つべし。且又關山の兒孫、扶桑は勿論、琉球迄も遍ければ、往々前堂の時、名望實徳ある人あり。或は巨刹に住して衆僧を栖しむるに二便ありといへども、種々の檀事に障へられて、純一に接得のなり難きもあり。多くは邊土の小院に住持すれば、法施の門を開き、四來の雲衲を供養する事能はず、慕道の衲子は、道義を慕ふて輻湊すれども、其の寺陝隘にして居所なければ、廢社辻堂などをしつらひて、風雨を障へ、其の中に宴坐し行乞して、食纔に身を支ふる耳にて、種々の辛苦を嘗めて、其の志を遂るもあり、風寒暑濕に傷られて、中途に瘍折する者もあり。因て昔年より我門有志の



の嗣にしても、大應の禪は、大宋國徑山虛堂和尚の道髓を得て、見處超邁、門風峭峻なり。然る故にや、有力の兒孫相繼いで斷えず。開山國師は、大燈國師の法嗣にして、始は法孫甚少といへども、刻苦參詳、宗旨の淵源に徹すること、正法山六祖傳を見て知るべし。代々住持の任とする所は、四來雲衲を接得する外他事なし。その後四派の祖を出し、その兒孫次第に蕃衍して、今海内に漫れり。その根源を尋ねれば、華園帝、大燈へ參禪の御志深重にして、衣鉢迄も御傳授爲成給ふといへども、猶玄奥を極めんとの叡慮より、和尚法嗣の中誰か是れ大機用を得たると叡問ありければ、大燈奏して曰く、吾が付法の中、唯慧玄藏主のみ、實に吾が道髓を得たりと。上皇、此の指教を承けて、又報恩のために叡慮を運ばせ給ひ、遂に華園の離宮を革めて梵刹となし、開山を請じて住持せしめんと、凡の事大燈へ謀らせ給ひて、山號寺號迄も御定めあり。この時、開山は濃州揖深の里に遁居せられしを、御請待にて甘露寺亞相、勅を承けて尋ね出

世にして絶えたり。建仁開山千光祖師、天台虛庵徹禪師の法を傳へて歸朝ありしより、禪法始めて我朝に傳る。その後二十四流の祖師相繼で興る。入唐して法を傳へ歸朝せられしもあり、又唐土より法を弘めるもあり。この時北條家、足利家。天下の執權にして、志を禪法に嚮ふこと厚く、外護の志深し。五山十刹の伽藍、この時に創建あり。尋常數百の雲衲を栖しめ、叢規盛に行はれたり。住持の人は、府君の命を受けて、江湖の名徳を請して、派脉の穿鑿に涉らず、此を江湖の山といふ。二百年前迄この風規行はれ、その後、伽藍はきそつて宏壯を構ふといへども、真正有道の知識稀なり。足利家の末運に至て、弊風漸く生じて、禪林諸山の住持を請ずるも、その山々の風儀自然と相生じ、江湖より名徳を敦請して衆僧を接得せしむるの道漸く絶えたり、實に歎息すべし。大徳、妙心は、華園帝、後醍醐帝の勸願によつて、一流相承の綸命あつて、皆開祖の兒孫を相續住持せしめ、他の法脉の僧住するを許し給はず。大燈國師は大應國師

住せしめ、純一に精進して大道を成じ易からしめんためなり。堂内四威儀の規則も律に依て折衷して行ふ。整肅にして可觀ことなり。此時は十方の禪林常の主なし。往時は道德あつて、江湖雲納の望に任へたる人を選んで法柄を執らしむるなり。次第に禪林繁興して、官侍は天子の勅命を蒙つて住し、或はその官人、狀を具して以て請じ、又山門諸山江湖より疏を製して敦請す。其の禮至て嚴重なる事になれり。住持の人の務とする所は、四來の衲子を接得して、眞正の知見をきかしめ佛祖の慧命を相續するにあり。我朝への禪法の傳るは、推古帝の御時、達磨大師、大和の國片岡山に飢人と現じ、豐聰太子と和歌の唱酬ありしに兆し、嵯峨帝の御時、江西馬大師三世の孫義空禪師、請に因て我朝に來れり。檀林皇后參之、法を得給ふといへども、その身、國母の尊貴にましませば、國人法を問ふに道なし。義空程なく歸國せられて、その法遂に傳らず。その後叡山の覺阿入唐して、瞎堂達禪師に參し、禪法を得て歸るといへども、又一



なり。内護の中、諸宗は依<sub>レ</sub>經宗旨を開き始む。我此の禪宗は不<sub>レ</sub>依<sub>レ</sub>經、直に佛心印を傳ふ。故に諸佛頂上の宗とも如來最上乘の禪とも云ふ。佛世尊、正法眼藏を摩訶迦葉に附屬ありしより、次に阿難、次に商那和修と的々相承し、二十八傳して菩提達磨大師に至つて、般若多羅尊者の識に應じ、東震丹に大乘の根器あるを觀て西來めされ、二祖神光を接得し付法ありて、三祖四祖五祖と遞に相傳持し、第六祖曹溪慧能大師に至りて、天下禪風に嚮ふ者多く、得法の者少なからず。又三傳して江西馬大師に至りて、嗣法の者八拾餘員、各々一方に據りて化門を開き、遂に禪法、大唐に周遍せり。此時に當り、教を棄て禪に入る者如<sub>ニ</sub>水赴壑<sub>一</sub>、明師を訪尋し鉢囊を挑げて往來する者、滔々として絶えず、師に依つて湊泊する者或は三百或は五百、動もすれば一千衆に至る。百丈大師時機を觀じ、末代を照して、如來の正法眼藏を傳授するには、坐禪を入法の要門とする、僧堂の利これよりして始れり。この設け別事のためならず。四來の雲衲を安

## 願心道場旨趣

熟々、竺乾震旦伽藍草創の來由を詳かにするに、佛在世の時分は、祇園精舍を始として、處々の伽藍皆大講堂を中位に建て、三面に僧房を設く。大講堂は、佛說法の時、大衆雲集して傾聽する所なり。三面の僧房は、說法止め退て宴坐修觀する所なり。是佛在世正法の世と云へども、僧房を設けて、雨露寒熱の患を遮る者は、緣不具、道難成、緣具すれば、道易成が故なり。昔より道場の興建は、須達長者の因縁の如く、皆喜捨檀越外護の深心より成ずるものなり。釋尊も佛法は國王大臣有力の檀那に附屬すと仰せられたり。佛法の中、内護あり外護あり。外護は、國王大臣有力檀那、佛法を尊重し、伽藍を興建して修道に便利し、佛弟子の大道成辨を護るにあり。内護は佛弟子戒定慧を勤修し佛心を發明し、正法を末代に流轉するにあり。内護と外護は、相藉て佛法久住する者

扶宗大綱禪師斯經和尚遺稿 終



如是往來如是住。畫梅薰徹四禪天。

拋筆而坐化。春秋六十六。法臘五十四。諸徒遺命。鼻全身至圓福。如法闍維。得設利羅無數。嗣師法者。海福院陽門宗敦。直指庵大隣慧宗之兩人也。

爲開山祖而倣往古禪林。興江湖道場。自著清規。曰。是山莫定住持。宜請關山派下宗匠爲住持。但力行叢規。永無變革。莫近塵俗也。未果志。師在直指日。檀信來法話之序。師談及此事。一座共喜。約等併力。茲有八幡社務田中家所藏達磨大師古像。有故拜請之。又茲八幡山下有圓福寺之故址。荒廢既久。相攸於南山。移今地創草。號山於雄德。扁寺於圓福。師自直指往來住持有年。四衆靡其德。是皆檀信所扶。由師道德來者耶。天明五年冬。應於筑德雲請。圓覺經海衆三百五十餘員。天明六年春夏。應於豐之兩刹請說法。到處道俗信受如風偃也。同年秋歸洛之海福。偶染微疾。自知不起。而親故來問。則笑話如常。天明七年正月廿三日早晨。自洗面。書遺偈曰。

薪火滅時和灰烟。無聲三昧自現前。

## 扶宗大綱禪師斯經座元略行由

師諱慧梁號斯經。播州姬路產也。享保七年生誕。姓菅氏。幼而穎異。十歲上京師。讀經史。能通其義。年十二入花園海福東明和尚之室。祝髮稟具行業純真。十七遊方。依寒巖灰公。於豐之少林。備嘗辛酸。參請不怠。隨從六年。數發心要。寒師遷化後。去參白隱鶴公於駿之松陰。遂徹玄微。辭去歸洛。覲東明師三十六。受本師心印。居妙心第一座。住海福。爾來江湖雲衲。詢道者不尠。近衛內前公。聞其道望。召見。又時枉駕親參問焉。大覺門主寬深殿下。自枉駕數問法要焉。

京師浪花道俗。歸嚮師道德者。不可勝數也。浪花檀信某興直指菴。請師爲開祖矣。師常歎大應國師之道場荒廢無子遺。因欲締構禪刹。奉國師



室灑乎大覺之門也。服於畦畛。匙於蔬菲。息陰於樹下。於石上。威音畔以  
超遙器界。外以盤游把著。所謂菩提涅槃者。屬之幻漚。未肯以膠滯。況夫  
生滅去來。幻於幻漚。於漚者乎。而幻於幻漚。於漚。列之真圓。寂照無爲。無  
朕。未肯以移動纖毫也。乾達婆王一奏。山河皆琴聲。則飲光起舞。香嚴觀  
沈水香馨於鼻中。非木非空。非火非煙。頓明無漏。是無他。烏得非習盡觀  
空之所致焉乎。空華道人南公。慕東林業已。白律身而不被戒網縛。索  
莫鄺居。綠竹數竿。而逸趣峰瀾。朝夕侃侃如也。穎雅而嗜和歌旨。綺振善  
書畫兼愛香。方于清風衣被鐵馨。半瘖倦羽林棲雲間。月小。焚以一瓣妙  
兜樓。繚繞芬郁。去無所著。來無所從。其樂何如。(下脫)

廼我分燈之地。嗣子厚禪師致力幹其蠱。不亦偉哉。以識隨喜云。時天明癸卯初夏。

誌法衣後拜中

此中納佛舍利二粒。柳津大黑天一軀。其白色如芥子者。朝熊嶽所祕碎舍利。有故感得者矣。余平日所奉舍利十數粒。移之淨器。盛水祈念。乞驗時。肉付分粒者。旋旋浮出而不沈。不勝銘感。闕之小合。安後拜內。永爲傳法衣之鎮護云。

小合表

佛舍利二粒。如白芥子者。朝熊嶽碎舍利也。肉付白者。投水祈念。時旋旋浮出。柳津大黑天一軀。永爲傳法衣鎮護云。

空華道人

否。謹今拈三箇闡子。願蒙感應。而直決愚衷。急急如律令。慧梁九拜敬白。

書主夜神畫像上

此神者。華嚴經善財童子所參見第三十二善知識。一切星宿炳然在體。後破一切衆生癡暗。法光明解脫法門。大悲深重。能令暴惡衆生起清淨心。故歸此神則一切盜難自然潛消。或山海嶮難。劫盜相逼。若念此神。終不能損一毛。加之貧人得資糧。迷方得道路。救濟之妙如經說。近頃信仰族頻頻感靈驗。或馬牛病惱。頂奉神號。直得復常。又田畑生蟲。標揭神號。蟲悉退失。吁神德不可思議。讚歎何及。今命印刻廣利益云。

贈應真圖

十六應真遊戲過水橫卷。我院之故物。傳爲龍眠居士所寫。今加裝潢爲橫幅。遠寄南紀德清寺。以攄造營一新之賀也。德清者。確宗師叔攸層興。



願文

華園海福現住沙門慧梁謹就

令定敦宗才  
二禪納代之

山城州葛野郡安井村金仙

山竹林禪寺現座道場。本師釋迦牟尼如來及地福本尊延命地藏大菩

薩兩靈像尊前。傍挂先師畫像。誦經諷咒。奉仰兩尊靈鑑。先師東明雖中

興但州揚岐菴。其鄉風俗不淳。非吾法有緣地。二世普門及相次住寺。物

難屢至。末後爲病惱見侵乎。遽企修造費用居多。寺物爲之蕩損。菴幾乎

退轉。不免先師之譴責在。法眷梁等素窮迫無力乎相扶持。已至爲茂艸

之地。梁竊自謂。久持可厭之物。不如早棄之而換以好物。然不識先師何

如也。梁偶發心。爲報先師之法恩。便以吾所有竹林寺爲先師中興之道

場也。心已決矣。何乞靈示。嗚呼。承嗣者。大義之所存。關繫至重。宜如明鏡。

所冀於此道場。令普門法永相續焉。果愜兩尊聖明洎東明先師之高鑑。

先靈之冥報及增崇檀越之福壽云爾。

書久留氏位牌裏

浪華久留氏居士眞利者。扶樹予江湖道場圓福之興基。而喜捨之功居多。居士本伏見出自也。曾承實父宗貞之遺囑曰。吾家累代諸靈久願納諸靈區而齊祀。然未得其處。請汝補吾志。因有遣貺焉。居士向欲不以予爲無似。託以上事。深喜願起之場一字。先就緒也。則安牌位。親酬遺意矣。近頃支院地藏堂就成。側構寮舍以便接客。居士亦勩力不少。遂請設祭筵。令清衆修佛事。非營追薦考妣及累世眷屬之冥福。波及法界含識者也。嗚呼。慈善根之誠終不空也。譬如人在暗中。書字自他雖不能見。點畫已現冥冥之中。豈可忽耶。後之荅檀恩者。三業清淨無虧。則度生有分。百祥俱集。否則有幽譴在思之。

心。報答佛祖之深恩。普利益無邊有情。圓就正法久住之大道場。

開山國師深垂證明。

天明六年丙午十二月。偶獲開山之古像。事僉出不測。面首中書。此以奉納云。圓福願起沙門斯經慧梁九拜稽首安置。

別安觀音唐製銅像一軀。以表本迹一致。竝乞加護。伏冀會衆永離魔燒。身心堅固成道業。

書中村氏位牌裏

天明壬寅夏。浪花本教

山田屋五兵衛

偶聞人之話。及余有江湖開場之願。而欣

然生隨喜。介人求爲勸志之檀越。余喜出不測。竊以爲護法神護衛時到。

而令善士生不住相之施心矣。乃於本鄉奉請祖像。相攸構僧堂之舉。無幾落成。以故今祖像之側設牌位以結晨昏香火之緣。專冀資嚴中村氏



始堪爲我家一青氈也。傍要余之贅語題其函。而懇提者。天授塔主也。余曰。吁。有類彼得隴而不足。又望蜀者乎。滿座發一笑。於是不揆固陋。塗抹以塞其責。時安永八年己亥十一月二十有一夜也。華園副寺誌。

圓福開山肖像面首中所收願文

唯願以開山圓通大應國師加被力。護法善神冥助力。永永安居。雲衲和合。遵奉諸般不誤如法。綿密扶起宗猷。法輪食轉常轉。洪開正法久住之基。自然時機成熟。得遂本意。一切願望皆得如意吉祥。十方檀信歸崇。擁護道場。勸志造營伽藍。復得國王大臣不忘靈山遺囑之外護。威力自在。選請開祖門派名望之兒孫。以爲輪次住持。道情堅固。成正法輪。常以宗乘爲己任。不容人情。堂規整肅。進退餘裕。踈漏不生。江湖悠遠。諸衲子長得安穩。栖泊之地。受用不<sub>レ</sub>乏。勇猛精進。大膏不退之願輪。發揮無上之道。

存神采宛然。公奉之如護拱壁。一日携來。與余聽覽。便議對御提唱之本。然滄沱正脉。著著有出身之分師之容。猶可藉是想見也。今茲遭遇高源營修百年之諱齋。寺已改觀。公復謂。此錄理宜標乎祭筵。因蘄余之一語。係於卷尾也。於戲。匡公崇祖之念不弛。遂有此奇獲。可謂明珠不暗投矣。果能穩坐於巒光水影之間。而與禪師日日相見報恩底。則是家常茶飯也。非公克消之其誰消之哉。

題千秋香之函

千秋香者。交趾寶器。可貯茶也。衡梅塔藏之久矣。一夜同朋。會投老室。偶談及此。塔主卒然出。際質輕黃滑。其腹款菊連圍可愛。大法主矚而直乞之。塔主諾矣。如有攸約。大法主就陪者求銘之以表旌。玉鳳侍真。廼命以今名。衆僉稱善。大法主又曰。人生不若物之久視。若能識顛末。示諸後來。

宜表龍種尊焉。蓋取於楞嚴會上此尊奉佛敕而選擇二十五門之圓通。當根者冀教國內人結勝因。啓正信也。募緣未幾。祖曼就木。已而歷四寒暑。其翁祖眞者。聞圓通諸尊已有同志者。勦力就緒。然但中尊之設猶闕如。深悲吾兒之心願未滿。謀諸同族。森田氏兩士俱隨喜。相繼圓成功德矣。而令京工水谷氏彫造之。其梵相端嚴。瞻禮者無不改容。祖眞浪花人也。先是出家。歸入宗門。今因荐請使余記其顛末於龕背云。

○雜文

題臨濟錄卷尾

禿翁大禪師。道愜皇情。德副衆望。實我門之精進幢也。至若塊如看大人蹤。棄道場眞箇衲子。風猷不錯。爲國師兒孫矣。可欽可欽。江之高源者。禪師開榛之地。卽宗匡公遠承師慈蔭者。先是偶感得此錄。乃師手澤之所



彌之術以干之。必得眞物矣。素經喜甚。遂憑定彌區畫。獲眞骨二顆而珍重焉。余乞獲一顆。乃今攸附者是。恐有人曰。假魔術以燭之。安足取信於後世哉。余謂不然。凡業通之輩。明鑑皆自然報得不能挾虛妄於其間也。譬如以石試石。何不是之有。嗚呼。如來眞法身周遍一切處。元無魔佛隔。隨緣赴感。神力難測。當人信心決定時。一砂一櫪。直是金剛不壞眞實設利羅。功德同等。常住佛體也。淨業之人專念不弛。得三昧現前。始知余言之不食也。書以贈云。

龜背記

豐之後州佐伯龍鼎山養賢禪寺。海西之巨刹。雲衲之所輻湊也。余徒祖曼亦走輪下。親稟堂頭月山和尚之提携有年矣。曼曾發心。願與同朋合志於養賢區內創建一字。安置西國靈場之圓通大士三十三軀。其中位

要言之。唯在當人分上一念。緣起無生不依倚一物。密密參取焉。居士能向一切時中。圓以操心。儉以持身。日往月來。身心一如。自然透脫。陰妄左右逢源。珍重。

○記

舍利因由記

尾陽半田不著法師。一日叩弊廬。乞瞻余所奉之設利羅。且請分施切。余察其有深信之可稱。廼附以純白圓轉大如胡椒粒者。法師又求記來由。余告曰。明和辛卯之冬。雲州三澤妙嚴主素經禪師。寓弊廬之日。偶誘來同國定彌者。先是定彌奇緣。詣鞍馬山魔僧正。面稟撒米占相休咎之術。時俗競趨。余驗其術。頗有應。因出舍利數粒。辨其真非。一一有識別。素經在傍苦告希望之意。余曰。京師若干骨董店。舍利爲滯貨者不少。儻假定

向上一路。千聖不傳。學者勞形。如猿捉影。唯貴在當人分具不退轉。願力  
抽勇猛之志氣也。當陽一念現前端的。切須向無理會處。究來究去。是  
卻步就已之潛行。復是端坐念實相之懺罪也。一旦觸緣應時。泯然獲得  
心機路絕。直撞着金剛不壞身。曠劫無明徹底灰矣。豈不快哉。英禪衲。年  
來抱病。失望遊方。偶來陪余金剛筵之日。懇請余之一語。以資日用密參。  
其志可嘉。書之以視。宜深昭顧焉。

示宗儉居士

圓翁宗儉居士請。因道稱以爲說示。余便告曰。圓々海德諸佛。諸佛不能  
德。圓々海是金口之所演也。嗚呼。圓之一字。衆妙門。而古今教家流所極  
口讚嘆也。無復餘蘊。楞嚴會上諸尊所證三昧。皆不出此。至矣盡矣。儉  
知足守節約之道是也。古人貴清儉。放下以爲用心之第一。有旨矣哉。以



一々衆生不歷開會不壞情。欲直得住廣大金剛法界宮矣。所以□何欲觸愛慢。直是薩埵三摩地。復是本有大日秘密加持之所致也。感應自然如其本性。故云。一切衆生色身實相從本際以來。常是毘盧舍那平等智身也。或又如有外道種々異計。認色執象。如來以金剛密印一印印定時。悉化爲入清淨門。非是強空諸法而令然。不改當相。不動本體。所謂普門曼荼羅神變力也。由是觀之。豈非以一字揭示一經深密哉。雖然非金薩故意勉強而現此相矣。蓋法然自爾不能不然焉。余也雖非瑜伽學徒。宗本豈有二哉。故不顧其言之卑俚。卒爾書之以擬讚嘆云。

余卅二歲時。於京師栗田口妙瑞師講大日經之時。製之以呈

○垂誠

示英禪衲

凡一代聖經。悉求法要之禮。□從座而起。極致恭敬。蓋西方風規。緇素如此。然今自性所成眷屬正欲。勸弊十界輪圓秘密法輪。宜整威儀謹嚴也。而坐以問佛者。豈非失禮法耶。余竊謂。如此經。五成就皆甚深不可思議。發問相亦是不可思議。如彼教主住處等。奕葉先賢議論雲如起。問難潮如涌。可謂綿密精緻。入離涉微。唯此問相置而不論。一師或以動寂不二。爲之標幟。恐未盡善乎。經云。此執金剛主。卽是毘盧舍那之所化身。爲欲發明此深密之法。故也。是以一作一動。無不持密印。一句一言。無不闢秘藏。何者。宗體成於內。則必當相彰於外。唯有上機。冥受此微益。如次寄歎德而密說五字義。不勞金口。早是一經能事畢焉。故知發問相亦有標幟。今據管見曰。夫坐也者。不起當位而住。各々威儀也。聲聞不起。聲聞座。而證毘盧身。梵志不起。梵志座。而得本地身。乃至男坐男位。女坐女位。如此

○跋

遠羅天釜跋

先師遺言。赫乎三藏存焉。乃祖玄旨炳然。五燈傳焉。蓋自利利他自不能不然也。於戲如此書。明辨醜縷不墮先規。可謂未聞之聞也。讚之則大虛生翳。謗之則亘海起漚。余亦何言。其或附諸烜。或上諸紙。其跡雖異。其道一也。何則法門威儀。唯此是勤。向近驛二三白衣語余曰。頃聞師有示徒之長書。我曹觀覽。無且有嫌乎。謗寫冀勩力鋟諸梓。以令住菴精修之諸子免吮墨之勞。余曰。善哉。如有政。雖不吾用。吾其與聞之。於是乎跋焉。寬延己巳仲春日。參學小比丘慧梁焚香稽首書于芙蓉峰下。

○說

大日經中秘密主坐白佛說



其倒瀾也。姬城慶雲柏峰禪師。用心於此有年。禪餘詠湖水八景示諸左右。語質旨高。實帶古作者遺意者。然無人收錄以傳世也。桃源靈道老師偶獲之。故紙堆中。不堪歡躍。因恐曾祖之遺言。至於湮滅。復令畫工寫八景小圖。又遠寄片紙來。蘄華園諸師之各書其詩。希俱貼之屏障。而擬觀於羹牆也。其志可嘉矣。余嘗竊謂。諷詠復古之道。不必用安排計較。觸物對境。吟心純一。則恍然入乎佳境矣。心已離諸相境。亦無纖塵之可跡。心與境脗合。不可思議眞景現前。文句身亦煥發宛然。若能如是。則祖述宗猷。與從事風雅。豈有二哉。始可論偈頌造妙之域。而堪發揮兩師用心之蘊焉。否則不免向外邊翫物。褻皮著骨。皆是前塵分別之影子也。遠之遠矣。靈師靖退之人。命嗣子璉公幹其蠱云。余喋々亦繇之。吁多見其不知量也。

八幡圓福寺塔婆銘

清淨寶明海。廣濶且甚深。空昧爲變造。蠢動幾浮沈。究竟歸六大。如何存五陰。相攸構精舍。三寶此降臨。宗猷久住地。諸天同所欽。令百由旬內。衰滅弗能侵。榮蔬充僧厨。唼殘應呵禁。夜禪惱衲侶。蚊虻尤難任。一切毒刺蟲。惡獸及惡禽。如理被善誘。遠離勿追尋。圓因於業轉。拂跡於來今。妙法蓮華體。金剛最勝心。無餘眞滅度。霧海示南針。群類宜順伏。救苦觀世音。

○詩序

八景圖詩序

叢林之有偈頌也。蓋濫觴於七佛。以來祖々傳法之偈。一途祖述宗猷者也。可謂其源深且遠。至唐宋之間。雖稍涉風雅。弗墜先規。猶可徵詩之與偈。無兩般也。降迨後世。古風日漓。漸失叢林之氣象。遂陷俗流。難矣哉。回

創得圓通無碍刹。拈了密菴破沙盆。十方衲子將綱取。匝地清風起八幡。

幹事比丘

薩州宗功寺慧俊

喜捨主

浪華木田氏居士元照

小工

何某

大工棟梁

同

居士曾江湖道場之舉施。以今菴爲其息二尼所營也。可謂寺基先就。同社鳧藻不可言矣。然亦未是五百由旬之本場也。俊公與居士友善。故爲之區畫。以閱其事。所冀十方諸佛陀諸菩薩垂傳燈三國諸祖師四果賢聖諸僧伽護法伽藍諸天善神扶桑國內諸神祇證明加被。伏垂護念。呵禁不祥二輪。永轉悠遠成正法久住之道場。堂頭主位道心堅固。不乏法施。會下雲衲精修不退。齊長道根。十方檀信歸崇。同結勝緣。



卓犖高顯樹。挺拔太虛空。收攝微塵刹。歷然萬象中。當陽眞解脫。觸處妙圓通。密旨承黃面。單傳自碧瞳。最乘無盡德。實網華嚴宗。阿字不生樂。金剛法界宮。本心是本佛。無始復無終。實相卽假相。絕殊又絕同。忌辰進報地。居士老愚翁。薦拔助冥福。主人光當公。通宗蘊道意。宿善積其躬。塔樣之端的。池荷午蔭濃。

流灌頂塔婆銘

一溪流水冷澄澄。供養十方佛法僧。無限含靈無限意。挑來本有大明燈。

圓福寺上棟銘

山號雄德寺。現弊原。江湖精修法窟。全承檀信喜捨之恩。佛祖出興本貫。親觀神明擁護之存。鎮消變事兆。常開吉祥門。同祇園亡相施。請希有尊。奏少林不傳曲。接大乘根。

茲承陽明家台命。謹修奇哉院殿圓具童子三回忌佛事之前晚讀。  
誦金剛般若經。當朝特屈請若干清衆。大開甘露門。施食幽趣散筵。  
誦首楞嚴神咒。以入般舟三昧。復造建木浮圖一基。證大菩提云。  
法界一念。明鏡懸臺。一念法界。滿面塵埃。念界融卽。兔子懷胎。絕念了當。  
無孔鐵鎚。恁麼舉著。青天起雷。如何指令。迷雲頓開。風撼荷葉。露滴草萊。  
正眼覲破。唯歎奇哉。

塔婆銘二篇亡法號

五大徧滿。法界塔婆。視之無象。辨之有科。平等差別。混雜龍蛇。差別平等。  
銷融佛魔。曾補朝袞。潤色皇倭。今開祭席。延請僧伽。塔樣端的。畢竟如何。  
金剛般若。連讀一過。

同

屈請若干清衆。大開甘露門。普蘇幽冥之枯渴。加之諷誦白傘蓋神咒。斷除輪迴之本根。伏冀以上來攸修殊勳。等迴法界含識。同登覺城云爾。

六大實相。三寶周圍。寂光妙土。永無變遷。直心道場。唯任因緣。塔樣常住。佛法現前。奇哉具德。總絕言詮。

天明四年甲辰八月三日。伏遇奇哉院殿圓具童子一周忌之辰。茲奉陽明家台命。就于當院勤修佛事。前晚看讀金剛般若經。當晨屈請若干清衆。而開甘露門。諷誦首楞嚴神咒。以莊嚴報地。所冀依此修薰。圓具童子速登彼岸。證大菩提。

奇哉塔樣。萬德圓成。喚爲實相。早認空名。當體五大。直指衆生。本來如是。何勞品評。秋梧落葉。邊雁流聲。一周物換。月弔佳城。



不壞法軀。唯植慈悲善本。能救業苦冥途。無縫塔眞樣子。好供養垂不朽。  
茲遇陽明家稚君妙昌童女一周忌之辰。准后有命修薦拔佛。前晚  
讀誦金剛般若。當日屈請若干清衆。開甘靈門。以伸供養。所冀法界  
含識。齊登覺路焉。皆安永九年庚子初四日也。

諸佛本體。衆生色身。如如不動。物物全眞。池蓮香□。朝槿露鮮。巍然塔樣。  
普覆刹塵。心行俱寂。無可□□。

妙昌童女三回忌塔婆銘

無縫塔樣端的。秋風颯生九原。別是諸佛心髓。呼爲萬類本源。茲辨甘露  
微味。大開金剛慧門。奚翅薦拔童女。共益法界群魂。

天明第三歲次癸卯十一月六日。爰遇奇哉院殿圓具童子一百日  
之忌景。恭奉大檀越台命。前晚連讀金剛般若經。以護持慧命。當晨

耽源指注。斷碑臥苔。言端語端。堪笑堪哀。烟籠綠野。雨洗黃梅。團團落落。  
快哉活哉。直下承當。石女懷胎。纔互擬議。木人解腮。宗恕居士。文武英材。  
忠膽岳聳。義氣雲鬼。半百追薦。孝子拋財。夕繙般若。連讀一回。朝辨妙味。  
甘露門開。正好供養。池成月來。要看端的。猫兒生孩。

宗性院百年忌塔銘

五大徧滿。塔樣自然。互今互古。無黨無徧。國師良久。公案現前。侍者指注。  
頭角不全。荷葉蔭麗。槿花色鮮。當陽獨露。永劫不遷。宗性大姊。東奧生緣。  
了本空理。代夫溘焉。無聲三昧。追福百年。積善餘習。門風永扇。

妙鏡院殿離塵靈光大姊盡七日忌塔婆銘

古鏡之無照破。現出影像萬殊。感處應應處處感。漢來漢胡來胡。瑩徹含於  
沙界。靈光滿於寰區。鐵磨頓轉經藏。龍女直獻寶珠。圓融具德妙相。金剛

若能隨喜。火裏蓮香。

維時寶曆七年龍集丁丑仲夏初四日。伏值章長院殿前朝散大夫  
隱州刺史忠岳宗恕大居士五十年忌之辰。大檀越石河氏光當公  
遠馳專介於洛西花園大雄禪院。告以薦拔事。迺飾梵筵。借香齋。屈  
請于清衆。前晚課誦金剛般若一上。以揮玉寶劍。頓截曠劫無明。當  
晨修水陸妙供一會。餘波及一切山海幽冥含識。加之異口同音諷  
演白傘蓋神咒。以莊嚴報地。復造立一基三摩耶形。以表五大遍滿  
法界塔婆之祕。是皆大功德主光當公之所致也。仰冀因此善薰力。  
過現一齊越生死大海。歸本有家鄉者也。

無根樹子。不勞栽培。密橫古路。高蔭靈臺。毘嵐何拔。輪鎚難摧。大包十世。  
邈越三灾。忽現寶塔。青天風雷。呼作拄杖。淨地塵埃。國師良久。影蛇入盃。



安永八年己亥十月十五日。爰遇於陽明家稚君妙昌童女一百日之辰。就于海福院。屈請若干清衆。修開甘露門。諷誦白傘蓋神咒之序。造立木浮圖壹基。以莊嚴報地矣。

六大無碍。塔樣天然。周包沙界。邈出塵緣。南陽良久。箭已離弦。耽源指注。劍去刻船。眸容玉女。全躰金仙。翠珉影峙。赤幡色鮮。茲伸清供。宏成福田。陽明門啓。妙通妙圓。

伏水萬靈塔裏銘

識變人世。業感萬殊。空華結果。靡有實體。如我町坊。比宇相接。歲月悠悠。隆替非一。竹馬之友。先我凋零。十居八九。其可憫者。家斷族亡。無奉祭祀。故老相顧。爲之慨然。偕拋私財。營石浮圖。聊辨妙味。開甘露門。無後之靈。特受此供。延及法界。利樂群情。同體慈悲。遍一切處。觸目菩提。現常寂光。

有矣。締構一新。檀度競力。誠亡何。泰師溘然。輪奐之功未闕。烏遑營洪鐘。偶有一二施主。告以喜捨之事。蓋信。鍵稚利益甚深。欲陰薦先亡而不肯。陽旌名也。其志可尙。將就範圍。住持喝公需余爲之銘。余謂。今此寶器不求而至。施心亦希有。感應自然。併可祝遠大。銘曰。

古佛鑄青石。洪音興梵宮。至今傳寶器。從上有家風。正法明靈刹。草創因果翁。金剛王遠胤。再建泰圉公。宿善感施者。無端見冶功。妙應存撞主。一念入環中。教體此緣起。宗門好紹隆。脫離幽趣苦。驚破世間蒙。聲本非鐘出。聞何于耳聰。聲塵忘隔碍。聞性遍虛空。大地終磨滅。斯聲不可窮。鏗鏘還殷殷。昏曉報圓通。

萬靈塔銘

六大遍滿。法界塔婆。等歸滅度。無自無他。

妙甘露香液。元來沒滋味。白湯生平願。神斷八十八。使於殘滴。舌頭具眼。銷四百病於一嘗。於戲大矣哉。德澤大地載不起。子細點檢去。靈驗一星兒亦亡。正與麼時。大居士甜苦揀得出麼。若或未然。聽取山僧再舉揚。舉盡子云者。箇殺人亦能活人。酒中鴆毒。蜜裡砒霜。咄一咄。

○銘

正法禪寺洪鐘銘

丹州桑田郡細川鄉瀧村金華山正法禪寺。十界因果居士攸創。本尊千手大士。傳道蒼丞相之彫造也。寶永己丑。村老商議託於華園智勝院。永爲我關山之末流。然興復乏力。多歷年所。明和庚寅春。泰圃利禪師訪余。語曰。吾所住院。神職家所領而非法脈。悠久不退之地。以故弗能。無心願顧衰耄薄福。唯恐不可辭。余前識此寺來自。因度乞乎智勝。遂爲泰師之



互三世歷歷乎。超思議超鑑覺。透十方明明焉。無明實性卽佛性。幻化空身卽法身。多時動靜運爲。全憑他力。一切治生產業。不出那邊。今四大分離端的。不是心不是佛不是物。那箇是當人來處。如是作如是因如是緣。會得亦覲面納敗闕了。不會亦直下倒退三千。妙涼大姉承當否。縱令會盡不會亦忘。猶是滯轂迷封。畢竟如何得諦去。卓拄杖一下云。向上一路。千聖不傳。喝。

溫良院殿恭道義儉大居士奠湯

溫良一味卽清涼。活火爐煎海底霜。鶯口啜來換凡骨。風吹木葉擁山堂。恭以新捐館溫良院殿從四位下前丹州刺史恭道義儉大居士。濟生心髓。護法肝腸。長時有惠斟淀川。筒車轆轤。百年所須在華園。塔樣露堂堂。調和萬象森羅。扁鵲不能辨藥性。細抹六大無碍。耆婆未許稱醫王。將謂

信解院永春妙相大姊掩土

驚起涅槃生死夢。須彌頂上浪滔天。只將信解一眞實。當處花開妙法蓮。  
伏惟新掩粧信解院永春妙相大姊。風標溫藉。天質幽眞。曾御故仙洞之  
院。遂奉香火以結勝因。親趨前黃門之庭。常誦具葉而修淨業。本離男女  
相。豈墮凡聖名。自無五障三從。可掃蕩濕紙裏金毛獅子。何有天堂地獄  
可安排。朽索繫白牙象王。直得韋提撒見寂光之莊嚴。龍女頓證無垢之  
正覺。此是大姊本分受用底之消息子也。然恁麼切忌坐在。這裡更有向  
上宗乘一著。不惜眉毛指陳去。放下鑷子。江月照松風吹。一鑷頭毘盧心。  
清商院常然妙涼大姊掩土

寶珠一顆本來圓。色相永離空劫前。覲露南方無垢界。須彌百億舞青天。  
夫惟新物故清商院常然妙涼大姊。金剛正體。本地風光。非男相非女相。

光影畢竟如何安身立命去。卓拄杖一下盡十方空一顆珠。擊摧了也影還無。

定巖智清禪尼掩土

本體如然觸處通。白雲片片任秋風。生來滅去何模樣。兩箇泥牛鬪海中。夫惟新物故定巖智清禪尼。落飾知身無實。染衣觀法不生。深慕龍女變男之勝因。歸天真佛。親具婆子燒菴之活計。不肯啞羊僧。山野當日以般若理趣之珠繫汝衣巾。醉客早已辨寶。禪尼晚節信齋元加持之說。窺他鏡裏。演若何曾失頭。素無天堂地獄可昇沈。濁惡世卽華藏。何有神通佛法可優劣。正直心是道場。直得塵塵解脫。箇箇圓成。雖然恁麼。山僧今日事不得止。爲不請友要說佛法。不可思議甚深緣起。諦聽諦聽。卓一下苔痕齊濕夜來雨。梧葉欲零天下秋。會麼。向上一路。千聖不傳。喝。



流行坎止信因緣。六十九年冷淡然。吹滅何勞些氣息。天堂地獄一漚圓。  
恭惟靈知院殿。淡然如水大居士。質溫抱璞。心直如弦。曾脫衣冠飾擬紫。  
陌紅塵於華藏海。未除筆硯業賞閑雲幽石於風雅筵。保初節。保晚節。仰  
之高鑽之堅。本來受。咳唾掉臂。亦是祖師意。平生履踐。榮辱任運撥。揮如  
來禪。過去心不可得。現在心不可得。三世佛恁麼宣。十方佛恁麼宣。雖然  
如是。更有向上一竅。山野贈行以言詮。打圓相了堂堂金剛體。虛空駕鐵船。  
清蔭眞松禪。尼掩壙。

驚回蝴蝶翩翩夢。本地風光只自知。看取深秋搖落後。菊殘猶有傲霜枝。  
夫惟新圓寂清蔭眞松禪尼。已備三寶數。結得勝因緣。金剛佛性脫體圓  
成。始無迷悟隔。何存男女相。洒洒落落巍巍堂。正與麼時。南方無垢世界  
當處現前。若也會得。直面蹉過。若也不會。直面蹉過。會盡不會亡。猶是弄

此是花心童子不<sub>レ</sub>亘修證。本來受用底消息也。別有向上一竅。山僧贈行以言。卓拄杖一下。上大人丘乙巳。可作仁可知禮也。喝一喝。

妙猷無隱大姉下火

色身悉見歸無常。直是本來寂滅場。此事明明無隱<sub>レ</sub>爾。春風轉處野梅香。夫惟新歸元妙猷無隱大姉。順德鏡應像。慧根環無端。淡海生緣。依稀明月落狂浪。洛城寄住。彷彿清風拂浮雲。當處遠離昇沈。元來不<sub>レ</sub>干生死。權因非真權果非直。空華結空果。男相亦是女相亦是。幻師現幻人。三十八年前來無處。三十八年後去無方。正與麼時。直得紅粉堆裏毫相。放動西域靈鷲山。赤肉團頭寶珠。照破南方無垢界。妙猷無隱大姉還承當得麼。若或未然。聽山僧再舉揚。拋火把云。看看露地大白牛。活火裏轉妙法輪。

靈知院殿淡然如水大居士掩壙

身從無相中受生。猶如幻出諸形像。幻人心識本來無。罪福皆空無所住。  
夫惟新物故秋圃宗淡信士。六十四年前。因緣和合虛妄有生。六十四年  
後。因緣別離虛妄有滅。幻緣卽是實相。色蘊卽是法身。正與麼時。鑊頭鎌  
子齊露真機。馬鳴牛呌咸宣至理。直得萬象森羅無流形之地。三世諸佛  
無開口之分。宗淡宗淡承當得麼。更有向上一路子。爲汝誘引去。體信體  
信。拋火把八角磨盤走空裡。兩箇石女舞三臺。

香巖院花心童子掩土

五濁世營總不知。六年人事眼如眉。春風狼籍落花雨。驚倒機關木小兒。  
夫惟新歸元香巖院花心童子。直心不隔。觸目無私。生時性不生。苔封幽  
石蟠根固。滅時性不滅。月透清波徹底明。菓以止啼。動搖行深般若。苗而  
不秀。去就入妙圓通。正與麼時。更無影跡之可追尋。脫體現成其人如玉。



凜如霜。喝。

溫室亮珠信女奠茶

霖雨漸晴落日天。餞行一味趙州禪。玻瓈盞子纔提起。驚破人間生死眠。  
夫惟新歸眞溫室亮珠信女。溫潤如珠無玷。明鑑似鏡高懸。停針不語時。  
濃淡令誰識。捲簾得句處。冷暖在汝邊。靈種素托陰陽外。雲芽何假雨露  
緣。兩腋清風。坐斷毘盧頂上。滿吐香氣。透脫威音已前。有爲空無爲空畢  
竟空。笑他摘葉漢形影未忘。不是心不是佛不是物。奈何捧爐神鼻孔未  
穿。直得露柱飜筋斗。崑崙駕鐵船。正與麼時。虛空之鼎。造化之爐。萬嶽松  
幽。千江月圓。一齊煎將去底消息。如何敷宣。舉盞子云分明唱道喫茶去。  
無限遠山帶翠烟。

秋圃宗淡信士秉炬

以末後佛事宗誼所存不可固辭。謾打如上爛葛藤了。別有送行一句子。不惜眉毛指陳去。拋火把翡翠蹈翻荷葉雨。鷺鷥衝破竹林烟。喝一喝。

奇哉院殿掩土

熾然火宅避無方。一念回來當處涼。生也如漚死如露。等閑薰發法身香。恭以新歸真奇哉院殿圓具童子。大無心位。些有力量。在床弄璋。總是空劫風致。見人解笑。脫得濁世塵勞。五蘊空了一枕黑甜。六識何具。半熟黃梁。隨逐勝因緣。已逢佛法。又逢僧寶。任運好花報。不恐地獄。不愛天堂。元卽娑婆是安養。豈離伽耶有寂光。正命自存本心本性之乳糜。梨栗亦弗要。赤體不掛舊業新業之絲線。衣冠非所望。陰陽未判處親蹈實地。父母所生身直坐覺場。此是童真一百六十日全身八萬四千箇毛竅縊磷不得底樣子。必竟性無二。孤迥迥處如何舉揚。卓拄杖一下看看金剛寶劍。

潤色日邦也。全因我祖勸誘之。嗚呼。覆蔭後昆流通正法底一句子。畢竟如何敷演。鹽醬不缺茶飯外。松間自採菌時。

○佛事

宏道禪師秉炬

冷暖自知古礪泉。飲來已至口皮穿。重將惡水驀頭潑。妙在一漚未發先。恭惟新示寂妙心第一座前住正法宏道喝禪師

脚踏實地。習朗義天。緣起甚深。大悲行同體運濟。當陽直是正法明妙用。現前。頂上千斤鐵枷只麼脫。手中一條紅線自在牽。加旃。啐啄之機每加切磋。家有龐翁心空及第。朝昏之勤長存利益。寺創鳧鐘聲塵無邊。今喝還鄉曲。如箭已離弦。喝散白雲。棒倒碧落。喪亡三世。銷融大千。威風凜乎。氣宇浩然。此是宏道禪師受用不盡底消息子也。前日訪病之親囑。山野



大法因緣有所期。片岡祖像此相移。江湖場就將如願。爲道忘驅更是誰。  
大日本國山城州綴喜郡八幡鄉雄德山圓福禪寺已構僧舍。新成寺基。  
謹奉安聖胄圓覺大師靈像。此尊出自緣起甚深。不勞縷陳衆人所知。  
奇哉梵坊頓化現。勿言假城非寶處。總感護法之冥助。何必願力之維持。  
山中聚首底。齊視雲水英衲。

室內執柄者。精選湖海名縉。希回澆季宗弊。永存上古風規。然大廈之奏  
美。豈一木之所支。都幹從頭薩陽本貫。轉功就已。檀信悉是浪花人事。見  
義勇爲。客歲阻事。偶闕供養。延於九朔。親修祭祠。願起小比丘。容易綴蕪  
詞。拈此崑崙耳。聊奉酬鴻慈。恭惟圓覺大師。辨珠在掌。懸鑑無私。分身十  
方。如春風罔高下。垂跡三國。似山月示盈虧。希有難思議。同體大慈。包荒  
神量。撫育六宗破執之龍象。越格妙用。接得三拜據位之獅兒。加旃。上宮

一鉢千家飯。孤身萬里遊。

十六善神

願力護持般若場。大哉十六善神王。行人欲供養眞法。須拈蘊空無作香。

壽老人

降跡人間鎮妖事。元是南極老人星。

關羽

勇振天地忠冠古今。大哉神德。水冷山深。

松鶴

清蔭歲寒伴。仙禽和樂情。

○拈香

圓福寺初祖入像供養

應無無數願無邊。利樂群生盡大千。游戲神通何日息。護持法寶報金仙。

文殊

向五臺山求文殊早錯了。現今目前。孤明歷歷底。此真活文殊。

達磨

葱嶺逃走。脚指西天。少林淵默。舌覆大千。強分皮髓。遺藥相連。若論真箇。何涉言詮。當門齒缺。神氣不全。

又

手携那一隻。忽忽何處歸。祖師真面目。雲影向西飛。

寒山

偶談人不會。古教手相携。蹤跡難藏處。寒巖爛似泥。

布袋



衣。故又以一偈并祝云。

正法傳衣祕室中。一肩搭起振宗風。鳳章特賜圓成日。知是龍天護此翁。

○號題

拙菴

衆木合成不處功。蕭然一字見淳風。是賓是主難留跡。閑却金剛法界宮。

月涵

天晴水冷一輪鮮。觸處清涼觸處圓。勿道從頭無照破。不容弄影墮明邊。

陽門座元請頌道稱。卒爾應需

塵點却前那一機。非關造化兩儀功。重重無盡華藏海。退步踏開活路通。

○贊

五百羅漢

賀宙化轉位

宇宙流行造化功。衲僧自是抱胸中。對人舉示舊公案。微笑菴前振祖風。  
賀德清厚禪淳禪師轉班

涵養年深寂然機。醇然德氣發清輝。歡看腰石碓坊外。更有熊峰表信衣。  
謹賀智勝大和尚奉敕視篆本山

瞻仰開堂風日清。智光勝妙度群生。單傳一味供茶去。中使陪筵親證明。  
奉賀濟松隱栖柱峰大和尚賜紫之盛舉

志在吾家選佛場。無心得得謁君王。東堂終日曠然坐。未免蓬萊五色祥。  
同

萬古徽猷松特標。孫枝子葉自然成。辨來五五圓通供。覆蔭齊看風日清。  
隣華大和尚開堂在國師諱日。蓋因官命也。予時守微笑塔。持呈傳

則可謂興禪之無盡燈從師始焉。因步述偈之韻以祝遠大云爾。

未上光明見此翁。平生爲法到忘躬。大龜半座今分得。八萬人天立下風。

頌道稱賀介然維禪師轉職

頑堅歷劫不消磨。惹得蘚痕雲雨多。非營點頭扶大法。分身無數滿山河。

賀江州高原卽宗禪師分座

當陽直下絕言端。逢著分明毛骨寒。祖佛從來傳不得。大湖萬頃任君看。

奉賀濟松大和尚奉綸命

濟北蔭涼仰愈崇。托根武埜一株松。宜風宜雨山門境。轉正法輪庇袞龍。

右三四一作。宜風宜雨千年  
翠更帶彩雲映袞龍

謹賀蓮庵禪師轉第一座因痾無分座之式

行藏暗合毘耶離。不起道場現化儀。默處誰聞無礙辯。春風梅笑引黃鸝。



寒山詩開卷

寒山詩未到。講心經故語及此。

咄哉三界輪迴子。洒落命根在竹筒。題葉遺言收不得。慵聞野鳥啼心空。

寒山詩講了

山留雲影抱幽石。澗涌月光映碧潭。晨夕同看斯榜樣。成來希有一伽藍。

吉祥洞龍和尚一周忌香偈

風雲何處求蹤跡。洞裡春晴現吉祥。自有香烟爐上起。先天龍德隱無方。

○賀偈

濃州興禪哲翁禪師。今秋憑同門勸獎。登本山表率位。齡已九十有一。塔前舉揚。確乎驚門。一衆歎未曾有。師住興禪凡六十餘年。高蹈之業。始終不渝。加之堂宇一新。皆出師之手。以故檀度歸崇。勦力辨此舉。僉出師思議外。師自感述偈識喜。嗚呼。師今爲法燃一燈。遞代相挑不斷。

明和乙酉孟正二十八。玆遇妙啓信女盡七日之時。偶得大應隱栖老和尚光賁。殊賜香偈薦拔焉。僕不勝欣喜。卒因尊韻奉謝云。

瞻仰度生深重願。無緣爲啓大悲門。金剛不壞光明藏。照破十方六趣昏。

圓覺經開卷

泉石行看秋色老。雲烟望盡路頭窮。慵談圓覺妙三昧。山舍猶吹霜葉風。

圓覺經講畢向散筵令一衆囑道場旨趣故結及此

圓覺伽藍非住住。來時無路去無方。擔頭應是添些重。囑了江湖新道場。

金剛經開卷

無所從來無所住。金剛亦是鏡中蹤。人人總被七條去。聲動祇園精舍鐘。

金剛經講畢

九嶷蒼翠七灘流。常對白雲生處幽。縱有金剛微妙法。到頭未免隔崖州。

憶昔獅林藏爪密。復看祖塔占恩饒。住山餘裕令誰識。雲步天台度石橋。  
養賢檀溪和尚三回忌香偈

謝緣龍鼎增謙德晦跡神州養聖胎。高蹈令人逢不遇。三回消拜點茶來。  
江國鳳瑞和尚十三回忌香偈

祥雲一穗現爐峰。鳳德得來群鳥從。慵話金剛靈骨鎖。江山疊翠幾重重。  
大興心宗禪師二百五十年忌香偈和

猛虎穴中橫牙折。蒼龍窟裡擊珠碎。佛心宗旨難扶起。三拜慇懃據位來。  
法智普光禪師二百年忌香偈和

猛虎不食伏肉膾。蒼龍豈嘗野狐涎。一堆臭骨盡投水。塔影團團橫大千。  
詣江舟居士之墓卒爾有感

忌景十三猶如夢。墓前今日獻香花。善根一種拔難動。苦令兩人能出家。



和璘溪和尚開祖百五十年忌

報恩留意難摸貌。百五十年全體眞。磨得圓明珠一顆。莊嚴空劫以前春。

和泉光和尚先師七回忌香偈

悉謂乃翁來受供。簷間滴滴雨聲長。我臻消拜影堂下。一颯南薰芍藥香。

圓福開山忌頂相新成

徑塢殷懃屬後昆。猶瞻懸識證明存。金毛今日現斯用。遍界清風起八幡。

德雲開祖回巖大和尚百五十年忌香偈時值冬至

圓明日月德雲開。百五十年照物來。昨夜寒巖同一氣。大千薰徹向陽梅。

同和梅林和尚香偈宿忌

江南一樹白梅枝。攀折供眞乙巳茲。五萬四千日功德。暗香浮動方維一字脫□。

少林台嶽和尚十三回忌香偈

曾從徑山分風月。東海兒孫日轉多。今此道場還祖德。滿山松樹等生波。

龍德先師忌

杳冥難究雜華藏。龍德餘來眞影堂。十有三回收不得。江南遠近漏風香。

和江國夾山和尚齋會香偈

赤心奏了降魔表。江國□□不立功。堂上揭來臨滅句。禪機猶見一張弓。

同

賣弄息耕閑滯貨。禪堂爲孰賞全功。髻中自有明珠祕。拗折從前神臂弓。

和上方開山忌

惡辣家風難近傍。一拳拳倒盡乾坤。末梢不免生滲漏。風水泉頭苦口言。

和旭窓大和尚一百年忌香偈嚴韻

大定百年不立塵。旭窓猶見負喧人。黃花露麗楓霜冷。寶鑑分來遣照新。

桑洲座元百箇日香偈和

行脚功成得屈胸。病身可惜不回春。百朝香火一枝水。梵唄琅琅幾度新。

同前追悼

凌霄藤下卜當回。金錫何埋驛路埃。共是愁人無限意。由來爲法惜良哉。

禿翁禪師百年忌和卽宗座元韻

此翁行履不存蹤。是滅是生關兩重。酬德百年香火嚴。燒亡荒草與孤峰。

雪江和尚三百年忌和

衡梅修忌莊香華。直指隨分供有茶。紅日麗天無地避。南薰撼竹納些些。

大仙開山百五十年忌和

百五十年功不空。那伽天定一胸中。潛行密用人難測。陰翊王猷化土風。

圓福開山忌



依法輪和尚香偈韻。悼端州老尊宿。

人間永訣情難遁。秉炬令吾消伏惟。靈骨分明灰不得。庭梅花落復抽枝。  
函海禪師。辛丑中夏偶發念。將拜海外靈蹤。至豫章而溘然矣。予聞之浩歎不已。偈以奉挽云。

水出高源入豫章。烟波無路透靈楊。交情四十餘年事。夜雨燈前一炷香。  
法弟棟首座因病示滅。偈以悼云。

行履無端脫故山。萬般施設此中閑。松風難繫岳邊韻。空使蟲聲起壁間。  
悼嶺南默禪師

臨行留得無生話。隱隱鈴聲落日斜。懶問嶺南春深處。滿城狼籍舊烟花。  
同

霜氣侵山風落石。烟波無路月沈江。兩行爲下丈夫淚。喪却吾門精進幢。

單丁難助舊楊岐。十七年來不展眉。慵舉當陽家裡事。春禽說在野梅枝。  
林泉和尚秉炬

中興餘願守禪室。半路滅蹤正法巔。誰雪生前多少屈。春風得意萬花鮮。  
南源和尚秉炬

百年人事一浮漚。夢覺晴鳩呼雨鳩。葉落歸根時節子。火光三昧起源頭。  
和上方大燈忌

大燈萬丈舊寒焰。積暈發來天上香。圓滿恰如日輪現。淨光四百有餘霜。  
和衡山和尚南源禪師三百忌香偈

松月菴中舊主人。不生佛土定沈淪。三回香火伸供養。颯颯西風吹葉頻。  
聖一國師五百年和東福上方香偈

慧日明明高麗天。看他恩力竟無邊。聖胎一點瞞難得。隻眼照來五百年。

體山和尚百年諱

百年過景一彈指。半片拈香五世孫。欲折梅枝春信動。中庭和月立黃昏。

理山老師三十三回

報恩一句如何舉。三十三年任護持。只見寒風凋木葉。不知明月上梅枝。

同五十回

當體蓮華舌未萎。誦經三昧一阿師。年光五十纔彈指。月冷井梧葉落時。

東明先師秉炬

曾慕楊岐閑古風。但陰深處路頭通。到來問訊滿床雪。唯見一條黑面翁。

同十三回

近報楊岐踈壁倒。十三年後蕩家私。春風乘我缺機密。暴露先師醜面皮。

同十七回



同

誰人商略西來意。睡後爲揚茶竈烟。唯看白雲歸嶺上。不知紅葉滿堦前。

同

一接神光天下定。不比關羽得周倉。今來古往稱初祖。結果自然遍界香。

代小徒

同

祖師心印非他物。打飯人人在五倉。自覺全身遭薰發。擎來沈水一爐香。

同時掌侍香之職

同

雛僧亦入祖門數。一粒恰如歸大倉。三拜慇懃起依位。消來些子法身香。

同

副寺寮中逢祖忌。縮頭只麼似監倉。我儂供養無多子。一盞清茶一炷香。  
時在副寺職。

箇事分明日麗天。老胡爭著一機線。神光捏目早生翳。三拜隨來得髓邊。

同

神光曾自消三拜。密旨單傳消息通。隻履空棺模不著。丹青寫得亦捕風。

同

當門齒缺舌猶在。駟馬難追無聖談。隻履翩翩何處去。冬來地暖五天南。

同

如何商略西來意。家裡些些不可言。供養時薰香一炷。雨聲和葉動林園。

同

空棺隻履非眞底。觸處分明是普通。三拜供來和露菊。舉揚初祖舊家風。

達磨忌

片岡祖像八幅中。護法鎮存聖德功。今獲因緣成辨力。宜回直指舊家風。

同

九年面壁有來由。遂接神光傳祖猷。禮拜三消依位起。少林風致一時休。

同和上方韻

西來得得携衣鉢。宗旨如何乏其人。斷臂安心閑伎倆。一刀唯見發硎新。

同

紅楓零處黃花麗。祖意分明無隱吾。消拜焚香還問訊。等閑踏斷妙峰孤。

同

心印傳來能破暗。從前非物復非吾。本光令孰添油炷。少室夜深燈影孤。

同



要道金剛本地身。不離半夜去城人。後來作觀空依樣。阿字和蓮在月輪。

圓福成道忌

末法比丘慚愧繁。攝心依樣八朝昏。不除鬚髮不除垢。滿肚無明呈世尊。  
直指菴入佛香。偈修成道忌。

佛涅槃新像初掛

雙樹遺風淚未乾。儼然一會現毫端。茅菴終日無人訪。啼鳥幾聲春雨寒。  
同

大三昧窟深禪定。群類如何生眼花。雙樹春寒經雨雪。烟霞催暖擁山家。  
和上方韻耕月和尚因事今日入寺

生死分明無二路。如何捏目見群昏。米翁進寺佛歸滅。一際打開正法門。

同

山帶祥雲呼萬歲。城籠瑞靄報平安。無新舊處有新舊。花柳插瓶意自寬。

同

拈華室內挽春回。微笑菴前不立塵。東海崑崙叫萬歲。影雲映日喜金輪。

同

春入當家須領略。人人洗面嚼楊枝。盤中堆餅鼠覲切。瓶裡移花蝶至遲。

代小徒

同

佛日輝輝能育物。堯風蕩蕩不鳴枝。調高難和年朝偈。黃口從來得句遲。

同

佛成道上方和

丁未

和上方歲韻

年朝先見穠成瑞。知是寶香酬聖恩。半合烟霞三合雪。莊嚴祖父舊田園。

同

宛遇代王承漢祚。春風旺氣挺金枝。從此光被文明化。雲霧年朝舜日遲。

同

我門受用竟無邊。功德一分餘白毫。今曉親觀三會瑞。日輪先照萬山高。

同

雪擁門庭推不去。山河無地發春聲。新年法令須彌頂。未使東君知證明。

同

青帝到來無別路。當門一道透長安。伏惟珍重大仙壽。天不能高地不寬。



# 扶宗大綱禪師斯經和尚遺稿

小徒某甲等編集

## 歲首

霞色春回江上山。城樓鐘度曙雲開。金鑪香散法王殿。一片丹心祝聖顏。  
漸消舊病未除禁。慵避住菴緣遇深。梅遍村村烟雨後。江南無處不春心。  
疎雪淡烟掩舊關。更無一事到胸間。爐頭坐久煎茶後。看盡南方遠近山。

甲辰

業感任他看蝕陽。繙經爲國祈延長。圓明一日超三世。資始當家大吉祥。  
時在筑之圓明山之時。元旦蝕空。大日經超三世圓明日說此經也

經閏迎春寒自輕。床頭猶有插花情。病僧何處無新舊。與世移遷祝孟正。

此爛枯柴。曾產駿陽荆棘叢中。深根固蒂者有年于茲矣。一朝忽爲業風所吹著。飄墮于中山國。厥枝葉扶踈。謾使兒孫惹著衣裊。師聞之。忽爲一刀兩段。紙衣輩收拾之。集成上下篇。若人欲閱此集。先須懸崖撒手。何故。直截根源。佛所印。摘葉尋枝。我不能。誠哉。

斯言

龍集甲寅臘月佛成道日

參學 道髓拜題

爛枯柴 大尾

如何。師曰。人皆臨終。必有廝抹磨苦。我今如四禪天樂。侍者愴惶乞遺偈。師便喝曰。臨濟向三聖道甚麼。言訖。泊然化矣。世壽七十三。僧臘六十二。實寬政六年甲寅春二月二日也。師在龍谷八年。常隨玄徒不下三十箇。應諸方之請者。概略二十八會。茶毘分骨兩處。一瘞日州報恩寺。一塔赤石龍谷寺。名曰逆浪。蓋依丈室額字也。嗣師法者。報恩桃陵滿。中山國雲山髓。大令機。丹嶺鶴。是也。四方舊參士守師之舊廬。坐禪念誦。過夏散四方。或期小練心喪。有如子貢盧仲尼之塚者。記其顛末。以聊酬恩德云。

行  
狀  
終



堂領衆。秋。攝之西宮順心寺。伏值開山法燈國師五百年嚴諱。請師講。四部錄。戊申春。兵庫禪昌寺修開山月庵和尚四百年遠諱。亦請師講。月庵錄。秋。在垂水青木庵。講六祖壇經。翌春。應藤江龍泉寺請。提唱鵠林普說。明春。就福里常德寺。講寒山詩。寬政三年辛亥。龍谷寺結制。評唱大應錄。九峰朴巖二大老親來助化。其餘諸山耆舊四陲雲衲都三千餘指。明春的形萬寶寺請師講大慧武庫。秋。有北宿真禪寺請。提參祥語要。明春應洛西泉谷法藏寺請。槩門講槐安國語頌古。轉移衆于西加茂正傳寺。說其餘篇。尋過于丹之高源而還赤石。甲寅春正月。應中村良勝寺請。講闡提記聞。二月朔還龍谷。動靜如常。二日粥罷。應諸子需。書佛祖誨言數紙。且自書柬投諸方。齋後一睡。有少年信士侍傍。師曰。我百年後。汝宜還鄉爲二親盡孝順。夫孝者。萬行之本。思之在茲。少還シラクシテ胸膈頻痛。侍者曰。尊候

廢浴。語見于湯山普說矣。冬十一月。退德山。憩雲山。太守親作書慰勞之。遺白金若干。辛丑夏。遊洛北。在守禪庵。拂大燈國師之影堂。壬寅冬。五嶽結制。連環在於南禪。請師令管堂衆。明春。應壬生新德寺之請。講臨濟錄。一百五十衆。再還南禪。領一堂。居三夏。退遁神樂岡神光院。講六祖壇經。萩原正二品。每日臨席。輒拜敬師。人皆驚其殊遇。一日。公嘆曰。與吾神道祕訣無違。遣夫人及三男兒聽法。師居數月。八幡圓福寺延師。又居數旬。稱疾棲遲洛西朱雀友松庵。甲辰冬。萩原藤公疾革。請師於寢殿。問臨終之旨。且遺言。津送日。必請師。公終逝矣。師往弔之。卒哭後。夫人及三男兒。枉駕於友松蝸廬。慇懃陳謝。且有錦褥竝方竹杖之遺贈。翌年秋。就但州西下谷大圓寺。提趙州錄。翌年春。在洛西要行院。講護法論。冬。浪華國恩寺結制。請師。明年春。應赤石龍谷寺請。住持愚門者。師授度弟子。延安東

舞。其地得雲衲之留錫者。實師功也。自癸未春迄乙酉秋。一新僧堂寢室。

書院庫廚等。戊子春。重趨駿州。訪鵠林禪師。

往來鵠林者。凡前後五回。

鵠林時有三刹。

請師隨從補講筵。冬十二月。鵠林示寂。師守塔一冬。己丑夏。於長州赤馬。

關永福寺講普門品。尋至中津東林寺。復講普門品。冬於肥後求麻瑞祥。

寺。講臨濟錄。僅還本寺。庚寅冬。講法華經。清衆百餘員。太守屢臨席。辛卯。

冬復應肥後瑞祥寺請。評唱碧巖錄。清衆百餘員。太守臨席。明和壬辰二。

月。有本州福島永德寺請。講鵠林普說。師將登途之前夜夢。異形神顯。延。

接踊躍。眷屬數千人圍繞。入大伽藍。翌日。至彼。巡香有藥師靈像竝十二。

神。符合前夢。師竊以爲奇。會中聽衆麇集。折牀三次。庚子秋。因琉僧發軔。

於本州都城二嚴寺。講臨濟錄。坐下有中山國龍象六十餘衆。就中。胡機。

髓三子。各受密印。事訖。師浴霧島溫泉。琉僧疊足來參。夜以繼晷。爲之至。



手段惡毒。波瀾浩渺。徒望洋耳。自疑。此師無有猶未穩在乎。猶豫不決。告恕公曰。一會終則去歟。恕云。法華會有五千退席者。皆是二乘而已。師於此決志參得。一夜入室。鵠林示以兩重關。卽呈所解。鵠林更示牛過窓話。如鐘聲隨扣擊。鵠林愕然云。汝何處學得將來。師作禮出。鵠林激勵。日夜無已時。隨從諸刹。參詳凡七年。寶曆三癸酉春。轉位於法山第一座。承嗣石點先師。甲戌夏六月。住報恩寺。偈曰。十歲歸來疎與親。門庭荆棘又重新。昔生空海屏風浦。滄海日州外浦人。示衆法語等。今失稿。故不編焉。爾後三年。丹後東首座住豐之福壽號東巖領龍象二十餘員。來欲慰師之夙志。使開化門也。肥藩制禁旅客淹留。師嘆曰。我若不能開容海衆之道。捨往他邦而已。遂訴之太守。時守在三江都第臥疾。室老窺疾有間。申之。太守大喜。曰。吾土未嘗聞禪徒泛法海。賴得海師遇此勝緣。竟許焉。師聞之至忘蹈

州和尚在華園。直住通謁。問佛法無靈驗。以甚麼指示人。州以扇子擊。師曰。和尚扇子已破了。吾與和尚犀牛兒。打一掌出去。一日與恕共之龜峰參萊嶽。師於面前畫一畫曰。者箇一關。如何透過。嶽目擊良久。師曰。恰似殿裡木佛。乃去。復同恕公參見。問答浩浩地。嶽曰。大燈關山來也。恕曰。非吾黨分上事。珍重去。特隨獨眼龍至遠之。是字寺。雨安居時。蓬左微笑道人至。一夜茶話次。獨眼語尼曰。此運上座。曾見大道萊嶽二老來。尼問。大道師見解如何。師曰。彷彿尼公見解。尼復問。萊嶽師如何。師舉前話。尼曰。畢竟作麼生。師勵聲云。萊嶽底且置。卽今問尼公。者箇一關如何透過。尼卽作雞鳴。師云。函谷關一任汝欺瞞。者箇一關如何得透過。尼破顏曰。大衆看。斯後生語話。師呵呵大笑。時年二十四。明年遠之貞永寺。令請鵠林禪師評唱槐安國語。師與恕琅二上座共去投席下。聽其提誨。大異諸方。

意許爲師友。從是神交倍敦。時有洞上耆宿獨眼和尚。頗具眼師。師與恕共擬。借洛北香雲庵。安置此師。晨參暮請。積時累日。臘月大雪。三人閑步。潛至二條街西塘。拾蠲屨三頭來。各自爲道具。坐則前之。行則袖之。寢則枕之。人以爲狂。如斯三年。犯風雨乞食街市。守空鉢。坐或三日。沿流採菜。入山拾墜枯。至屢糧盡。缺鹽醬。其艱辛刻苦。不可以言宣也。臘八攝心。獨眼曰。如恕公。多病衰憊。坐臥隨意而已。如運禪。止質堅確。志氣過人。來吾與汝共可競長坐。約束正身。端坐不許抽解。及經行欠伸等。若困睡。把杖互警策。聊違之者。打三十棒。朝打坐直至昏黑。所謂須彌百億脊梁骨。北斗南辰兩鬢霜乎哉。師不敢屈之。一日咬破死了。燒了話。得大歡喜。未以爲足。孜孜不止。一夜忽腦骨墳起者寸許。龍谷淳大瑞者。師法弟也。纔見大驚曰。千光祖師去五百年。而復見此靈驗。見元亨釋書。千光祖師章。偶聽總之玉



思常以爲憂。十八歲春。振錫遊方。禮本州古月和尙。尋抵豐城。坐夏于養賢寺。又登月桂寺。學得詩文。時衆寮榜鰲山店題。師頌曰。巖頭打睡。雪峰坐禪。鰲山成道。只得半邊。首座一見曰。此漢後生。具些禪機。留錫三夏。中間謁寒巖月窓大雄諸老。後至甲之郡內。時值白隱禪師得桂林寺之請。提碧巖錄。聽其評唱。如啞子喫苦瓜。去往常之瑞祥院。時本師之訃至。直還故山。服喪翌春。飛錫登丹丘大梅山。坐夏。時堂頭大道和尙提臨濟語要。門風平易。似玄關不鎖者。矧於緇素帶其印者。多乎哉。師遲疑不決。尙矣。一日入室。舉起拳頭。道曰。如是如是。師復打地一下。道曰。如是如是。師云。未得更道。道曰。此外更無長處。師乃拂袖出。當時戒師足利天慧和尙在。大道和尙令勸衆受菩薩戒。師亦與之。戒品俱足。登花園。寄大心蘭若。居二年。一日遇伯州恕禪客於瑞松院。共語如舊相識。道話每至深更。師

# 行狀

侍者宗源 編

師諱宜運。號滄海。日州飫肥外浦人。姓和田氏。父某郡微臣。以疾致事。還鄉不治產業。性好讀書。且嗜酒。纔醉則鼓腹謳歌。傍若無人。鄉人喚爲大雷。天資卓犖。不羈。頗有俠客氣象。師爲兒也。魁於群童。周旋村中。嬉戲每驚動人家男女。鄉人同喚稱小雷。年甫九歲。父母携禮遊行上人于郡之光照寺。乃信宿權臣松田氏。主人屬師云。不欲爲僧乎。師微笑諾之。父母問曰。兒若出家。則欲入密門乎。將投禪門乎。師曰。吾恒欽禪耳。十二歲秋。遂投郡之報恩寺。石點穿禪師而薙染。始通誦經陀羅尼。至法華。則從藥草喻品而下。不受教授。自讀。如論孟書。才經八晝夜耳。自幼病眼不果所

爛枯柴下篇終



信之老業海訪師於洛西法藏寺。當送行之日。侍師禪。雖先去。師云。小僧行脚比專流行。海曰。比隱居後漂泊之者不止。師作打海勢笑云。魯衛之政。兄弟而已。業海老與師共爾。故道。

之。先生叱書生曰。子不信道。道不同不相爲謀。又云。惡彼佞者。書生赧然退。

或謂師曰。和尚最巧清談。師曰。吾不是晉人。或嘆而曰。請書此語。師曰。不見道。吾門不立文字。

師曾在京師。將還桑梓。應吉益先生招。先生乃風雅名醫也。曰。今夕雖饗。飲食惟養飢渴耳。何必事珍饌乎。快與和尚贈答一夜。是君子之驢乎。師曰。諾。先生曰。不佞舊雖貴禪。獨嫌其向上事。師曰。子謂言之高耶。先生曰。諾。師曰。不然。是言卑也。子能看字義。書向上也。從卑向高。必然也。不是言卑耶。先生曰。然則向下却高乎。師曰。諾。書向下也。非高焉能向下。不是言高耶。先生笑曰。和尚非支遁林乎。師曰。子亦無爲神農氏耶。清談不覺到金雞報五更矣。

商主歸家語曰。和尚若答雲之外天也。予卽謂可問天外如何。又其外如何如何。不圖遇彼一答。還喫蹟。

或當路家一婆子問曰。棺中收六文錢。是爲甚事。師曰。地獄沙汰亦錢所爲。又問曰。桑門禁魚肉。因甚。麼用木魚。師曰。不食故敲之。婆子抱定師問。正與麼時如何。師托開曰。阿孃亦是燒庵婆子之眷屬。與一掌。婆乃作禮。師浴。但之溫泉次。遊天橋。還京師。醫士某甲謂師曰。承和尚近渡天橋來。是也無。師曰。是。士曰。和尚一掃諸方。寔可羨。師曰。雖隱居未蟄居。士曰。我輩實井中蛙也。師曰。不是誤醫之一字耶。士及座客皆大驚異焉。

師昔在京師時。至雲門先生孤館。諸生多會焉。一書生謂師曰。吾甚忌佛。佛何故出于世間。師曰。佛爲忌者出現於世。曰。雖然吾愈忌佛。師曰。汝愈忌佛。佛愈充滿于世間。汝向何處得迴避之。生愕然。時先生出席。師以語



對揚篇

師初住報恩。早晨拜廟之次。一士號學而軒。入師室來。是實頭儒生也。忽問曰。賓主應對意。作麼生。師曰。今朝嚴寒。士曰。某甲不問這個事。師曰。子問那個事。士曰。賓主應對意。師勵聲曰。今朝嚴寒。士擬議。師曰。秀才不<sub>レ</sub>解吾語。又云。汝此問。蓋中村柳風軒所設。歸報彼道。秀才何不<sub>レ</sub>自來問。然彼士其恐已屈。數數使人詰問耳。他日又適來儒生來。宣寒暄了。如<sub>レ</sub>有所思而長坐。面色異尋常。果出從袖中書星字一小石。度與師。問曰。是甚麼意。師驀拈起曰。會麼。士曰。不會。師擲下曰。會麼。士曰。不會。曰。不知還問天上星。士無語。恰似羊公鶴。師喝去。

又有一商主。時時訪師。一日來語話次。問曰。雲之外是什麼。師曰。待汝出雲中來。卽向汝道。商主默然。師曰。汝亦不是中村氏社中。拍手呵呵大笑。

近隣憑竹杖。遠路駕籃輿。行客問何事。老僧言只且。欲知庵內趣。門有白牛車。

來須叩關。

同諸子登玉壺樓賦普茶雅懷

主人玉壺裡。賓客亦多杯。兩兩桑門友。喫茶百味來。

題良勝寺

軍度山中梵刹新。布金長者此回春。龍天擁護應推轂。爲轉空王大法輪。

題東堂之壁間

偶來龍谷寺。施者攜吾廬。占地後園裡。催斤去夏初。多年無定處。今歲始移居。奈此磨刀石。似他倒茅狙。波澄城影動。海濶月光舒。繩榻扶趺坐。瓦匣銷篆書。騰騰常兀兀。鬧鬧又徐徐。雲水共甘苦。雨風打呵噓。重關能得透。毛病忽應除。爐聽松濤響。窓窺梅雪踈。北邊連斗室。橋上望簷虛。群鶴飛非唳。孤舟不釣魚。方池深一尺。盤繞二間餘。夕對投鉞島。朝看詠霧岨。



幾載辭官薄世營。徵書還下鶴頭城。學文新就千秋業。論政舊知三黜名。  
濤勢忽從青島起。月光遙映赤江清。暫時縱爲浮雲蔽。終是西風永夜明。  
長安春望

南山春色帶烟霞。却望千門北闕賒。雨後章臺青柳樹。天邊御苑白櫻花。  
謠歌古調何王殿。絃管新聲幾處家。誰念運公來此地。徒將詩賦鬪繁華。  
三閭廟

青楓空岸上。碧水古祠前。競渡舟猶在。懷沙賦更傳。英魂招不返。靈跡轉  
堪憐。獨倚碑陰立。蕭蕭暮雨懸。

江之本禪者抱疾欲問醫於泉攝。有惜別之作。因次其韻。贐行裝。

江湖秋色滿。何限日南間。別淚珠頻落。沈疴舟自閑。萬方覓醫去。三島問  
仙還。碧海清懸月。白雲斷見山。峰巒常鍊藥。草木盡怡顏。如達谷神趣。重

儘疑王母瑤池下。尙憶丁令華表回。何用求仙尋海外。君家元自小蓬萊。

賀飫肥侯強齡初度

壽如方朔八千年。壽域高開日國邊。壽算祝強飄舞袖。壽香薰殿奉新篇。  
壽教龜鶴羨長壽。壽與蓬瀛樂壽仙。壽酒杯濃春不老。壽星常見洞中天。

賀龍鼎山主分座華園

同遊無處不參禪。公自今年異昔年。卓錫山頭孤鶴外。講經臺上四華前。  
叢林盡是稱分座。佛道從來爲濟川。更待令聞應有日。金欄薰徹御爐香。

赴鳳翔請道中

命下鳳翔最上層。誰憐無力舉宗乘。風生絕壁飄霜葉。雲繞遙峰迎古藤。  
猿鹿曉寒岩洞月。衣盂晚宿野村燈。陳操若在高樓望。爲報吾非行脚僧。

寄東桃花堂

登鵜戶山

七折阪高行路難。神明如在海漫漫。窟中雲霧龍宮暗。橋下春潮鵜戶寒。  
滿地花開阿字相。摩霄松作日輪看。偶來消拜無供物。一卷新詩六社壇。

詠松契退年倭歌之題。賀知足老師七十初度

深根固蒂此嚴容。高托德山第七峰。常受仙風吟似鶴。時交雷雨勢猶龍。  
玉枝移月秋光薄。蒼翠拂階春色濃。自掛菟絲千歲古。期君偃蓋幾重重。

賀英彥山瑞花院六十甲子

神水鷲岩  
十境之一

瑞花院裡瑞花開。遙識壽筵春酒杯。神水影浮青嶂月。鷲岩聲滑白雲隈。  
社今十二餘韻在。坊昔三千八百哉。鳴錫吹螺眞祕訣。長生何讓葛仙才。

江藤氏祖母向百齡。孝孫佐五來需壽詩。因賦以賀焉

人生百歲大稀哉。節彼南山作壽杯。松柏經寒看葉茂。椿桃和暖有花開。



恬公行色兀如山。壁立千尋不可攀。早晚西江臨岸盡。卽今東海蹴波還。  
荻蘆原冷青春裡。菡萏峰高白雪間。別後休論無寸草。長安大道有三關。  
驢飫肥侯朝江都。

百水朝宗東海賒。樓船金鼓度春霞。雙龍吟見豐城月。五馬嘶飛武野花。  
論政先知驚幕府。談兵何必事囊沙。憑君試問函關外。誰似南中一大家。  
九月十三夜遊松島。

關外名區松島流。飄然乘興月明秋。西藩雲隔三千里。東海天開八百洲。  
今古誰憐堪作賦。乾坤我輩好登樓。此行非爲追風景。偶自鵲林門下遊。  
田子浦舟中望富士。

白玉芙蓉一夜開。元從江國大湖來。洞中神女今安在。竹裡仙翁去不回。  
圖畫昔年相想切。雲霞此日又奇哉。波瀾嶮處尋鼇客。直把彼山作渡杯。

松尾祠前夜雨聲。清風惹得故人情。誰知夢入瀟湘去。獨棹扁舟到五更。

題蓬萊盞

覆之鼇背反之盃。白鶴馴棲松竹臺。須若千鯨傾海飲。金罍百萬爲君開。

送鸞山才子赴關東

海上蓬萊仙吏游。彩雲何處木蘭舟。老來不耐相隨去。吹夢春風十二樓。

題前川假橋

一月十回落。前川旱魃橋。兩岸迷津客。欲渡更無艘。

和春山子歲首韻

天不言春自到人。人間盡報新年。揮毫詩就三百。酌酒壽長八千。才子學不

應廢。貧僧道益耐憐。鶯花滿深林裡。日待君落日邊。

駿東原驛送恬上人還備前

三年爲客事多踈。日夜春風情有餘。君向江城吾紫海。途中雲隔畫熊車。  
江城千里數行書。豈謂青山樹下居。歌入人丸赤人調。陽春一曲和如何。  
西嶺雲霞萬里天。歸來不改舊山川。使君遙向東方日。長帶恩光江海邊。  
宿函關謝主人厚遇

芙蓉湖上望芙蓉。添得玉筍千朶峰。投宿相忘東道嶮。關門紫氣憶猶龍。  
天岳院席上呈飫肥侯

使君車駕雨中來。恩渥春偏山上臺。日午喜看新霽後。澗花野草好徘徊。  
天岳院八景得鈴岳暮雪

鈴岳陰雲樹色寒。滿天風雪暮漫漫。明朝縱見烏頭白。誰是當時太子丹。  
鈴岳凌虛萬仞巔。人言彼處有神仙。寒雲籠雪層層翠。不覺凭欄落日天。

松尾夜雨代人



同和冬日對酒韻

樂聖高堂醉不寒。青雲何限罄交歡。簾前霏雪杯中色。此日莫歌行路難。

同和冬夜送人韻

君有龍泉北斗寒。送人一夜出長安。斯刀豈可千金換。行影猶輝雨雪漫。

同和歲首雅韻

招搖曉動報新春。五化平臨突厥民。最喜東君恩澤大。青青百草不知仁。

次梅雅山人送行韻留別

憶原春草憶神州。一片布帆霞際流。願得明珠爲相贈。此行將制八龍遊。

山梨卷而居士綴和歌被送行。因留別

三來此地望芙蓉。羞爲國師嗣祖宗。去歲鵲林梁木倒。嗚呼嗟噫我誰從。

謝伊東祐武公賜書並和歌三首

餞中村修身宦遊東海

三度尋君猶未逢。今朝訪我不看蹤。西川舊識錦鱗鯉。忽上禹門第一龍。  
詠松賀妙心喜雲大和尚八旬初度

一株誰託法山栽。清操時聞壽域開。颯沓濤聲塵外境。婆娑蓋影月中臺。  
長連四派龍鱗老。更擁三門馬鬣催。何限蔭涼多瑞氣。紫烟深處拔群材。  
鎮火

風水不侵寰海寬。丙丁童子報平安。山河大地好消息。草木發榮露未乾。  
題墨荷

二三荷葉一池塘。不見花開夏日長。縱向秋風無變改。何時更有發芬芳。  
和飫肥侯冬日書懷韻

千里鶴城入夢長。青山到處似他鄉。覺來白雪芙蓉色。解道分州已十霜。

次鶴洞先生歲首韻以驢行色

良醫門向市朝開。病愈春風百藥臺。借問宦遊樂如奈。武昌楊柳日南梅。

和鶴洞先生歲元韻

狗監何須薦子虛。醫門先達振毫初。東君恩澤春長遍。近日猶期著諫書。  
金谷幽人喚友來。恰如黃鳥囀春梅。吾儕平日雖禁酒。詩若不成飲爵盃。

送白鳳山之武昌

其父母託山野請  
止遠遊情見于詩。

羽毛高映五雲飛。人道鳳山不可歸。井上梧桐春自綠。空懸明月思依依。  
匹馬乘春不少留。河邊楊柳爲誰愁。三千里外武昌月。應照雙親雙淚流。  
十載文章南海濱。誰憐薄祿傍風塵。中原到日逢招駿。自是黃金臺上人。  
東海無魚水渺漫。龍門蕭瑟不堪看。誰知獨有風雷勢。須起桃花三月瀾。  
南海有魚如太山。揚波擺尾溯雲間。武陵江口豈容汝。纔泛扁舟一小灣。



仙臺十二五雲端。丹竈籠煙春不寒。化鶴豈應住方外。縱山秋色使人看。  
飫肥俟賜所自篆彫之印石上

千載竝生王右軍。揮毫落石入三分。漢家金印何相及。倒鼓纖刀雅拔群。

小玉氏邀明月樓

大海晴開明月樓。接天潮水夜光流。主人將玉見稱世。聲價十倍幾許秋。

送柳田新九郎隨使臣赴筑前時有筑前侯世子之喪

天拜山頭秋氣哀。小星高傍使星廻。此行不謁徐君去。西向白雲掛劍來。

武陵客舍酬日高仙子見贈之韻

金風吹送白雲秋。一曲離歌暗動愁。誰道神仙不應接。此行得入武陵遊。

過勢田寺

眞言宗古  
稱長德寺

千年長德問金胎。滿目秋光阿字開。市遠不妨供百味。青山面面白雲來。

日暉山見月

月輪輾出時。山閣樹間披。漸照前川水。來催野衲詩。

醫師小坂審義新構宅邀老拙

風流仙吏玉臺新。留客丹丘藥味春。廿歲未述原上路。翛然自笑武陵人。

同題瑟形池

湖上琵琶聽自知。君家始見瑟形池。鍾期一去朱弦絕。流水新聲好爲誰。

應佐原氏之請示織女君

天上遙憐織女河。俱知人事隔風波。冢間縱作相思樹。那擬當時烏鵲歌。

柳田新九郎問良醫于京師因乞一辭

一顆摩尼掌上寒。囑君滄海碧波瀾。由來此實三千界。須向蒼龍窟裡看。  
孤帆東去問神丹。別後新詩好孰看。行矣杏林花發日。春心一片滿長安。

金風玉露影徘徊。恨乏南樓庾亮才。縱有揮毫堪作賦。寸心明夜報君來。

送突禪人還長門

滄海珠從雙眼流。衣中爲繫日南樓。行行過赤馬關去。價滿三千世界秋。

賀知足老師八旬初度

于時歸隱太平山安國寺

上古八千老大椿。不加斤斧太平春。世間閑事都如夢。還笑槐安國裡人。

成佛偈

卽心卽佛絕疑團。大寂場中體自安。那箇罔明彈指得。唵蘇嚕薩訶還看。

長州赤馬關回日。山永福禪寺圓通閣缺扁題。山主仰宗禪師寄書

來。命予書海音閣之三字。宗盟難拂盛意。因援筆應其需。托巧匠之

次。卒賦祇夜一章。書額板背後。

三十三身三字中。誰知個個是圓通。海音無盡衆生界。赤馬關前船任風。



贈賢禪人<sub>一</sub>

諸方多有所得禪。始識有無所得禪。巢父牛舂許由耳。元來是個箕山賢。  
再步前韻謝賢禪人唱和<sub>一</sub>

破有著無枯木禪。何時更識祖師禪。去來若到家山路。愚失愚兮賢失賢。  
謝惠禪板<sub>一</sub>

古桑禪板賑柴扉。孤坐時思老翠微。打著龍牙吾不要。只看山上白雲飛。  
知足老師有斷橋之作。席上次其韻<sub>一</sub>

渺漫洪水寺門前。橋落渡頭畫有船。不許夜行往來客。投明須到六時川。  
送濟禪人<sub>一</sub>

西風搖落祖庭秋。一別雲飛拄杖頭。相送出門無寸草。月明獨照日南州。  
送明典座<sub>一</sub>

迷徑乎。予指雙丘曰。寶處在近。二人拍手大笑。

紅葉山村暮。一橋古寺前。峰峰溪曲曲。石石水潺潺。不覺迷岐路。欲尋經野。鄺三雄登望後。因何笑雙巔。

送梅雅山人與雲政同經芳野遂趣九國

今春見花發。何事再經過。南紀翠屏峻。西碕碧海波。天涯相識少。客裡別情多。攜手千餘里。一心禮補陀。

哭備前守

掌御厨司所因句頭  
折鼎卿常和四字

鼎中調味獻君王。卿去鹽梅誰比芳。常憶聖朝無棄物。和羹作罷使人傷。賀淺水老和尚九旬初度

除却趙州兼鳥窠。吾門法臆更無他。黃頭碧眼應難數。九九元來一九多。翠巖和尚示衆曰。諸方盡是有所得禪。我這裡唯參無所得禪。頌以

霖雨濛朧心欲灰。難波江上止徘徊。丁丁碁局夜將半。留客手談各自催。

夏日登摩耶山

摩耶山上萬尋巔。不識身登忉利天。依憶瞿曇九旬裡。慇懃爲母說因緣。

兵庫旅館和滄洲先生見寄之韻

萍水相逢一別懸。來遊此地又今年。先生美髯長多少。且喜風流問我禪。

鳴門觀潮

淡阿相對海門開。繫舶岸碇登石臺。白浪蹴天千萬頃。揮毫驚聽雪中雷。

將發浪華和長洲居士送別韻

心似離雲月。身如不繫舟。調高催別鶴。賦罷伴閑鷗。春興三津雪。暮寒十

里流。舊年來此地。暫爲白梅留。

與梅雅居士過高雄檳雄榑雄三寺。迷徑徘徊移時。居士顧曰。復有



錫飛曾入四洲雲。已是佐公去後聞。千里海山無處問。投來青蘚坐氤氲。  
蘼蕪春晚思依依。蜀魄啼時歸不歸。因憶故人春米日。黃梅夜半暗傳衣。

登天橋山次村菴禪師韻

曾有神仙一夜造天橋又栽松云。

一夜天橋一夜松。老來初問羽人蹤。縱無碧海龍燈出。待月曉雲閣上鐘。

再步韻和智恩大和尚被惠作

圍獅子窟百千松。薩埵何年此遺蹤。投宿未容無著問。前三三後一聲鐘。

謝川島淨隆被惠盤珪禪師眞蹟古佛光含象五大字

投吾書一幅。字字直千金。貧道將何報。惟斯古佛心。

鳥部山

火浴千秋今尙新。洛陽城上許多人。狂風一陣吹烟去。日暮東山飛作塵。

浪華雨中卽事得灰字

金錫鳴邊花柳風。關西一路赤城東。歸家若立芙蓉雪。爲我盛來銀椀中。

送別義成上人

往來辛苦八千生。自說中間稱義成。直下如開見星眼。雪山還是作虛名。

應挾花師寸篠需

去年因我乞詩退。身後猶聞望不差。此老生平何所樂。牀頭常愛一枝花。

送太室和尚歸肥後

一別長安千里程。火州到日火雲生。來年縱有期萍水。淚落不如歸去聲。

折蘆暗渡浪華津。猶是少林一曲新。魏海梁江空寂寞。時來立雪更何人。

賀俊上人轉位

薩州人  
號恒河

微笑塔前微笑人。拈華消息此回春。而今四梅還誰在。爲轉如來正法輪。

寄答佐禪人

間自是裸中長。寄語<sub>レ</sub>蚯蚓族。善安厥分量。記取記取此去須修。別別而  
登歸舊穴。重無上堂。

早春辭守禪庵

半歲消閑迎一春。元來去住自由身。笑將山上白雲白。還換東風紫陌塵。  
常德寒山詩會中謝月潭和尚影嚮

海西一別幾冬春。此地何圖與道親。歌笑相隨華頂上。寒公元是隱居人。

登讚州巨鰲山觀弘法大師眞蹟急就章

千年眞蹟古。筆力走龍蛇。縱使二王在。安如急就花。

賀江府東禪和尚瑞世

東海鯉魚登九天。一朝忽在紫雲邊。龍王龍子相隨處。作雨作晴億萬年。

送伍禪人還駿州



雲深雪鎖古禪房。屢空爐頭折脚鐺。月上寒窓移竹影。風吹籬落送梅香。  
鷺聲始助歌聲拙。春色纔添日色長。莫道新年無佛法。隔溪山媼喚三郎。  
同雪夜吟

夜半北風山上來。蕭蕭颯颯又哀哀。竹窓生白侵明月。草座布銀倚玉臺。  
老病寒多衣一領。飢腸吟就雪三杯。海南冬暖無相似。惟有江村滿地梅。

同裸蟲吟

庵乃大燈國師籍光地。幽邃奇絕也。而每有此  
殃。冬最甚。一日師間笑作言後竟不見焉云。

有蟲有蟲不知其名。十月十一月匍匐我牀行。不蟄兮不蛻。不蜚兮不鳴。  
紫背素服十六足。形如白魚兩莖鬚。卑濕糞塊爾居宅。惟爾厭寒慕溫乎。  
蠢蠢又蠢蠢。蟬蟬且蟬蟬。黏紙捫不止。和帚斷還續。日日夜夜夜。觸蒲  
團且著褥。奈何奈何奈爾何。定知宿債萬萬千。觀理元同物。立異隔雲天。  
異同共空豈堪憎。君儻爲蝴蝶入夢。又爲螽斯誦詩。羽毛鱗介各有長。人

哭願海長老

掀翻大海倒須彌。那個兒郎不舉眉。可惜可疼還可哭。春光却在海棠枝。

和大燈忌韻

師于時在  
守禪庵。

第五橋邊幾歲年。風餐水宿絕人烟。一從瓜乳彰蹤跡。東海兒孫萬萬千。  
寓此山房纔半年。寒雲密雪濕薪烟。有人如問國師法。十百元來是一千。

守禪庵偶成

兀兀癡癡如土龍。從來不解是何宗。偶遭故老尋蹤跡。更入深山第幾峰。

同除夜吟

獨坐白雲廬。因循歲此除。六旬殘臘夢。一夜暫時居。吟罷消冰筆。興酣讀古書。早春何處去。天地自如如。

同新歲吟

願海

瑞祥寂  
禪人

無底鐵船下釣磯。風波吹老一蓑衣。寒潭月落天將曙。千尺絲綸垂未歸。

哭白隱和尚

夜壑移船把釣翁。千巖霧捲櫓聲空。可憐無限凡鱗屬。潑潑難除疑網中。

哭提洲和尚

豐前自性寺  
山號金剛。

須彌南畔一洲崩。草木山河又詎憑。紫海寒潮時自渴。金剛正眼日空稱。  
胸中萬卷非文字。頂上三玄走衲僧。誰是同生同死者。顰眉猶哭爛枯藤。

月潭和尚訃音至

播之法幢寺山號  
大雄室稱白雲。

虛空推倒法幢聲。一夜赤城暗裡驚。曾產大蟲大雄頂。白雲深處有風生。

遂翁和尚訃音至

東海吞聲芙蓉失色。梁木倒兮。何遭此盡。



不則先王德義經。面如金鐵。眼如鈴。無能癡鈍風顛漢。鳴噫鳴嗟月半庭。

雲山同上

從龍逼逼又浮浮。霧島峰前起忽休。如鶴若飛琉國去。作晴作雨我同流。

幽巖

寒山古道鎖莓苔。雲擁石崖千仞迴。百鳥不栖春寂寞。落花遙逐磻流來。

鍊牛

頭角崢嶸活祖師。鼻巴還觸老盧陂。曾投陝府無容處。祭祝山川豈作犧。

桂峰

元不九華五老來。此花已在月中開。異香薰徹光風夕。豈可人間容易栽。

九峰

讀州常德寺  
山號大安。

誰道文殊在五臺。大安孤頂碧崔嵬。三三元是非前後。無著自何容問來。

丹嶺同上

九轉八瓊一粒中。藏山藏壑氣如虹。而今拋擲琉球外。殿閣涼生匝地風。

毒玄同上

鴆酒不如能殺人。擣筴何用病差辰。汾陽一句重拈出。衆妙門頭三要新。

妙道同上

誰家少婦折垂楊。陌上春風羅袖長。自愛嬌容綠池影。含情不忍打鴛鴦。

鐵牛同上

通身無骨牧還難。緊緩尋常在護欄。水草足時見如奈。鳳凰城裡是長安。

實門同上

趙州城畔四方開。欲問石橋頻往來。若學虛頭何日到。可中誰是得真回。

頑銅同上

景雲龍  
德山號。

新歲偶成

三微物色祝年華。赤浦春光一片霞。庵內老僧無別事。雲門胡餅趙州茶。

同偶作

故園千里外。赤石兩三春。惟有梅花異。年年南地新。

三夢謠三首

早春三日夜。富嶽雪皚皚。不識夢中事。夢中疑一回。

雲外見快鷁。安眠二六宵。幻人徒莫笑。聞我幻中謠。

上元前日午。一睡講前痾。三度見三夢。復斯大紫茄。

祖山琉球人

四七二三眼戴眉。西來端的有誰知。水長澤廣藏難得。不許白雲遮斷伊。



依<sub>二</sub>知足老師韻<sub>一</sub>。  
賀<sub>二</sub>八十初度<sub>一</sub>。

三津春渡白梅寒。天雨新香飄玉欄。王子歌成千載事。到今仁廟倚江干。

元日登<sub>二</sub>望烟臺<sub>一</sub>。

寒裡漏春野納廬。新年物色日昇初。烏藤祝壽古稀外。萬歲千秋君有餘。

此會靈山未散春。日輝南浦物候新。國師應化無邊際。元是補陀一老人。

龍谷大應  
錄會中。

七十三春一味禪。袈裟無恙領新年。猶龍拄杖鄰邨活。瑞雨灑來五夜天。

### 立春偶成

播淡中流赤石灘。老來爲客立春寒。何圖好個啞羊漢。曾拾蠲饅雪夜看。

### 在浪華國恩寺會裡應龍德寺招元日偶成

新年爲客賜春盤。三椀喫來曉不寒。龍德有餘國恩外。何期身在景雲端。

和<sub>二</sub>知足<sub>一</sub>  
老師韻。

法華會上挽春回。燕頤虎頭笑臉開。賣弄瞿曇三寸舌。嶺南新<sub>ホコロ</sub>禪一枝梅。

春動東雲五彩山。一輪紅日照宗關。今年天子新登位。先祝鳳翔禪誦間。

和<sub>二</sub>鳳翔山瑞  
祥和尚韻。

祝聖聲中淑氣催。東方欲曙上方臺。須彌筆子虛空硯。題取吉祥春自來。

鳴鐘打鼓五更中。祝聖三呼淑氣融。珍重新年眞佛法。瑞雲深擁古禪叢。

春動南方百十城。爲詢兜率古先生。雲間樓閣花間曉。雪後關山雨後晴。

登般若臺空相盡。分華嚴界日光清。今年更有新條在。此事何時唱太平。

和<sub>二</sub>隱禪  
人韻。

樓閣門高別占春。不勞彈指不南詢。夢回五十三年曉。鐘鼓聲中一笑新。

九九元來餘一分。黃頭八十不如君。西方幸有無量壽。同道同年雅拔群。

天德山頭一夜春。東君和氣日光新。今朝喜見鶯花外。滿池風烟萬國人。  
住山今歲八春餘。世事多因雲水疎。自分纔容三五箇。蝸牛角上小茅廬。  
布金施樹兩快哉。屋壁任新古梵臺。已識春風吹起日。長飛燕領虎頭來。  
一輪紅日曙雲中。春色平臨獅子叢。細草新花黃鳥曲。從茲暖景自融融。  
和知足  
老師韻。

營建諸堂春自鮮。故山窮鬼去誰邊。舊貧乍富三微曉。囊裡有餘省數錢。  
吞却乾坤拄杖頭。報言新歲作春遊。拏雲攫霧元吾分。獨步扶桑六十州。  
師今茲再訪鵲林禪  
師居三年。後歸故山。

快哉又活哉。昨日遠方回。三歲降峰雪。クシヤシノミネ一輪御木梅。雨從天曉霽。春自海  
東來。爲得無爲樂。常凭古佛臺。

迎春先恥魯曾參。稱孝到今眞美談。吾輩何堪尊辱養。師翁八十又添三。



不慕繁華山上樓。道人何管住邊州。更無一物充分歲。隨意北禪烹白牛。

歲旦

徹夜不休風雨聲。朝來爲雪滿山清。揮毫先識豐年瑞。萬物從斯應出生。  
千山一色白如銀。竹裏鶯聲暗報春。宴坐擁爐期日上。雪融且喜歲華新。

師于時在洛之瑞龍山。爲堂中納子。受參問。今曉大雪。

延接滿堂湖海僧。三朝先祝舊烏藤。今春猶有新條在。坐俟芳叢花影層。  
天曙春雲五彩披。鳳雛龍子儘相隨。向東君問新年句。笑指庭前梅一枝。  
五夜金雞呼夢醒。春風依舊透禪扃。山中元自閑無事。信手轉來如是經。  
春風吹夢五更寒。縮頂呼童喫鳳團。此外山中無一事。強兼龍象祝平安。  
迎得西天乞士春。風吹不起滿堂人。慇懃爲報寒山子。十字街頭轉法輪。

今茲報大檀越請分衛。師于時提唱寒山詩。

偈頌

住山

十載歸來疎與親。門庭荆棘又重新。昔生空海屏風浦。滄海日州外浦人。

除夜

自笑家貧道亦貧。世人喚作一癡人。楊岐乍住何相及。破屋寒風滿座塵。  
寒雨漏春冰雪融。五十六歲任窮通。草深一丈門前路。狐兔交跡戲晚風。  
人生猶一夢。世事復何如。若達斯中趣。那勞案上書。鼓聲春已動。顏色歲  
俱除。天子登新殿。野僧坐舊廬。北禪牛愈遠。南石馬偏疎。爲報閻羅獄。臨  
門勿次起。

同偶成

寺在西州異域陲。難何風土不相宜。語言都似南蠻國。萬事藟苴無可比。

龍頭觀自在。兩樣共如生。妙妙遂翁老。道名兼畫名。此有饑寒客。風狂笑月明。被閭丘觀破。終是惹虛名。豐干何拾得。千古以爲名。元是誰家子。白銀界裡生。

猩猩

猩元人面獸。醉臥不知愁。起起歸江水。久居爲酒囚。

琴高

汝能乘鯉魚。一任步清虛。自盡千般術。早來入我廬。

西王母

汝能迷漢武。閑事詎堪言。桃實雖重百。終如亡木猿。



浮島老兄畫我真。見來筆力最如神。一生此不啣嚙漢。自笑無由利濟人。

瀑下虎

非是大空非小空。萬尋懸水颯生風。裴休之間隨他去。不見華林在此中。

快岩和尚

快活自在。巖裂崖崩。一生受用。驚走衲僧。

達磨大師

發千鈞弩。梁臺射鷹。兩處失鏃。碧眼胡僧。

十六善神

十六神威。徧護人天。象王獅子。文殊普賢。般若風淨。理趣月圓。世尊無說。

聲震大千。

三對軸

中觀音右寒山左拾得。遂翁和尚所畫。

且題高篇。以賜。乃應需云。

宴坐別峰誰得看。芙蓉白雪夢中寒。此時風景何堪畫。子浦春潮日一團。

題三岳之圖

師與霞樵翁遊。因問所以稱三岳道者。曰。余嘗登三岳頂。故自稱。即圖三山之真景。以呈於師。

芙蓉萬仞望中寒。白岳立峰聳兩端。歷盡三山稱道者。誰知真景照心肝。

桃禪人寄偈曰。請次韻以充自畫自讚。因畫如一峰者。應需。

天外一峰無四時。混沌那裡錯安眉。本來面目描難就。倏忽閑伎不可期。

余寓于洛西朱雀友松菴。偶遂翁老禪師見訪。玄談之暇。劣徒祖俊

就禪師請畫愚老之幻質。禪師笑頷。翌晨。忽袖一幅示焉。使<sub>レ</sub>人毛骨

寒。余稱嘆之餘。封惟肖以送。飫肥之本寺。小師桃陵手舞足蹈。令彼

法嗣玄航齋惟肖來。曰。有是亦爲師之在也。加之辱賜讚辭。赤石遙

隔南海。猶咫尺想而已。仍綴鄙語以塞其責云。

執政日孜孜。清衷在濟時。干城還柱石。優慕蘭宗祇。

東坡跨驢圖

向有桂洲和尚贊。今更需於師。

觀人讚爾。我無一辭。試相借問。去欲何之。騎驢幾載。未<sub>レ</sub>有<sub>二</sub>下時<sub>一</sub>。片言不答。賦之筆之。

芭蕉圖

請見芭蕉葉。雨聲鳴不休。若人聞得去。却知夜來秋。

狗子圖

無字元來因汝寒。到<sub>レ</sub>今天下與人看。看時縱識畫工妙。擒得趙州狗子難。

富士

一名富士字蓬萊。白雪高臨東海開。秦帝昔年求藥日。不知徐福不歸來。

瑞龍山中慈氏院主神州精長老。夢<sub>二</sub>富山朝噉<sub>一</sub>來。請曰。盍圖富士峰。



久觸紫陽惡風。卻隱鵲林毒霧。喝下走瞎驢。棒頭撒白雨。得時未駐鳳翔山。號千仞頂搏空。忽沒瑞祥寺號五彩雲。使其福壽長勿闕。奕世標準宗門。別別吾非夫人之爲慟。而誰爲咄。

黃石公

縱汝爲張子房師。元是穀城山下石。我心非石非席兮。須知富狗餘一尺。

范蠡攜西施浮五湖圖二首

一雪會稽屈。功名千古舟。汝如無此計。天地思悠悠。

誰知飛鳥盡。落日五湖舟。似載如花女。問仙傍海流。

莊子蝶夢圖

畫師來覓讚。我愛醉中眠。蝶夢曾無羨。玉壺有聖賢。

東尚庶壽像

肥後相良侯之室老也。汲宗祇餘流嗜連歌。自詠誹歌一句題其上。故落句及于此。

元是龍泉古道場。遺蹤唯有大醫王。寺成三世名重顯。瞻仰其眞發德光。  
雪堂和尚

回日山號再中興功業。大明直下的孫枝。濬開祖平田畎澮。續師父物然  
裘箕。鋤斧住山兮。殿厨修舉。船筏臨津兮。緇素歸依。鼓北溟瀾。辯如瀉分  
南禪派。信在衣。喝下崖崩石裂。機前電轉星飛。息耕庵號八十六歲鼻祖。  
永福寺號三十三世老師。遺命請讚。不免爲辭。生也無所住。死也無所之。  
鄉音終不似京語。叡麓松風一任吹。喫掛在高堂而勿下垂。

龍谷太瑞長老

此太瑞老漢。讚不欣罵不嗔。畢竟是何人。咄。

瑞祥願海長老

泰靈寧馨。定慧芳裔。弘願海深。全機電掣。通身冰雪。清寒滿面。春陽和煦。

奈洞山禪。

丹波如城寺寬邦和尚

半百年強拜此眞威風。今尙走閑神。讚辭難及。描難就。橋目山頭第一人。  
傳聞。敏馬浦龍泉禪寺者。維昔之大道場。及廢亡歲久。寺號亦隨亡失。  
惟存一字瑠璃殿耳。當寺三世實山禪師。曾抽丹悃。雖復故基。人皆依  
舊稱藥師堂。是以興道禪師受公命。扁額龍泉。爲永源支院。又造營實  
殿。其功不爲少矣。且聞平日持念藥師佛。靈應日新。而信心之士女蒙  
益者。不可勝數。於是乎。師德亦大發揮矣。今也染重病。親不能染毫。遠  
馳上足悅上座。請讚於山野。時三復師之偈曰。因緣熟處化緣融。功至  
無功成大功。諳得龍泉眞水脈。醫王德澤日增隆。予亦加俚語。以塞其  
責云。



院。院乃喝源和尚所草創。至靈泉。而輪奐改觀。爲其二世。眼師乃其三世。三禪師皆同郡人也。及師住於休昌。一新舊觀。謂之箕裘。又宜哉。今也上足滄洲禪師。寄真於千里鯨波。使予作讚辭。不免眷誼。爰應其責云。

喝源毒水灑靈泉。無柄杓頭傳孰邊。共是嶺南村獍獠。逐桃花上武陵船。  
石鞏和尚

殺人箭活人箭。射得半個聖人。若向弓弦上辨。琵琶湖水粼粼。

大圓鳳洲和尚

久遠再中興老師。殿堂門廡一新之。更營勝會天明五。四衆如雲圍繞時。  
蜺子和尙

居無定所。混俗閩川。晝沿江岸。夜宿神前。蝦蜺充腹。歌唱弄拳。此癡狂漢。

寒山

無柄生帚。何處得來。不是南岳。定在天台。

拾得

無底竹筒。賣與誰邊。餘殘菜滓。不直半錢。

庚申

吾朝祝稱猿田彥。密部喚青面金剛。道家又有三尸說。一體庚申本無方。

自性提洲和尚肖像

應于的。子海門禪師之需。此老。伯州八橋產也。

伯八橋皮栲栳禪。一生負荷擲豐前。電眸秋老山間月。瘴面風寒霜後天。

常截有情癡闇網。忽移無底釣魚船。到今難覓黃金骨。雲鎖雄熊萬仞巔。

法叔休昌默眼和尚頂相

師諱慈照。號默眼。俗姓平部氏。日州那珂郡飫肥人。今董席於休昌禪。

福祿壽

福祿壽是三星。在天上永熒熒。人如行積善德。共降祐萬事寧。

維摩大士

毘耶老淨名。淵默怒雷轟。曾敕文殊了。使伊動價聲。

達磨大師

不立文字。教外別傳。提佛心印。示祖師禪。梁江魏海。扶桑西天。餘毒未盡。

向二千年。

大法正眼國師

開正法眼。成一國師。輝騰今古。瞻之仰之。

壽老人

南極一星。曾化翁。遐齡不識幾春風。悠然眼底眉如雪。騎鹿由來欲問童。



正法眼藏。滅瞎驢邊。賣弄熱喝。施呈瞋拳。錯下一句。強逞三玄。咄。個老漢。畢竟何禪。

懶瓚和尚

天子呼來不敢前。工夫一母寸絲懸。顧頭何管垂寒涕。糞火堆中煨芋煙。

布袋和尚

將無齒口。作十面皮。倚杖出力。展臂顰眉。此長汀子。元叟率師。擔一布袋。去欲何之。

達磨大師

太室禪師畫入神。寫成少室老胡眞。可憐五葉芬芳後。支竺桑中誰是春。

繩目文殊大士

或現雲中。或海中。度生願力大神通。人人有個文殊在。不會還參繩目童。

同

如向五臺問。白雲隔九嶷。大智元無智。常騎獅子兒。

不動尊

劍索威怒。轉大法輪。衆魔降伏。大日化身。

達磨大師

少林山下惡情惊。不識廓然是甚宗。梁江魏海難收得。一夜狂風魚化龍。

菅相公

夢香北野一枝梅。曾在徑山嶮處開。誰識神遊從得法。腰間帶此錦囊回。

十六羅漢

薩州人有下自稱無人相菩薩者。尋常誦經中拜畫佛祖圖。更不畫他物。

貫休明兆寫應真。將謂二師最入神。今有一人居薩國。無人相外更誰人。

臨濟禪師

讚

地藏大士

六道能化。大慈大悲。一歸命者。成佛無疑。

同

娑婆兼地獄。接化劫無量。誓度衆生盡。此斯大願王。

觀音大士

十九說法。三十二應。微塵刹中。慈願海弘。

同對瀑布畫

萬丈飛泉雲頂鳴。耳根斷處妙音聲。一枝垂柳勞拈出。端的待人換眼睛。

文殊大士

元來七佛師。如意跨金獅。不識年多少。花顏雲鬢垂。



臨濟破夏

一戰無功猶未休。遙追胡虜朔風秋。將軍再雪漢之恥。先獻捷書向帝州。  
百丈再參馬祖。

霹靂一聲入。觸髅耳聾三日結。恩讎聞之吐舌老黃檗。吸盡西江渴已休。  
五祖牛窓櫺。

咄哉吽吽透窓櫺。頭角四蹄總不停。唯有尾巴過叵得。作牛何似作驢寧。  
疎山壽塔。

匠人造塔許多錢。添得龜毛臘月蓮。怒室頻頻還色市。張三不解立風前。  
趙州喫茶去。

何知頭上一堆灰。柴火烟消午睡開。瓦釜冰生無蟹眼。殘茶半盃待君來。

春風吹柳金絲亂。野鳥搏花紅錦飄。新婦驢上無限意。人言日暮過瀟湘。

有句無句

有句無句。如藤依樹。一聲笑新。大絃調古。白雪翩翩。清風步步。誰是知音。

當軒布鼓。

咄。早識屋漏寒。何勞夜來雨。

古帆未挂

古帆未挂。叢公舟。湖上寥寥蘆荻秋。吞盡大魚。小魚躍。漁人背手下磯頭。

古帆挂後

古帆挂後。後園驢。喫草嘶風。潘閭廬。欲出牽來多倒騎。逢人前路問何如。

龍潭吹滅

紙燭失明明失暗。須彌大海作微塵。衆生諸佛避無地。坐斷孤峰只一人。

臨濟喝

喝須彌碎散闌干。無數庭禽競且餐。養距傾冠相鬪處。搏升屋上一聲寒。

慈明見神鼎

檻縷蓬頭荆楚音。脫鞋端的動叢林。一江分派終成七。元出河東毒水深。

婆子燒菴

二八胡姬春可憐。空園逐蝶戲花前。狂風一陳吹簪落。驚起隣家稚子眠。

倩女離魂

獨臥深閨愁恨長。離魂夜問宙郎航。一身二女風流質。惹得家人立夕陽。

陳操勸行脚僧

雲門折挫沒休期。樓上呼僧也太奇。將謂十成勸行脚。傍人早是勸過伊。

南泉遷化



一句分明超大千。門門有路不虛傳。時人只認庭前柏。未向國師行處前。  
潛隈庭柏夜行人。手把探竿不打貧。遭劫幾回月明裏。闔家眠重夢猶新。  
有賊機。兮有賊機。白拈臨濟已遲遲。關山從是宗飄起。那個行人不攢眉。  
南泉斬猫

二鬻猫兒血。尙羶沽之損。本幾枚錢。夜深堂上多偷鼠。王老一刀機未全。  
趙州戴草鞋

兩軍敗走失功名。天子猶期舉義兵。大將承恩救亂日。紫泥新下鳳凰城。  
趙州至道無難

至道無難難易難。等閑觸著骨毛寒。元來水上葫蘆子。終日相挨到夜闌。  
德山托鉢

三人各自不同謀。相喚相呼似未休。末後那邊君要見。德山疑處問巖頭。

爛枯柴 下篇

侍者 豫州 原教集

參學 琉球 宗胡校

頌古

關山國師初參龍寶開山大燈國師

不見芙蓉三日程。臭皮襪著半邊行。踏翻紫野野狐窟。狗吠猫飛馬亦驚。

關山國師爲龍寶使至天龍

金翅鳥王展翼辰。龍袞袞下潛渾身。一收一放乾坤震。千古叢中見二人。

自著語曰。誰言國師無後語。又曰。響。

關山國師曰。柏樹子話有賊機。

何不乘蘆渡去。曰。出蘆將來。爲汝渡。座主茫然。汝若打破難透重關。實證據得分明。則出一蘆子渡這僧。豈難爲哉。所以參須實參。悟須實悟。各自著力。珍重。

爛枯柴 上篇終



妙只在汝懸崖撒手絕後再穌而已。然若非起大信心發大憤志爭得之。在昔慈明參汾陽。北地苦寒。諸人不忍棄去。慈明不分晝夜打坐。睡魔纔來。卽以錐刺股曰。古人刻苦取證。光明必盛大。我生無益於時。死不知於人。如何如何。如此者三四年。終蹈飜汾州野狐窟。稱西河獅子。又竹原菴主宗元參妙喜於徑山。晝夜提撕無字話。寢食共廢。或時被雨打。在欄干邊而坐。兄弟見之曰。元兄。雨打濕爾了。拽之不覺。如此者四十餘日。終打發揚名後世。看古人求道親切如是。喻如鑽燧取火。轉鑽轉輝。汝等只不憂悟遲。憂工夫不續。不憂死而不活。憂活而不死。只管摘葉尋枝。逐句隨物。何日有入處分。所以道。從門入者。不是家珍。須從自己胸襟流出。蓋天蓋地始得。越有一則古話。舉示汝諸人。有一行脚僧。逢渡下船。旣離岸。大喚曰。且請還船。有座主。時在船尾。答曰。上人無是達磨宗麼。曰。是。座主曰。

卽未也。故謂疑此事。却回終夏。却將息耕禪師兩處拈語。又妄貶剝曰。虛堂雖初一拈。自知不穩當。故再取來拈出。然又未及理事處。吁。是何謂歟。佛有言。謗般若者。拔舌犁耕。不免塵沙劫。蓋預誡此等輩也。或又舉庭前柏樹子話。曰。是乃心境一如底公案。便下得合頭語。曰。向謂莫行山下路。果然猿叫斷腸聲。又恐人不解。自作瞎注脚。曰。猿叫是境。斷腸是心。忽有這衲僧。問關山國師道柏樹子話。有賊機作麼生會。便目瞳口呿。不知所答。其餘瞎禿子無眼漢。將佛祖血滴滴話。令不及世俗閑話者。不可勝數焉。嗚呼。水潦鶴又起矣。汝輩切須要求取真正見解。免如他瞽者教瞽弟子於一聯古詩。忽被傍人指問。是什麼字。師資共不覺不知也。老僧不會說禪。只是識病。且那箇是病。說有說空是病。說理說事是病。說心說境是病。行拳下喝是病。向上向下是病。平常無事是病。若纔依物。悉是無不病。

湯山普說

安永庚子秋。應請於都城二嚴。一會唧唧提唱臨濟語錄。會中有百餘員龍象。就中中山國雲衲五十有餘。抽誠參扣。其憤發激勵。與今時鳥鼠啞羊輩大隔天壤也。予始見其爲人。大喜之。晝三夜四。不惜鉗鎚。爐鞴常熱矣。如此者僅三十日。終乃到霧島溫泉。欲暫休影。偶數十箇隨後逐臭來。破屋壞牀。席蓬坐石。日參夜窮。至忘寢食。予怜其志。遂告之曰。夫參禪須要心路絕。妙悟須要透祖關。脫心路絕。祖關透。則一生參學事畢矣。所以道。懸崖撒手。自肯承當。絕後再穌。欺君不得。若不到恁麼田地。只一向虛頭。喻如世僭自稱帝王者。爭可免誅滅也。近世邪師輩。自不會則止矣。却聾瞽他人曰。如黃檗。啗酒糟。是乃破文字僧。不道無禪。只是無師。便作龍頭蛇尾會。曰。後言不應前言。又如論臨濟半夏上山因緣。曰。師理卽得。事



報恩開山雪山和尚。教德公爲使于清武文永寺。未諭命。德唯唯直至文永。山路寺主問。甚麼事。德曰。今日困矣。先喫飯。一睡而陳。寺主卽休。覺後又問之。德曰。吾是報恩專介也。不知其他。事可至彼寺而聞。拂袖出去。俗謂之德藏司之使。

僧問。如何是佛。德曰。破木杓。如何是祖師西來意。答曰。鳳兮鳳兮。

德一日在軒下尿。時驟雨急。有避雨來者。熟視德在軒下立久。客怪問之。藏司爲甚事。德曰。予適來尿。猶未止。客笑曰。是軒滴也。非尿。德曰。嗚呼。斯言天之尿乎。便就座。

傳

德藏司傳

夫德藏司。不知何許人。曾住日州。飫肥報恩禪寺。枝剎大龍小院。一生風顛。超出格外。脫洒自在。如愚如魯。纔吐一語。則出人意表。惜哉。不逢知音。不知所其終焉。予鈔錄其所聞知之一二事。以傳後世云。

德藏司摘茶次。覆却茶甌。晒地。有客問曰。仁者晒茶甌。那德摩拏茶甌底云。好個茶甌。只是無口。客云。是底也。德乃翻起茶甌。摩拏其口云。好個茶甌。又是無底。客無措。謂之德藏司茶壺。

德一日摘山茶樹實。時有過樹下者。問曰。爲什麼。德曰。摘茶。曰。不是山茶耶。德曰。汝知這般事。用問作什麼。曰。知而問。禮也。德忽下樹。長揖曰。汝魯孔夫子乎。然善知禮。敢問宗廟之禮。彼不能答行。

之兒孫。以弱質未領其意。理當然耳。承諭。老僧生平拙語。若有上木之舉。則將相助而成之。道愛優渥。多謝曷罄。此地參學之徒。久已有其志。慙慙不已。老僧涼德薄福。未曾坐巨叢雄席。雖有一二偈語人傳誦者。何堪以壽梓乎。然而諸子之志。不可峻拒。尋當議耳。老懶昏耄。裁報稽緩。諸請道照。

答琉球雲山太令兩長老書

客歲十月所投關署示教。書辭懇到。亞面因審。兩長老法體清穆。欣慰曷勝焉。老衲衰朽。尙保殘喘。莫勞軫念。明年無相禪師遠忌。此邦都鄙諸刹。凡在兒孫。俱獻香資。將贊成齋會。且派及貴邦。同荷擔盛事。禪師大寂定中之一大歡喜哉。爰有薩國之信。聊布數字。敢表謝忱。餘具于復雲山長老書。故不多及。



書牘

答疏球雲山長老書

客歲仲冬指書披覽。辭意懃懃。雖親面曷加焉。就審法禧康寧。所履堅確。至欣至慰。老僧衰憊日加。唯是少病少惱。未至頓仆耳。太令長老轉籍圓成。忻幸無量。長老之喜可知也。此地愚門樵溪相繼轉版。近來有如此事。則歡喜倍于疇昔。蓋亦老駮之所致也。舐犢癡愛。雖水牯牛亦不免邪。可笑也。近時龍谷二三檀越。營一屠蘇。爲老僧閑居。雖無意於終焉。老松閑雲亦足以忘老也。不圖逐臭之徒遐邇竝臻。頗學叢林。且爲法社。因評唱雪竇頌古。聊酬其志。亦出於不得已耳。長老留滯于隅州淵龍。客冬亦爲衆提唱之。可喜也。聞長老付法已得其人。大幸哉。轉版立僧時節自至於道何憂焉。嶺南下尊宿。法絕于貴國。大心和尙以微意託長老。雖有雄嶽

法華塔略記

惟松岩道樹信士發志巡禮四州之靈場。惜哉半途而罹重痾。天明六年五月十二日卒于豫州大洲封域田戶村。嗚呼。一歸仰三寶者。終成菩提。必矣。粵孝子藤井氏造營法華塔爲亡父竝累世先亡伸供養。彼經中曰。聚沙爲佛塔。皆已成佛道。吾將何言。

記

肥後州相良宗臣豐永清右衛門周弘親透過嶮崖一路枯木龍吟因緣入室來呈所解。予不堪歡喜。卽字曰一默。實是逆浪門下居士之權輿也。仍畫杖拂。記伽陀以充證據。何也。掛重賞而待勇夫之謂乎。

蹈破虛空更有誰。嶮崖一著跨門時。忽然枯木龍吟別。元是毘耶老古錫。雪山和尚頂相略記

但州久遠山大圓寺中興雪山和尚頂相之讚者。享保二十稔乙卯春。虎巖文公就于眞乘實源和尚所請得也。惜哉。厥後眞讚共爲祝融氏被奪將去。是以八世法孫鳳洲和尚當其一百五十年遠忌之辰。新令畫一幅。今歲天明乙卯仲秋。命山野提唱趙州錄之次。親請讚辭。時一見舊讚之別處存在。欽傳舊更不裁新焉。



亦在明石。中古小笠原侯。受鈞命遷封於小倉。師亦隨而共行。故不果素思。惟授軍度良勝之號而已。終移轉于小倉。是以殿堂門廡未全備。經若干星霜。機緣詳于舊記。於此乎。當寺第七世端叟和尚。企造建志願。積聚貨材。殆二十年矣。加旃開基定治十一世之苗裔藤田角左衛門春榮。與師勦力。經營已成。自今茲寬政二年庚戌春正月某日。鳩工且傭役諸檀越並隣里之白丁。而拽石搬土不辭勞。信心檀徒隨分寄附繩索藁菜等者不少。累兩載而一新殿厨。嗚呼。偉哉。其功矣。及落成之日。乃命山野爲其銘。銘曰。鑠師績兮輝法界。興傾頽兮排陝隘。輪其奐兮昌禪話。勝幡建兮無變改。

水陸會塔婆銘

一見木浮圖。十方諸衆生。出離三界苦。佛道忽然成。

日。總甲各存。庶民子來。工師競巧。不日成焉。從開山文溪和尚迄今大凡得四百二十有五年。其間嫋嫋者。此非先德之餘烈乎。於戲。此舉也。匪啻宗門一時之光賁。實爲叢林萬世之莊嚴。自非宿受靈山付囑。今豈發摩訶衍心。可讚可嘆。仍應山主慈教首座之需。書之。銘曰。皇矣世雄。垂跡五濁。暗挑法燈。明唱正覺。震動大千。超過三學。愛河波澄。心月影暉。象末雖遙。思修要擢。眷言梵宇。載懷經營。輪奐雲起。檀信海宏。禪誦攸託。龍天降禎。君臣道合。國家日榮。稱謂詎盡。絕筆太平。

軍度山上梁銘並序

越稽古軍度山良勝禪寺。開祖者。豐前州小倉開善寺第三世南津策和尚。開基者。藤田助之丞源定治。法名良勝。寺殿理屋祐義大居士也。此寺者。舊號雲洞庵。師以之欲爲隱栖地。時小笠原侯爲城主於明石。開善寺

同上棟銘並序

稽此山之舊記。征夷大將軍源公尊氏。曆應年中。天下各州建一禪刹。號安國寺。爲安鎮國家之道場。此寺其一也。元在北鄉。今謂古寺是也。文明十八年。爲兵火灰燼。茅茨以庇焦土。翌歲。郡主島津修理亮忠廉。謂左右曰。此練若者。日域六十六蘭若之一也。豈忍廢之耶。卜地於飢肥城東。薙草開林。置勤行之室。頗復舊觀矣。此毘盧寶殿者。薩州刺史島津修理大夫藤義久。以天正十五年所創建也。當山廿四世東雲渚禪師彫薨之遺文曰。四序循環。雲行雨施云云。藤原義久敬白。三寶加護。無缺無餘。內魔外魔。翻邪歸正。伏望。佛日當午。照含靈冥暗。沙門春渚壽成謹識。爾來星霜既數十歲。榱桷半傾。而屋壁將毀。于時。延寶七年。郡主吾大英檀藤原朝臣故伊東大和守祐福公。酌故實。因百姓之有間國家之無事。役丁揆



經塚銘並序

安永七年戊戌秋八月。玄獅禪人資書寫經王全部一字乎一石。並血盆經集法悅捨苦咒。且血書延命地藏經。功畢就于永德蘭若瘞焉。安置地藏尊一軀。家兄古屋孝察。補翼厥志。此舉也。一爲考妣慈眼淨雲信士智光清鏡信女。二充法界平等化益云。頃獅禪人來請銘。銘曰。妙斯經兮度群有。書寫此兮不須手。敷演此兮寧借口。集法功兮懷父母。血盆力兮救庶婦。出身血兮筆何咒。延命經兮六道主。代衆苦兮塵劫久。讚不及兮三八九。

日州安國寺佛殿再營安座塔銘

偉矣調御。德輝大千。天下安泰。國家萬全。檀信深遠。佛日周旋。諸天歡喜。群類踴躍。一見塔樣。登太平巔。

郭公啼落月。熠熠大虛中。個個真消息。團圓望不窮。

同盡七日忌浮屠銘

無影樹頭山月明。無陰陽地曉風清。擬心欲見湘潭上。杜宇催歸啼一聲。

同一周忌支提銘

般若波羅蜜蜜經。十方佛母本無形。虛空昨夜三更月。杜宇一聲山更青。

清仙院殿法室慈運大姊中陰塔銘

丹竈煙消靈跡空。紅霞一片夕陽中。洞深雙鶴眠松頂。月上孤猿叫嶺東。

同盡七日忌塔銘

霖雨濛濛曉未披。階前荒草沒人遲。今朝幸有好晴在。日上扶桑第一枝。

同一周忌塔銘

彩雲影裡已登仙。丹竈苔生玉樹前。匝地清風信君弄。去年猶自似今年。

地藏尊開眼供養塔銘

一頂禮斯尊。出離六趣門。化身千百億。悲願小乾坤。

洞林院殿倭叟丹心大居士五十年忌經王頓寫浮圖銘

五須彌筆四溟墨。一劃未書字字圓。誰道世間相常住。滿山黃葉夕陽前。

圓心院殿蓮法清薰大居士初願忌塔銘

圓失圓兮方失方。卽心卽佛活商量。清涼昨夜蓮池月。薰徹本來解脫香。

同七七日忌塔銘

一個高墳遍大千。無生國裡笑生天。新秋已熟孤村雨。禾重西南數頃田。

慈廣院殿節山玄義大居士十七年忌塔銘

五大皆空空劫前。寒山笑破月團圓。慈仁海濶湘潭外。洗雨磨風十七年。

玉峰院殿月光淨輪大居士初願忌塔銘



寶篋印塔銘並序

維時明和二年乙酉秋八月。日州清武才子雨桂館滿丸。貢奉佛敕。信翼  
化門。爲人不奔勢利之門。唯以賑貧民爲心。以誹諧彈琴鳴于世。于詩于  
文。又何擇焉。爰造建寶篋印塔。就予乞銘。銘曰。鑠子志兮。酬父母。偉斯塔  
兮。度群有。遶三匝兮。宜拱手。阿呵呵兮。三八九淨佛土兮。又抖擻。勒無字兮。  
振不朽。

同

建立此一塔。書寫讀誦此陀羅尼者。爲追薦淨智院殿本圓現光大姊歷  
世精靈圓臺智純信女及無緣法界冥福也。願施主伊藤祐從以此功勳  
力。衆病悉除。福壽無量。長令子令孫。銘曰。此國無此塔。一夜現此中。此塔  
八萬塔。此功德無窮。

功無德德。銘曰。手不把卷。口吐紅蓮。諸佛出世。爲此因緣。

明石紙屋柏生某等法華塔銘並序

夫妙一字。周遍法界。所謂佛心也。非心非佛也。不見道。不染世間法。如蓮華在水。如來以如是法度衆生。是出世本懷也。縱有一法過之。皆是夢幻空華也。書寫之者。守貞尼。爲之先驅。而一族爲之殿後。嗚呼。其全功而不伐者乎。銘曰。書寫功德。詳于經中。善根冠世。慈心滿空。松枝日茂。栢樹家隆。爲銘勒石。傳之無窮。

日州天岳院小鐘銘並序

檀越廣島屋傳藏。茲鑄小鐘一口。以備天岳晝誦夜禪。如其隨扣擊。則妙音妙響無缺。且請銘於山野。卽合掌。祝銘曰。纔現半身。口倒闢。說玄談妙。秋風夕。若能此去。副全提。朝打三千暮八百。

銘

法華塔銘並序

赤石住尾張屋久兵衛。姓加藤名方晴。字春江。處考紹廉居士喪。孝敬愼嘿。欲爲居士及九屬親眷書寫一乘圓經。於是乎。稍聚小石書。斬衰中。始天明癸卯春。五更裘葛。終丁未孟夏。且聽客冬當山七世太瑞老應方晴之需。將作碑銘。偶染風疾。不果。租自造意。微遺手澤而殂。但晴也淳也數句耳。予更爲蛇畫足。擬序銘云。日輪當午。非低非高。感經王德。揮須彌毫。晴也孝美。淳也銘禱。表塔龍谷。菩提專禱。

大乘妙典一千部供養塔銘並序

此有了觀道者。積日累年。而讀誦此經王一千部畢。經云。若讀誦。若書寫者。悉皆成佛道。又曰。此經難持。若暫持者。我卽歡喜。諸佛亦然。偉哉。無功



之櫛。太眞就眠錦衾。滿天飛雪。西施暴骨泉下。匝地清風。不動寸步。箇箇路頭通。不出三界。物物全體現。龍女一寶付與于君。然雖與麼。山僧別有送行一句子。試舉楊去。風吹柳絮。毛毬走。雨打梨花。蛺蝶飛。喝一喝。

松源院嶺雲義榮居士掩土

一株元是太夫松。嶺上寒雲經幾冬。薤露秋風初夜後。半輪山月水無蹤。

仙岳玄翁居士掩土

夜來擊碎虛空骨。倒跨鐵牛背上行。蜀魄不知啼綠樹。薰風依舊可憐生。

大寂文海首座掩土

大洋海硯須彌筆。無字送行無字經。好箇轉身時節子。虛空昨夜夢初醒。

明惠宜永首座掩土

當敲諸方知識門。何圖永訣脫籠樊。送行一句未開口。石女木人暗斷魂。

相明似夕月。佛祖命脈。能分教外玄黃。人天法王。不羨南方成佛。出離三從宅。擊碎五障梁。人縱從莊周謠妻喪。蔑聖齊萬物。我則事孔丘。謂寧戚。整禮綜三綱。卽今要諦當。又幸逢不會。拈鑊子云。摘楊花摘楊花。喝一喝。

貞窓月心大姊掩土

不假鑊頭埋沒了。果然大地寸還無。清涼今夜三更月。蚌蛤因何失却珠。圓心院殿蓮法清。薰大居士奠茶。

茶盃蕩盡沒商量。不動舌頭誰得嘗。萬壑松風一甌雪。爲君今日洗肝腸。梅谿院殿春光如雪大姊掩土。

東隣暮笛滿西隣。散入渡頭楊柳新。夜半狂風欲吹轉。梅花已落一枝春。夫惟梅谿院殿春光如雪大姊。如花<sub>レ</sub>在風。似雪點煨。相逢丙丁失所在。聞著東君總不知。春夢頓醒。告別於十七年之夕。鏡臺長空。掩粧于初三夜。

九十四年瞎老婆。眞如實性莫蹉過。送行一句君須會。露柱燈籠唱挽歌。  
靜性壽閑居士掩土

葉落歸根十月天。不<sub>レ</sub>今時又絕那邊。威音劫外無生死。下<sub>レ</sub>載清風入馬年。

桂窓了圓居士掩土

秋雨蕭蕭山上雲。桂花不<sub>レ</sub>見送<sub>レ</sub>芳芬。無何有野行人少。蟋蟀聲中絕<sub>レ</sub>耳聞。

清壽院貞岩守心大姊秉炬

四大分離絕去來。娑婆卽座寂光臺。清風吹散無量壽。火裏蓮華朶朶開。

圓照院寶鑑智月大姊掩土

四十年間夢一場。清風明月露堂堂。來時無<sub>レ</sub>伴去無<sub>レ</sub>侶。昨夜三更桂子香。  
共惟圓照院寶鑑智月大姊。宿緣所昌。現果可見。被<sub>レ</sub>鵲巢化。效<sub>レ</sub>螽斯章。忽  
赴<sub>レ</sub>無何有鄉。神通遊戲。直是寂光淨刹。光明十方。觀浮榮鹽<sub>レ</sub>於朝霜。悟實



西岳祖來首座掩土豐後之人

赤浦霧中覆鐵船。轉身初夜月明前。請看三尺豐城劍。一道寒光貫斗邊。

代人和韻

棹月頻移夜壑船。風清赤石五更前。相呼相喚不回首。恐到彼無何有邊。

龍谷童行幻空掩土

名虎藏十  
一歲而殤

虎生十一未生風。嘯月直去龍谷中。折合還無去來跡。木人淚落古叢叢。

量海全壽大姊秉炬

人人有此大光明。正眼看來無死生。松下占涼夏天夕。薰風不識一池清。

寶鑑妙珠大姊掩土

不問龍女成佛年。寶珠光現盡三千。德山此夜無些子。各自爲君臘八禪。

榮室慈恩大姊掩土

春秋四百太平年。十五世中霸業全。區別經營安國寺。扶桑此日德光宣。

慈廣院殿一百日忌安牌

仲冬三九安牌令辰。割開正眼。靈驗維新。群集海衆。公德成隣。靈山會上。  
有此宿因。裁八行偈。祭百日神。劫石消盡。母空願輪。佛法世法。度天度人。  
慈悲爲宅。廣施寬仁。在明守護。在幽梁津。外魔無障。山門永鎮。

同一周忌

至治馨香一歲新。秋風薰徹報恩人。曹溪水口無此物。焉識南宗識已眞。  
金蓮東沙侍者掩土

未開數此紫金蓮。吹折秋風夜壑船。東死東生看字畫。元來十八日輪圓。  
知眼若水道者掩土

一生不錯曉天鐘。典座淨頭又可宗。何事先吾擔板漢。背春踏斷妙高峰。

洛東瑞龍山接待十六羅漢點眼

西天十六阿羅漢。忽現南禪接待臺。遊戲神通應任汝。瞿曇正眼返吾來。

法華塔供養

不勞四大海爲墨。安借五須彌作毫。無字經王孰書寫。巍然一塔壓天高。

良勝寺落慶供養

一草插來已昔時。今成梵刹亦胡爲。春風不識眞般若。山色松聲也太奇。

安國鳳巖座元秉炬

此老天然質朴師。手爲棺槨又他時。數行遺草任先旨。纔有二三辜負伊。

西林梅徑和尚秉炬

梅檀樹下別成徑。昨夜西風香滿林。此外何須焚沈水。東籬自有菊花深。

和等持院殿四百五十年忌香語韻 太平安國山號



兩個金剛大力量。觀音薩埵現中央。點開眼目祥雲頂。法雨遍淋盡十方。

日州太平山安國禪寺佛殿落成釋尊安產

久雨今朝忽快晴。此斯古佛大光明。山僧幸有無生曲。更爲國家祝太平。  
地藏薩埵點眼

人天盡有一雙眼。況又此尊應化身。大地山河是何物。寒梅數處已先春。

金毘羅遷宮

龍谷鎮守  
瑞雲山號

從竺土來護海東。象頭山主大神通。尊容新現瑞雲社。惟德惟馨羽扇風。

日州垂水地藏尊點眼

師祖翁一源和尚手親栽松於此地。今成林。旅客茲憩。國人至今稱一源松云。

點開正眼一毫頭。源祖松邊垂水流。從是成名地藏谷。渡驢渡馬幾春秋。

安地藏尊於新堂

分身六道發毫光。薩埵深恩盡十方。春夏秋冬掛明月。冬來日影入新堂。

圓通大士安座

德山別峯  
再建小堂。

開道營堂爲化緣。瀾漫法雨界三千。觀音在君信心力。莫笑山僧貪佛錢。

僧堂落成出山佛安座

出山佛現日峰巔。渡海椅從外浦船。添得僧堂三具足。此中誰缺祖師禪。

日州迷津兒島虛空藏之靈區。濱海往來路絕人患之。師爲祈通一線路。唱偈了。海水忽乾。時人奇之。

路隔迷津人不<sub>レ</sub>安。潮連兒島起波瀾。南無滿願虛空藏。覺海從茲一夜乾。  
大龍寺本尊彌陀脇士觀音勢至三尊點眼

是此娑婆卽寂光。人言淨土在西方。今朝八月正三五。水鳥樹林念佛場。  
別別。金屑雖貴。落眼成翳。

同觀音大士並金剛二力士點眼

夜色深沈絕點塵。塔前燈影獨相親。臥雲眠月蘿窓下。夢覺十三徽外春。

正傳龍川和尚四百五十遠忌山號吉祥

坐斷吉祥千仞巔。東巖的子是龍川。今濺法雨蟬河上。四百有餘五十年。

大應國師忌

小白華邊入夢時。南屏夜色月應知。再投波浪龍淵底。東海業風今尙吹。

龍谷開祖天叢和尚忌

此香空劫以前傳。拈作天叢一炷烟。激起劍江涓滴水。風寒南浦古帆邊。

良勝徹道和尚三十三回忌

三十三年元一年。一年非一是何年。強名年諱好隨意。惟此一香不識年。

迷津延命寺本尊地藏薩埵點眼

漁人獻渡海  
椅子於師

漢土贈吾渡海椅。寧辭日本運禪師。波瀾浩濶無人識。唯有地藏剔起眉。



知足老師卒哭忌

雨聲連夜響空宅。尙憶佳人燭影深。秋到還驚桐葉落。夏天蓮子已成今。

常德開山雲南和尚百五十年忌

百有五十歲月懸。豫充忌景一爐煙。不知開祖應供否。雲起南山日午天。

知足老師盡七日忌塔號紅瑪瑙

薦將蘊藻焚梅檀。却恨炎天片雪寒。埋沒山前紅瑪瑙。大家不許玉人看。

太瑞老七回忌

大應錄會  
中預修

來歲仲冬初七年。今年此日好因緣。銅頭鐵額四十指。和木札羹充百籩。

法藏開山五十年忌

正當九月預  
於三月修

曾閃法旆步玉墀。春光都在雜華枝。忌辰二百阿羅漢。不待秋風落葉時。

宿要行禪院遇臥雲禪師十三回忌

唱誰家曲。嗣阿誰。宗派難分。歲月移。松葉氏兮松葉氏。杜鵑頻問杜鵑枝。

知足閑居巒翠林。和尚起龕

此老愛白鬚。縛  
乏以三五綵絲。

知足八旬有七年。此翁寧可入黃泉。白鬚胡與胡鬚赤。不在龜毛兔角邊。

同初願忌

杜鵑續淚曉朦朧。雨滴德山古梵宮。一棒一條痕。尚在報恩句子爲誰工。

安國一源和尚五十年忌

元是曹源惡毒泉。滔滔日夜下前川。果然海底紅塵起。生帶難除五十年。

石點先師三十三年忌

涅槃三十有三秋。頑石到今不點頭。眞箇闡提生鐵面。刮霜冷燄幾時休。

安國鳳巖和尚十七年忌

一語今猶在耳中。祖庭木葉幾回紅。朝來霜重板橋上。欲渡逡巡仰遺風。

大法和尚一百年忌

蔬食菜羹陳目前。秋風階上日蕭然。請師如有三生作。轉大法輪一百年。

神機獨妙禪師三回忌

獨坐參天荆棘叢。殺人毒藥氣如虹。百回千度惹衣著。結得冤家鐵面翁。

聖泉院開祖三高和尚忌十月五日逝

高臥片岡檻縷軀。班鳩何事駐驪駒。顛言倒語無人會。一曲和歌動帝都。

獨妙禪師忌

山有芙蓉禪有師。張軍東海閃紅旗。一從平帥驚鳬雁。浮島于今無敵窺。

鳳巖和尚十三年忌

無影樹枝一炷香。十三年後日吞光。菊先梅藥花開早。眼處聞鐘愁恨長。

報恩開祖忌

此老未詳嗣承。惟爲三姓松葉氏。



此老本來空裡基。死中得活絕安危。平生對客手談險。一著而今付與誰。

鰲山和尚三十三年忌

預修正當六月

三十三年夢一場。爐頭聚首蒸黃梁。今朝忽仰蒼天哭。六月雪鰲五月霜。

大光角隱麟西堂百五十年忌

麒麟一角絕春秋。百五十年日月流。三刹今朝齋筵大。大光明現海南州。

天隱育和尚三十三年忌

驀過三十有三天。遊戲神通妙不傳。試見夜來風雨外。無陰陽地在誰邊。

報恩開祖忌

殃害祖翁選佛場。幾多破衲氣如王。不須山野雪他屈。杜宇一聲充此香。

安國鳳巖和尚七回忌

鳳凰高聲喚不回。七年空見一樓臺。園垂竹實醴泉湧。豈太平無德氣哉。

石點先師五十年忌常德寒山詩會中預設齋筵。正當十一月。

六十九逢五十年。酬恩幹蠱失完全。惟將二月花開日。換却仲冬風雪天。

龍谷太瑞老三回忌主席愚門長老拜請師於正寢。自居偏室。

冤恩相結幾年光。滅後三周拈此香。自笑今時臨濟老。依稀興化侍東堂。

龍泉開山法燈國師五百年忌

嘆息扶桑三八禪。法燈將滅半千年。普請龍象添油去。個裏何人續焰煙。

靈源和尚一周忌禪師草創要行蘭若。開堂翌春。應江州清源之請。於會中示寂。

要行行去去春哉。挿草先成澤畔臺。不是雷遷遷化後。全身已自大湖回。

延命麟山和尚七七日記

絕筆獲麟魯孔丘。今年五十六春秋。杜當陽亦難容釋。一字貶來十二侯。

昭眼丹嶺和尚七七日記

小佛事

新德開山天巖和尚三回忌

山號鳳翔

鳳歌曾唱鳳翔春。曲罷餘音三歲新。千指高僧相和否。無風梁上尚飛塵。

同七回忌代人

鋤斧初開荆棘叢。靈牀七載欽餘風。後園春暖蔬菜嫩。供養五湖四海僧。

順心開祖法燈國師五百年忌預修

扶桑二十四流禪。五百年辰今幾年。預點法燈設齋會。滿山紅葉小春天。

龍谷太瑞老一周忌

赤石之檀越經營一宇爲三師鬼衰之處。

一稔纔過一瞬中。靈牀今尙欽家風。許多兄弟先吾去。不謂新堂寄此躬。

月菴大和尚四百年忌

萬秀神撫二山共乃祖開榛之地也。春秋各修遠忌。

萬秀山秋神撫春。春秋四百有餘霜。今宵月出三更裡。請見庵前放白毫。



韶陽一字透過去。萬仞崔嵬雨雪寒。堪笑忌辰逢此老。錯收坐具展開看。  
關山萬里雪漫漫。南北東西行路難。只有梅花漏春信。度香橋上幾人看。  
掠市應燈二祖恩。猶餘一句累兒孫。夜來有賊藏庭柏。相捉天明趕出門。

隻履直飛熊耳雲。袞龍空捨片岡墳。可憐饑凍人難測。肖像因何從國君。  
香語非難說。夜來惡海風。向西携隻履。賊後似張弓。

橫携羌笛爲誰來。調入梁江魏海哀。將謂時無賞音者。雪中吹落一枝梅。  
蘆葉飄飄去國人。又攜隻履動煙塵。神通妙用今猶在。借水獻花正忌辰。  
小春初五雨如煙。楓葉露霑轉寂然。末後寒庭無斷臂。遑遑復是去葱巔。  
蹈翻魏海與梁江。十萬餘程履半雙。新絳袈裟新白拂。拈來楓葉撲閑窓。  
袈裟者。近衛家大夫人所賜拂子者。春江居士所惠。今朝始受用焉。

關山忌

南村雨矣北村雪。門外斷橋不管他。普請若干多力士。搜材溯水大寒時。  
日月雙回十二辰。謾將律呂說愁人。休言笛裡梅花落。最是江南漏泄春。  
曾吹一曲謁天朝。聲入鳳凰臺上遙。腸斷寒梅微笑曉。關山月照度香橋。

不識廓然道不分。一華五葉日紛紛。更無人問西來意。多是諸天漂渺雲。  
少林古曲絕絃時。月隱西山流水悲。夜半三更呼不答。愁心一片有鍾期。  
今朝祖忌衲僧忙。添得晚來佛事長。欲問西歸閑隻履。使人轉憶謝三郎。  
魏海梁江西又東。鯤鯨難得釣漁翁。雪寒一曲少林曉。葦舶蒲帆張逆風。  
傭人大興寺荒頽。牛事纔過馬事來。到晚度斯新發意。今朝鼻祖忌辰哉。  
老胡西去我南方。延命門開六道場。堪笑善財彈指外。紅楓吹滿小春霜。

時在南鄉延命寺講地藏經。

吹笳謾闕當門齒。泛葦還呼渡海聲。熊耳山中收不得。元來九尾野狐精。  
君西歸我自南來。千古鳳翔月照臺。因憶當年深雪裡。誰占五葉一華開。  
於肥後求麻鳳翔山。

西歸孰與厥西來。今曉雨聲響古臺。爲有堂中涕零客。少林祕曲半休催。



細雨濛濛春半深。二千年後古人心。風搖嫩柳黃金色。鶯囀落梅白雪音。  
掃除四十九年非。薪盡頻吹火滅灰。何處喪車懸藥袋。東西相聚共扶哀。  
花落花開二月中。山河不識一春風。天上人間頻涕淚。沙羅林下雨濛濛。  
楊柳失青花失紅。遊人有恨夜來風。相呼相喚知多少。春夢難醒丈六躬。  
今日有兮明日無。叮嚀說示紫金軀。二千八百餘年後。殃及人間天上徒。  
藤江一會勝伽藍。二月春光到半酣。花鳥不知涅槃日。鶯峰猶有老瞿曇。

藤江地名。  
鶯峰山號。

涅槃臺上好因緣。龍象如雲滿法筵。柳示雙趺些子事。二千年後有誰傳。  
我見如來相。三身元不生。世間多少客。未入涅槃城。

初祖忌

紫稜石面老胡禪。射聖諦鷹是廓然。骨肉髓皮誰辨的。今朝十月小春天。

必有祥瑞。翌晨。太左衛門果洒掃祠堂。安置出山佛像。余投五瞻仰。佛像純黑也。嗚呼。夜來黑石黑蛇入夢者。正知其應。而不堪感淚。仍想像四十年前之事。於東都護持院所拜之者。彷彿眼前。老僧曾住日州報恩禪寺。日獲春日之作像于鵜戶山隆嶽法印者。同一模範。太左衛門復囑老僧曰。永供養爲福田。蓋是嘗自天竺所傳之銅金像也。在紫野雲林院大燈國師塔所者亦是也。可往看焉。於是。余方以七寶莊嚴造作方龕。且記夢中幻事。爲幻人說云。

西天鑄出出山佛。紫野雲林有此尊。貯得龍岡春夜夢。今朝臘八爲君原。  
佛涅槃

慇懃拜此臥如來。咄咄千牛牽不回。將謂趙州相見了。愁腸還在涅槃臺。  
雙林忽倒毘嵐風。胸火燒登沙界中。唯有波旬春不管。人天淚雨畫濛濛。

頂上鵲巢戴寶冠。眉稜蛛網掛華鬢。瞿曇老矣瞿曇老。今曉因何忽下山。  
皮骨相拄似死灰。見星何作活如來。寒時寒殺好時節。莫待春風五葉開。  
一見明星眼若眉。楊妃何必擬西施。藤三欲療源三瘡。誰識變爲牛馬醫。  
六白工夫絕苦艱。見星端的萬重關。今年臘八無他事。不起座誰臻雪山。  
臘八懼寒懶出山。瞿曇可笑老衰顏。來年若得春風暖。拄杖先吾下壁間。  
戒壇出山佛度一二沙彌。今曉見星事。因循待幾時。此日度二  
人沙彌。

夢感出山佛偈並引

今茲寬政二年龍舍庚戌春三月。應播州赤石城外龍岡村長太左衛  
門懇請前夜宿家兄太兵衛宅。夢我法叔知足老隱將招請太守。新築  
假山。其妙境頗似靈山。憑杖登望。巖石悉黑。余太奇之。時黑虬蛇鵝面  
突出。將吞却老僧。避之無地。不覺因地一聲。夢始醒矣。竊謂每夢龍蛇。



佛成道

出山一路大難難。雪鎖千峰曉色寒。佛日當頭如不現。依然滄海黑漫漫。

于時佛日山主  
拙堂和尚來也。

疋客膀胱十五年。時臨寒餓轉鳴咽。山僧爲爾飽辛苦。出去今朝臘八天。  
經行僧引一盲飛。夜坐或時現白衣。隨意如來成道後。戴星多矣見星稀。  
出山佛自日峰頂。天德還成鹿苑看。莫問夜來見星事。先春梅蘂雪中寒。

于時得出山像於鵝戶山。傳  
聞春日所彫刻之靈像也。

遠志六年山上山。星光翳眼落人間。多成小草田園裡。不管寒梅獨破顏。  
夜來和尚已蹉過。圓也金言勝釋迦。唯恨一關誤下語。見星端的又如何。

攝心滿夜經行之時與  
若之圓禪人有法語。

臘八射鷹人謝過。悉皆成佛碎群魔。夜來祭禮三十六。添得今朝老釋迦。

佛誕生

一動千戈見不平。八千餘度戰奇兵。俱爭諸將勳功大。難奈終成豎子名。  
定慧圓明出母胎。誕辰一句又奇哉。吾儕無此生緣處。唯願還君三昧來。  
二月未生已涅槃。世人多有此疑團。今朝降誕頻相問。吾亦摸稜持兩端。  
君自懿摩七世孫。降生鷲口獨稱尊。當時若使韶陽棒。癩狗飢鶩爭噬吞。  
埋沒榮禪難太平。未經七七祝降生。就中悲喜交相集。一枚香湯洗不清。

時太平山主榮公圓寂  
未終小練忌故云爾。

無憂樹下步遲遲。右脅生斯跨竈兒。今日何須九龍水。春來厭雨已多時。  
甘蔗流苗立地生。鏤頭無柄沒人耕。毘藍園裡難芟却。彷彿庭前草一莖。  
摩耶掌上夜光寒。照破三千刹土看。暗裏波旬猶按劍。人天爭價大難難。  
佛生日矣佛生日。佛口所生一子親。唯我獨尊是何物。威音那畔解翻身。

萬頃田。



槐安國語開卷。大槐安國夢中談。張厚面皮不識慚。惟有黃鶯歌古調。海

雲山上兩三三。海雲者  
山號。

同講了。擊碎八宗動帝情。空囊破碗一身輕。乞兒惡臭今猶在。第五橋邊  
洗不清。

槐安國語殘講。春遊數處似雲閑。又見業風吹別山。挑大燈來光未盡。青

烟銷斷兩重關。始繙海雲山  
終講吉祥山。

同講了。二山成會一春風。又向丹波尋古叢。金色杜多難擯出。前三三後  
趣相同。

寒山詩開卷。月裡寒山行甚早。竈前拾得笑彌遲。相呼相喚天台路。問著  
黑頭總不知。

祈蝗災。溽暑何堪六月天。加持經咒利無邊。卽今去去蝗蟲等。勿害嘉苗

碧波瀾。

大慧武庫開卷。佛日雲霾十七霜。再昇雙徑發輝光。戈頭何用返三舍。亭  
午天開法戰場。

同講了。甲兵納庫鳳凰城。文武衣冠賀太平。猛將謀臣賞勞日。凌烟閣上  
錄功名。

參詳語要開卷。乳竇千尋惡毒泉。又臻龍寶更添淵。無風波起今猶古。膽  
裂魂飛枯木禪。

同講了。參詳孰若罷休時。莫對秋風恨國師。歸去來君自怡悅。八王雲白  
贈阿誰。八王者  
山號。

祈水上堂。法水漫漫滿大千。此中何論井兼川。南無地藏願王力。涌出曹  
溪卓錫泉。

同講了。三尺龍泉握裏寒。不知猶作鈍刀看。惜哉今曉悲鳴去。紫電翻騰十八灘。

護法論殘講。張公爲相賜商霖。護法高論不可侵。兩處度春花下路。雨過

廣澤一池深。

始新德而終要行。

寒山詩開卷。昨夜寒山入夢時。分明告莫說吾詩。在傍豐拾頻相笑。覺覺春風枕上吹。

同講了。講寒山罷祖英開。乳竇古風春滿臺。先去姬城花下路。儂家近日

問香來。

時有姬城慶雲祖英集會。

大應錄開卷。東海倒瀾誰得回。日多懸識只樓臺。勸君四會左邊底。一一分明右邊來。

同講了。芟除四會葛藤蔓。點出三春梅蘂寒。前路逢人誤勿舉。舟過南浦



法華中。

時講法華序品未央。應請講普門陀羅尼二品。

月菴錄開卷。四百年前鐵眼睛。拈提語錄似雷鳴。韶陽關字幾辛苦。一夜

工夫白髮生。

應攝之禪昌寺請。時開山四百年忌。

同講了。罷野干鳴。拋獅子皮。聲前一句。聞者阿誰。周行七步還何事。今日正當降誕時。

六祖壇經開卷。割柴舂米重於山。夜半密傳衣法還。希有嶺南村獠獠。離文字相使衝關。

同講了。此經無始又無終。千載誰揮已墜風。欽白江湖參學士。曹溪宗派要流通。

獨妙禪師普說開卷。百年東海大宗師。一見端公眼戴眉。哮破諸方蓋甕

輩。金毛變作野狐狸。

時應龍泉之請。

闡提毒語開卷。橫擔擔子重千鈞。賣弄諸方說向人。赤石城邊設下載。清風明月幾回新。

趙州錄開卷。布衫元來重七斤。而今破卻懶呈君。丹南但北如無用。放下

秋山深處雲。

應但州大  
圓寺請。

同講了。水上葫蘆按罷時。西西北北任風吹。趙州東壁看如奈。不掛那邊庭柏枝。

四部錄開卷。東四部來一串供。信心證道已形容。十牛須牧坐禪客。願起古風振我宗。

法華經開卷。三處度冬是一乘。元來壁上舊烏藤。慇懃爲報看經眼。誰錯成淹黑豆僧。

同講了。普門示現出圓通。說大陀羅尼品終。前後參差餘念六。知音別在

臨濟錄開卷。九百二年吼喝雷。依然作雨作晴來。瞎驢滅却三玄要。拋擲  
鏹頭歌莫哀。

三玄戈甲出禁城。大喝一聲天地驚。凜凜威風從此起。寰中塞外自清平。  
同講了。春風二月法王城。日日講筵雨忽晴。奇特天然非我事。瑠璃界上  
大光明。

祈雨上堂。鷲峰受囑八龍神。今日依君請雨頻。佛法若無此靈驗。世尊又  
是脫空人。

臨濟錄開卷。殿碧巖先驅武庫。三玄戈甲鬪龍虎。不論滅竈與添兵。八萬  
魔軍忽潛武。前有碧巖會。後有武庫會。

同講了。金剛寶劍匣中收。一曲凱歌奏鳳樓。四海狼烟今已斷。花街柳巷  
奈風牛。



元宵示衆。古人云。一燈分成百千燈。此夜長安城裡。家家燒燈加白日。兒女百萬鬧啾啾。衲僧家自有室內一盞燈。請各各挑起一燈來。問答不錄。乃曰。江南禁冬不禁夏。江北禁夏不禁冬。隨處成窠臼。吾大日本國夏冬兩禁。恰如蠶作繭。自縛自索。所以臨濟德山棒喝交馳。無備近傍處。逆浪無這個狼藉。何故。明朝各自東走西走。夏冬中間底事且致。送行一句有些些。偈曰。

瑞祥經雪似閃電。瞞我瞞人不著便。此別求麻橋上春。碧巖鳥啼花片片。除夜示徒。東山暗號久沈浮。若欲參禪要實頭。露柱裁成分歲句。燈籠無口孰添油。

般若心經開筵示衆。初心運始涉言詮。隣壁老僧笑滿天。幸有東山門下事。爲君說向左邊邊。

喝一喝。

改旦示衆。二會班春兩地臺。日南肥北一枝梅。有人如問新年法。胡漢那邊影不來。卓拄杖一下云。咄。箇古鏡。胡漢若不來。爲什麼。二會班春兩地當臺。作麼作麼。曾向馬祖庵前打破。還入雲巖室中密付。不見道。始型時。朦然及粉之玄。錫之白。旃之。則照徹心膽。邪正自分。可怖。彼閻羅王宮業鑑。可貴。吾大日靈尊神器。諸仁者。揣磨好。打破好。逆浪總不要。且喜。元正啓祚。和氣靄然。把筆人吉。地名茶麻土產吉萬事皆吉。伏惟堂頭和尚命山野陞座。一願天下太平。二願萬民樂業。三願瀉山水牯牛。水草長甘。毋致背長角瘦。卓拄杖一下。

碧巖錄講了示衆。芟除百轉葛藤蔓。揮罷吹毛匣裡寒。欽報堂中千指客。不傳妙道大難難。

井底日乾惱亂人。龍王龍子儘相親。曹溪一滴清涼水。卓錫聲中賑久貧。  
冬夜示衆。古人云。無陰陽地。一片好風光。爲什麼。此夜群陰剝盡。一陽來  
復。正當師僧家懸崖撒手。絕後再穌底好消息。卽今撒手來看。有麼有麼。  
問答  
不錄。

乃云。諸和尚子。直饒恁麼。更須知有向上一竅。如何舉揚去。擊拂子云。不  
道不道。恐是願行寺貓兒。不然。德藏司茶壺。喝一喝。

除夜示衆。臘月此夜去。千手大士攔不住。新年明朝來。卷却舊曆日。颺在  
無事甲裡。來不來去不去。六不收。七斤衫。逆浪不烹北禪白牛。鳳翔鍋子  
大小札羹釘飯。總一任。堂頭和尚管顧知事了也。雖然恁麼。客須聽主  
裁。古人云。來年更有新條在。者裏不涉去來底一句。還請各道看。偈曰。

歲暮求麻川上流。垂綸海客泛扁舟。風寒浪起深潭震。那個漁人不舉頭。



覺辛爭苦諫却勝同胞親。鳳山今日命報恩。胡說亂道。不顧拔舌苦。雖語無度。疏祝開筵。師就座曰。雪竇拈出一百則爛葛藤。始從廓然終至吹毛。劈腹剜心。說與諸君。圓悟添薪。大慧吹火。張煒燃燼。恰值逆浪舌痛。大衆還會麼。卽非賣弄。果是生瘡。莫道夜來霜威重。今朝十月正三五。去却一拈得七。山僧別有一偈。

雪月拈來何章句。三十四老曾辛苦。而今湖海競頭看。風攪紅葉山村雨。復云。點。

謝語。伏以。堂頭和尚退已推他。影嚮諸大老。如普化於臨濟。一會海衆竝列職諸位禪師。補闕扶拙。久立珍重。

祈井上堂。金輪無際活阿伽。卓拄杖頭不斷波。箇箇拈來甘露味。驀提三印又如何。

瓣香。熱向爐中。先爲國家祝筵昇平。伏願闔郡尊官。內施周召德政。外護  
佛祖法幢。且綴鄙章。以恭奉酬。從上諸聖及勤寶二大老深恩。伏乞垂昭  
鑑。辭曰。滔滔靈泉。萬頃怒濤。捲毒霧。巍巍乳竇。千重疊嶂。驅臭煙。泛游者  
只窺涯。躋攀者豈取路。共惟勤寶經。權衡佛祖標的宗門。痛發得韶陽新  
定機。頌出百則閑家具。驀奪却東山暗號令。品藻數段陳葛藤。敢保明覺  
具七翰林奇才。冷笑圓悟蒙三朝廷睿顧。飽喫艱酸。撥轉馬祖日面月面  
緣。恣打屎腸。劫奪禪月五帝三皇句。文字禪甚可怖。活商量誰敢當。大慧  
撮來付丙丁童。尙嫌截腋出羽。張煒放過。墮剗闕氏。却甘嚼飯養兒。遺爐  
帶累千人英。餘殃惹得二子瘡。堪笑鳳潭逞鷄臭。徒妄解。恰似跛鼈望禹  
門。可貴永平揮兔毫。親疾書。猶如白馬到漢土。曾感得神明擁護作。終不  
出敎家偏局量。已矣乎。運上座。具羝羊質。來被麒麟煊舞。太平昔時責昭

來年更待蠶麥熟。羅睺羅兒與一錢。何故明朝大年朝參。

正旦示衆。新頒鳳曆下堯庭。山岳齊呼萬歲聲。徐六兮吟得口濶。破碓兮拜得身輕。童擎菓盆。攄賀正。士酌屠蘇。祝太平。因甚如是。主丈子答得道。今歲定豐榮。喝一喝。

法華經收卷示衆。說妙談玄。老釋迦。幾年門外挽三車。依文莫解禪家者。惱亂春風眼裏沙。

上元示衆。今宵天上月圓。今日人間月半。此是燈明如來熾盛光明神咒。若會。吾大日本國都道。左義長。中間有些子誦訛。明朝送滿堂大衆却回。再與評唱。擊拂子云。摘楊花摘楊花。

明和八年十月十五日。於肥後求麻瑞祥禪寺結制。預受鳳翔和尚勸請。碧巖錄開卷示衆曰。山僧今日事不得已。對衆枉舉揚宗乘中事。此一



作務區區役役。今日展筵。等答君臣。徧報過現未來十方賢聖生生所參。見諸善知識衣鉢道友師僧父母一切恩門一切含靈。爲便是自然而至。爲復是從功而成。還會得去麼。若未會。曲務速說著。卓拄杖一下云。不見道麼。難透難解難入難信。山僧別有一偈。

圓教意圓人不知。夜深山閣月臨時。家風蕭索生柴火。一箇村翁汗面吹。  
喝一喝。

冬至示衆。若論一陽來復。只是要大死一番。若商量洞山菓子。齒牙先寒。諸方明窓下待高賓。烹龍肝鳳髓。山僧此間。鉢囊破綻。難盛白牛。卓拄杖一下云。上中下。

除夜示衆。北禪今夜烹露地白牛。分歲正與麼時。使阿誰喫。若道可喫。張三李四。切齒怒伊。若道不可喫。釋迦彌勒。皺眉望汝。山僧家貧難辦麤食。

次拈香曰。此一瓣香。熱向爐中。供養護法諸天。並吾大日本國大小神祇。恭願。慧日永輝。法幢彌固。

次拈香曰。此一瓣香。奉爲大檀越。飫肥俟朝散大夫。祐福公。資倍祿算。伏願。松柏之壽。仁義之政。柱石國家。撫育生民。且祈。五穀豐登。庶事安寧。復拈香曰。此一瓣香。奉爲光寵法筵。諸老和尚諸位禪師。一會知事頭首。海衆十方信心檀越等。唯願。道身堅剛。不違鷲峰契約。互爲主伴。重重無盡。

師垂語曰。若論此事。不問來與不來。一等上下三指。彼此七馬。卓拄杖一下云。便恁麼相見。早隔五須彌。若也待開口。止止不須說。我法妙難思。還有知箇中事底麼。問答不錄乃云。我本無心有所希求。喫盡艱酸影憔悴。今此

寶藏自然而至。驅白牛於露地。立玄軌於化城。或驅城外丁夫。或勞山中

# 爛枯柴 上篇

侍者 豫州 原教集

參學 琉球 宗胡校

師轉位於法山第一座之日。於微笑塔下垂示。舉娑婆往來八千度

本則。頌曰。

神武元從我國開。風流今日化僧來。八千餘度南無佛。四弘願輪又苦哉。  
明和第七年龍舍庚寅十月十五日。於日州飢肥報恩禪寺。法華經開筵。  
拈香曰。此一瓣香。熱向爐中。恭奉爲供養大恩教主釋迦如來及三世諸  
佛法華會上一切賢聖。開山雪山大和尚。歷代祖師。神機獨妙禪師。先師。  
石點老東巖禪師。竝蠢動含靈。



記

書牘

傳

普說

下篇

頌古

讚

偈頌

對揚篇

行狀

目

次終

爛  
枯  
柴  
  
目  
次

上篇

示衆

佛誕生

佛成道

佛涅槃

初祖忌

關山忌

小佛事

銘

聞見以爲爛枯柴版行之傳。炷香九拜欽誌其跋



爛枯柴者何。日州報恩禪師之語錄也。師今在逆浪窟。接化佛在世無經師在世有錄者何。師之法嗣在琉球者寄疏於逆浪窟之侍史而云。我輩先年於貴邦二嚴觸師辣手忝嗣子列。雖然爲有國制不能執師巾瓶朝參暮請盡其蘊奧。常以爲恨。所冀侍史編師語錄我黨警箴何以加之云云。於是侍史編之訂之將刊行之。師僅見之呵咄而云。有笑之者有謗之者罪歸誰哉止之勿梓焉。旁僧云否也否也笑任他笑謗任他謗。師只默忍許其刊行。已吐言句已著紙筆今曷惜哉。不啻琉僧之請又湖海之望也。於是師休藁成。名爛枯柴者何。是侍史代師所銘之卑稱也。雖是卑稱披閱此錄。知爛枯柴所以爲爛枯柴者那時犬吠猫飛馬亦驚。祝祝。

寬政三年辛亥冬制。寓赤石龍谷寺大應錄會。讚岐安山九峰主拙以所

毛  
思  
溫

# 爛枯柴序

運滄海禪師自日道起早撞入闡提窟裏喫老鵠林辣手毒然後回鄉繼德山席接物利生煎佛煨祖茲歲秋應請於都城二嚴吾鄉諸禪衲入其爐鑪上其鉗鎚者夥矣機髓二上座攜其語錄來示予因而閱之峻機妙用乖崖峭壁雄音絕唱鳩鳥砒礪噫呼微二上座予焉知禪師哉雖然是書恰如了叉路口多年鄰皴一橛刀斧斫不開缺人馱將去也任他日炙風吹喫又是德藏主茶壺二上座請之題於卷首遂書以爲之序

于時

大清乾隆四十五年庚子仲穰

中山王府紫金大夫



寶藏萬藏埤終

そなたはどこの人だとふたれば、そんしその人、どうした事で死なしやつたと問ふた。そこで、アイわたしはさんで死にましたといふたれば、そののじやうはり者めが言ふには、そなたは三で死んだか。私は五で死にましたとぬかした。じやに依而じやうをはると損が立つほどに、ばくちでも何でも、人は唯々心の切替が第一だ程に、心をきりかへて、大信心を起して、愚痴をさつぱりやめるがよい。最前からもいふ通り、心をきれいにしやんとして、それぐに百姓でも商ひでもするがよいぞや。あゝのかうのと心をくるはすゆへに違ふだ。それ共てんでぐの心をむりにはきてすゝめはせぬ。どうなと勝手にするがよし。よいとおもはゞ、さうするもよし。立つても居ても行くも歸るも夢まぼろしの娑婆なれば、この娑婆といふ夢をみて居るわい。この夢を見出した時は夢もみぬが、死にもせぬが、生れもせぬが、是は講釋に出で來たさぬ。出家も俗人もてんでに骨折次第、おらはしらぬだ。先づ今日はこれ切り、次は明日。

に在るぞよ。じやうをはつて損をしたといふ咄がある。何かちよほ一すきなやつが在つた所が、ばくち場へいつても五ばかり張つて、いつてもしてやられて勝つといふ事なく、取られる許りだ。故に次第に身上が薄くなつて來て、それでも五ばかり張つてじやうをはつてゐた。ある時江戸から大金持の通り物といふやうな者がきた。かの五すきめが思ふには、何でも今廣い家屋敷を質に入れて、五を張大金持にならふと思ひ附いて、家屋敷を質に入れ金を工面して出かけていつた。そのちよほ一の場所で金を残らず五にはつて勝負といふてあけて見たれば六が出た。そこでそのじやうはり者も、くんにやりして、夫から我が家に戻つたが、どうも仕方がない、あすからの食物もなく、それを氣やみにして、ふらり／＼とわづらひついた所が養生も叶はぬ、ごねつてしまつた。そこで死んでから冥途の旅に行くにも六文の錢がなく、五にはつてしまつた故、手ぶらで行く。しばらくいつて、後をふり返つて見たれば、二十許の女がみえる。



たものだ。違ひない事だ程に、各々申合て、來世の支度をするがよいぞや。今夜もはや四ツ九ツもあふ。四ツ九ツになつてみれば、元の通りの七月廿六日暮六ツには戻することは出来申さぬことではないか。依而ものまゐりでもなんでも向ふへは延さぬがよい。善はいそげ、あだは延ばせといふだ。みんなよくあるやつだよ。ア、まゝよ、おらは來月十七日之夜にまゐりませう、今夜は道が悪い、連がわるいなどいろ／＼のむだ言て、先へのばしたがる。今言ふ通り時の間も油斷がならぬのでござる。父<sup>ち</sup>達もばゝをすゝめ、ばゝたちもぢゝをすゝめるがよい。よも親々の氣に背いては、先祖に背く道理で役にたゝぬ。とかく仲よく笑ふてくらすがよい。その内仲能くするには堪忍が最上だ。夫でこの世界を堪忍の娑婆世界といふのだ。人の氣にさはる様なこといふたり、人の中事言つたり、人をそねみ笑ふ者もあるが、悪いことで御座る程に、根性を入れ替るがよいござる。我慢にじやうを張るはやめるがよい。淨玻璃の鏡といふて閻王の廳

らはれるわい。今時の坊主はひようたんでなまづおさへた様にらちがあかぬ。紫の衣しやうをきても、なんだか本をひろげて、もつたいらしき顔をして、くすりく〜と經ばかりよんでゐるが、諸經は悟の手引だ。經ばかりではすみ申さぬぞよ。餘宗はしらず、禪宗は佛心宗とて自性をみが、ねば役に立たぬ。經でも念佛でも題目でも朝念でも、みんな自性を見出せ、腹の中の自在佛を見出さんためのまじなひだ。念佛題目朝念など、申しよけれども、同じく腹の中に向ふて、元我は何物だ、どこからきた、死んだらどこへゆくと申し込め。たとへ元日でも大事無い、死ではどこへゆくぞと迫れ。一休和尚が竹の先へしやれこべをさし通して、御用心さつしやれ〜と京の町を持ち廻つた。是は何のためだ。たとへ正月であらうが何であらうが吐き出した息が内に戻らぬ時には、是非に及はぬ。くたばるによつて、若者だの、年寄だの、達者だといふても、死ぬ時節は遠慮なしだ。明日迄といふことが出来申さぬ故に、御用心〜といふ

くなりて、是程大ぜいの人が、おらは男だとも女だともおもはず、坊主だとも比丘尼だとも思はず、みんなその様に坐してゐる所は、すなほな人といふ者だ。

只今のす直な心が極樂の門先だぞよ。悟と言って別になし。たゞその様な心をとりはづさぬ様にするがよいぞや。皆のものがその心で居てくれると、おらは何をもらふたよりうれしいわい。今のやうにきよろりとしてゐる心が生れし時の寶珠といふだ。めい寶珠といふて結構なこの玉を、阿彌陀とも觀音三世諸佛とも、それ／＼に名を附けたものだ。その玉は各々腹の中に一つ宛有る。とかく向ばかり見て、神や佛がをると思ふと大違だほどに、兎角腹の中にむかふて念佛でも題目でも申込め。さうすると寶珠もみがくが、觀音も相見するが、天照大神にも相見するが、誠に大般若の生け取りといふものだ。大般若といふても、法華といふても、餘經にはないわい。皆腹の中に具足して居るわい。腹に向ふて坐禪して精出すと、般若も法華經も、諸天善神も眼前にくわらりつとあ



さうすれば觀世音は外には無い。直に大慈悲だ程に、心得違ひ無い様に、是非孝行をちつとでも願ふ心にかけてするがよいぞや。唐土に二十四孝といふて孝行な者が在つた。それにも六ヶ敷い親も澤山在るけれど、子供が孝心なるに、自然にはぢ入つて悪い親も善心になつたと御座る。主、親、兄、と總じて上たる人は尊むがよし。おら斯く言ふたとて、ぢゝばゝ達、餘り我儘するなよ。老いては子に隨ふといふ事も有る。總じて年寄つて餘り家の内にへばり付いてゐると、よくないものだ。とうてい息子や娘子どものすることは氣に入らぬがちだ。依つてこの様な大會などの所にでも、念佛講の所へでも、ないし湯治か芝居、なんでもかんでも内にばかりへばり付いて居てはいろ／＼の罪を作り、又は人にも氣にさわり、おなじく罪を作らせる。何とけふこの物よみの所の場所へ來出で、みんなその様にしんとして居た所は、どの様なものだ。にくい、かわゆい、ほしい、惜しい、家内事も思はず、人事もいはず、妄想は垢ほどもな

よ。ちよひくするのはまだしもだが、ぬすみくひはするなよ。かならずしもよしにするがよいぞよ。そのやうな悪事はゑん王の帳面に在る。ゑん王の帳面よりは、おのれくが腹の中の帳面に記して置いてないか。いつの幾日にはどこでどうした事したとしかつと我が腹の中の帳面に記して置いてないか。おそろしき事だ程に、心を引替て親に孝行くして後世もまたそれくにして、ほどくの樂をするがよい。兩親に不孝なる者はお天道がゆるさぬゆへに、する程の事がぐりはまになる。兩親は天地にたとへた者だ。何と天地が兩親。兩親が天地なれば、天地に不孝なそむいて、どこへ行く所がある。若者も女子どもも、能く聞けよ。父は天、母は地。その父母にそむき不孝にして、身のおき所なく、たとへどこの國へ行つても、思ふ様にはないものだ。人並の親なれば随分するけれども、おらが親の様なこむづかしい親達に、どうして孝行が出来る者だと言ふ者も在る。悪い親ほど孝行にして、其の親の惡心を善にするがよい。

まねば、能く功名が出来ぬとおなじ道理で、坊主も一度命をかけて坐禪をせねばいかぬ。そうすれば大悟仕業をするわい。ぐずりぐずして居ては濟み申さぬ。悟を得るのも菩提をもとむるにも、今日息の通ふ中だぞよ。在家の人にもさうだ。目玉の黒い中に、念佛でも題目でも、しんせつに申すがよし。五段目幕引の段には、何事も三五の十八、間にあはぬ。出るいき、引くいきに向へぐといそぐ。けふは寛政二年何月何日、今一度この日に逢ふ事はなり申さぬ。中にもおらが後生願ふはまだ早い。年よりてからねがふべいといふ者も、くたばる一段は高いもひくいも、年寄だの若者だとの遠慮は無い。各々申合せて覺悟をする、能く御座る。後生願ふといふも、念佛、題目許りでは無い。兎角人徳を積み、我田にばかり水引かぬやうに、人の爲くとなつて、それくにはたらくが善い。さうして人の氣にさわる事を言ふ人も有るが、何の役に立たぬ。やめるがよい。何れにてもすみにこる若者もさうだそよ。あまりちびくするな



かんが相手になつてゐた。いろりのはたに、下女が一人居眠りしてゐた。めたに櫓を押してゐたが、ろを押す拍子に、どの穴から出たやら、ふいとやらかした。がふいといふより早くせき拂ひをしてまぎらかした。なんと妙なことでないか。ふいとやらかすよりはやく、せき拂ひをする。たとへたわいもなく居眠りしてゐても、アイ、オイといふたり、せき拂ひしてまぎらすやつが、立つにも居るにも、歩行するにも、ちよつとも去らずにしゃんとして居るぞや。そうして死にもせぬが、生れもせぬが、年もよらぬが、若うもないが、たわいもない。きれいな銘玉を見出せくとおらが、この様に毎日く世話をやき、どうぞして眼玉の黒い内にかの玉を産みたい。おなごどもが子を産む時の様に、坊主どもが腰を抱き、やれ氣ばれ、やれ産めといふて世話しても、子を産むやつが一人もない。しかし無くてもおし産むやつも在るなれ共、やせこけたがきばかりへり出しては役に立ち申さぬ。武士が戦場に出ては、命をかけて切り込

れ、眞黒に曇らして居るだ。其鑑をみがき出すがよいぞや。死ぬると又々三惡道へ戻り、地獄の苦しみを受けるだ。じゃに依而、夫がいやならみがくがよい。其のみがき草は、出家は坐禪を精出し、在家の者は念佛、題目、朝念などゝいふものを、おつ肌ぬいでみがくがよい。在家の中にも智慧なき者は、鑑とは何の事であらうとおもふが、外の物では無いわい。この鑑を直に天照大神とも阿彌陀とも觀音とも、三世の諸佛とも、名を附けた物だ。六兵衛、八兵衛、おはん、おたまの本地だ。ほんの神佛は向にはない。腹の中に在るぞや。僧俗共に具足して在るわい。夫はどうだといふに、源兵衛殿や、ヲイ、ハイ、と返事するものが腹の中に居るだ。坐禪をするのも、念佛申すも、諸經を讀も、此のアイオイと返事するものを見出すばかりのまじなひだ。おらが隱居白隱といふ人がどこへ遊びに行かれても尻の長い人であつた。そこで家内の者も寢時方すぎ九つ時分になつたれば、夫々とねやへ入り、しかし享主はしようことがない。老

今に尊むんだ。大衆むだ骨しをるがよいぞや。少々ばかり坐禪をしては、あの僧はかうだの、この語はどうたのと、高言しき事ばかりぬかして、何のためになる。此度の大會も追ッ附け分散するではないか。在家の衆も骨折て下さる故に、喰物は澤山あり、典座が飯は炊き出して食はせる。禪堂には毎日〱侍者が草履までなほしてくれる。毎日の商賣は坐をするばかりではないか。かういふ結構な時節に骨をあらはさいで、いつ埒があこ。くり〱と居眠りしては濟み申さぬ。しやんとして腹の中に向つて、銘鑑をみがくがよい。只今の通り無精では、禪宗は地におちてしまふだ。悲しい事ではござるぞよ。在家の衆もよくききなさいよ。今いふ鑑とは坊主ばかりでは無い。俗人もおなじ事で、鑑を二つ宛、腹の中に所持して居るぞや。その鑑は人は元、ひよつこり生れし時は日月の如し。その鑑が直に神、是佛だ。さういふけつこうな銘鑑を、貴きも賤しきも持ちながら、をしい、ほしい、にくい、かはゆいの様々の妄想に迷はさ



邪魔をする。その中にもちつとばかり、のみの頭をよきて割つたほど書物を見ては、儒道はかうだの、佛法はあゝだの、神道はどうのと、外道な者が澤山あり、佛法の尊いも儒道の學び所も、神道の尊いも、中々五百や七百の書物をのぞいて知ることでない。儒でも神でも佛でも神妙な所に於ては、あゝのかうのと講釋は無いものだ。坊様達もさうでござるぞよ。今日おらがこの様に高い所に登り、湯屋の亭主を見るやうにして、祖錄の講釋、やれ坐禪をせよ、骨折れくと無駄をいふも、何の爲だ。あの道のこの道のと二つはない。神はどうだの佛はどうだのといふて、利にくらまされて、昔の評判ばかりしてゐる者はしるこゝとでない。人を頼みに世つ登直言の所を見出しては、てんでくの腕前でやるがよい。釋迦がかういふたの、孔子がどういふたのと本來は手前くの骨折てなければいけない。佛で候の、孔子で候の、達磨で候のと別々に思ふゆへむづかしいだ。釋迦、孔子も何れも鼻たれ小僧だ。けれども骨折が深切にあつた故、

# 寶藏萬藏埵

是はく在家衆奇特に能く御座つた。大會も最早暫くになり申した程に、参りたき者は精出して参るがよう御座る。なんぼ参れくといふても、佛縁のないものは、近所隣りの者でも得参らぬではないか。けふの世事にまはされてぐづぐづと家内にへばりついて居て、人の善惡をいふたり、又よめしうとゝかみあふたり、下女下男にあたりわるくして追ひ遣ひ、我か子がかはゆければ、やはり人の親もかわゆいにかはりはない。夫をむごくするのみならず、神参りて候の、この様な大會などへ参り候をみては、なんの神参りしたとて、祈禱祈念の役に立つことでないの、佛を願ふは遠いあの世の世しれもせぬ事、馬鹿なこと、夫より家内の者を追ひ廻して、金もうけが佛神よりも結構なと、正直な人の佛神願ふをあざ笑ひて、うぬが無信心するのみならず、人の信心にけちを入れて

日ノハ、夜中ノメツタガキ、見ヘカネ申ベクトゾンジ、カキナヲシ進ソロ。  
佗見決シテ御無用。コレハ公ノ望ユヘ、右ノ通ニソロ。此願ハ我三十年日々  
ノ願ニゴザソロ。初心ガマシクナド思タマハ、直ニ夏蟲。

開山靈源和尚法語雜集 終



福壽延長、諸緣吉利ニシテ、殺生ハ不殺生トナリ、偷盜ハ不偷盜トナリ、妄語ハ不妄語トナリ、邪婬ハ不邪婬トナリ、貪婬ハ不貪婬トナリ、婦姑睦ク、夫婦睦ク、マ、コ繼母睦ク、一切ノ惡心調伏シ、衆願成就シテ、上

天子ヨリ下萬民ニ至マデ、信心增長、菩提圓滿ナランコトヲ。願クハ當山コレヨリ永ク火難盜難女難無シテ、不退ニ正法輪ヲ轉ゼンコトヲ。願クハ此滿堂ノ大衆、滿座ノ一切道俗ト世々生々互ニ主伴ト成、今日此座ノゴトク、共ニ正法ヲ布演シテ、一切ヲ利益センコトヲ。願クハ此滿堂ノ大衆ヲハジメ、某甲、偷心邪念ノ根元ヲ絶チ、愛欲色欲ノ源ヲ斷チ、念々正念ニ住シ、夢中病中正念相續シテ、速ニ大法ノ淵源ニ徹シ、寤寐恒一ヲ得、如幻三昧ヲ得、物我一如ヲ得、正法ヲ布演シ、普一切ヲ利益シ、世々生々、生死ノ街ニ立テ、一切ノ生類ヲ濟度センコトヲ。

此外ニ數多ノ心願コレアレドモ、アマリ長クサフラヘバ、シルシ申サズ。先

タゞツネく我胸ニ惜ヤ欲ヤノ一切ノ念ヲトゞメズ、唯是什麼ト、一念一向ニ  
ウチムカハゞ、終ニハ貪嗔痴モウセハテ、彌陀ト我トヒトツニナリ、水ニ水ヲ  
入タルヤウニナルコトナリ。此時地獄ノヲソレナケレバ、極樂ノ望モナク、南  
無不可思議光如來ノミナリ。嗚呼賀祝。

老師說法前、一座ノ道俗誦經ノ間ニ、口ノ中ニテ何ヤラ唱タマフヲ見タテ  
マツリ、或參學者コレヲ御尋申ケルニ、老師御答タマヒケルハ、余ガ心願  
ノ文ヲ唱ルナリ。人ニシラレジト思ヒケレドモ、吾子心アルモノニテ、角  
タヅネシコトナレバ、包モ拙シトテ、書付テ示シタマヒケル。

南無十方三世一切諸佛諸尊菩薩。三國傳燈諸大和尚。日本國大小神祇。護法伽  
藍諸天善神。今日此座ニ降臨影向シタマヒ、今日此法音盡虛空界ニ遍滿シテ、  
盡十方世界有緣無緣ノ諸精靈、依草附木ノ幽魂、六道四生ニ至マデ、大菩提ヲ成  
ゼンコトヲ。願クハ天下太平、國土安穩、干戈不起、風雨時ニ若<sup>シタガヒ</sup>、五穀豐登、

キ人ハ、修羅道ヘヲツルナリ。別シテ嫉妬ツヨキ人ハ、腹ダチ申一念々々ニ、  
 地獄ノ火ヲ吹ツケオクユヘ、臨終ノトキ、ソノ火ニテ燒焦サレ、直ニ地獄ヘオ  
 ツルナリ。縱信心モ少々アリテ、看經坐禪禮拜、佛ニ供養シ、僧ニ施シ、又其外  
 功德ガマシキコトアリテモ、一念ハラダチ申セバ、皆ヤキステ申ナリ。文殊菩  
 薩ノ偈ニ云ク、嗔ハ是心中ノ火。能功德ノ林ヲヤクト。是ニテヨク／＼ヲモヒ  
 ミルベシ。三毒ハ皆愚痴ヨリ、起ルコトナリ。如何シテ此三毒ヲホロボシ、三  
 惡道ヲマヌカレントナラバ、我腹ノウチニムカヒテ、ムサボリノ一念、イカリ  
 ノ念、グチノ心、イヅレノトコロヨリ起ルヤ、形アルヤ、形ナシヤ。是ハ何物  
 ゾ／＼、是ナンゾ／＼ト、出ル息入ル息ニ打ムカヒテ、親切ニタヅネミレバ、  
 中ニハ元來サヤウノモノ、毛ノサキホドモナク、彌陀如來ノ全身ナリ。男モウ  
 ソ、女モウソ、京モ田舎モウソ、惡ム人モ、ニクマル、人モ、ミナウソ。是ヲ  
 虛妄不實トハ申ナリ。其靈妄不實ノ罪ハ、虛妄不實三惡道ニナルコトナレバ、



カナハズ。平生ノ心ガケアシク見ヘ申ソロ。老僧最早餘命ナシ。何トゾハヤク大事了畢見申タクソロ。モハヤ四年ニモ相成サフラヘドモ、ウタ、入レバウタタフカク見ヘ申サヌガ氣ノ毒、無眼子ドモガチト慙入ソロヤウニアレカシト存ソロ。見ルニサハナクテ、却テウハノソラナルアリサマ、此大事ヲロカニ心得ラルベカラズ。

人ハ一代、名ハ末代ナルゾ。日々見ルベシ。

示<sub>ニ</sub>某信女<sub>一</sub>

夫一切衆生三惡道ニ墮ル其本ハ、貪嗔痴ノ三毒ニヨレリ。貪ト云ハ、財欲色欲ヲハジメ、一切ノコトニムサボリフカキナリ。嗔ト云ハ、イカリハラダチナリ。痴ト云ハ、佛アリトモシラズ、因果アリトモシラズ、法キ、タシトモ思ハズ、唯アケクレ財欲色欲衣類食物等ノコトバカリニテ、一生ヤミ／＼トクラスヲ愚痴ノ衆生トハ申ナリ。此愚痴ノ者、畜生鳥類ヘヲツルナリ。サテ又イカリフカ

ハ中々ヲヨビ申サズ。吾子ナドハ寢タイホドイネ、ハナシタイホドハナシ、有度マ、ニ、ムマキヲクラヒ、ウカ／＼トクラサレソロコト、カヘス／＼殘念ナリ。今日ヨリネムリモ少クシ、ナニモカモ不實ノハタラキヲヤメラレ、正念工夫、上求下化ノ大願ノミニイタサレタマハラバ、老僧大安氣ヨロコビ申コトナレバ、是非ニ右ノヤウニイタサルベクソロ。已上。

與ニ某禪尼

汝ノ日用ヲ見ルニ、正念相續コレナクソロ。今ノ體ニテハ、此大事ヲ明メンコト努ナリガタキコトニテ、娑婆ノ過申コト、氣ノ毒千萬ニゴザソロ。ハナハダ殘念々々。千萬人ノ一人ニモト存ジソロニ、ウワノソラナル參禪ト見受申ナリ。佛法ノ大海、ウタ、入レバウタ、深シ。諸佛頂上ノ禪ニ參ズルコト、又容易ナラズ。老僧汝ヲシテ此大事ヲ傳ヘシメ、古ノ如大トモイハレ、末ニハ此大法弘メサセタクオモフナリ。シカルニ汝無眼子ト同キフルマヒニテハ、老僧ガ心ニ

見ルゴトク、命根ヲ奪ントカ、ラルベシ。親シク入來沙門ニ必モ人情アルベカラズ。左ナクテハ、此一大事、日本ニ絶ハツルゾ。無慈悲ノヲコナイユメ／＼アルベカラズ。唯大法久住ノ大願、今日ヨリヲシタテ、日用相續イタサレ、末ニ見道ノ人ヲタ、キイダサルベシ。是マデノ吾子ノ所存ニテハ、人ヲイダスコトハ成申サズソロ。ヨク／＼思ヒタマヘ。サテ酒ノコト少々ハヨロシケレドモ、過スベカラズ。酒ハ亂ノ本ナレバ、正念ヲ奪ヒ放逸ノ門ニヒキ入ソロ。先ハ禁酒同然ト極ラレ申ベシ。老僧ハジメスルガニ居リソロトキ、五六年モ女ナレドモ阿政ナドノトコロヘ得マイリ申サズ。其ハ唯ヲソロシク、氣味ワロカリシユヘナリ。吾子モ今日ヨリ一切ノ僧、ヲソレキヅカヒ申ホドニ、平生ノ人情立ナホサレ申ベシ。備ヨキ陣ヘハ、メツタニ伐コマレ申サヌモノニソロ。他見無用。熟思フニ、人間一生ネムリノ方勝申ナリ。老僧ナドハ、修行力カヒナクゾンズルマ、今ニ夜モアクマデ寢申サズ、月日ヲスゴシサフラヘドモ、古人ニ



持グサリニナラヌヤウニ。穴賢。

又

古人曰、欲得親切。莫將問來問。問在答處。答在問處。コノ語ヲ、出ル息入ル息ニ拈提セラルベシ。吾子ノ日用ヲ見ルニ、正念相續シガタシ。相續セザレバ、定力ミタズ。定力ミタザレバ、ヤ、モスレバ人情ニヲツ。正受老人二十四ヨリ山ニ入り、當年六十餘ニイタリ、此五六年來、正念相續ヲ得タルゾカシ。世間ノ檀那施主ニ追從輕薄利用名聞ヲ希望貪求シナガラ、參禪工夫セントハ、片腹ノ痛コトナリト云レシナリ。此示ヲヨク／＼我身ニトリテ試見タマヘ。是悟後ノ大事ノ修行ナリ。此修行ヲ成得人、千人ニ一人半人ヲ得ガタシ。吾子フシギニ得力モアリ、信心モアレドモ、ザツトコ、ロエラレ申ニヤ、相續カヒナク、娑婆スギ申ヤウニゾンズルナリ。最早四十二モナラルレバ、春ヨリハ少鋒アラハレテモ苦シカラズ、大慈大願心ヲ以テ、一切ノ沙門ヲ見ルコト、鷹ノ小鳥ヲ

堅固ニテ、法末ノ沙門ヲ利益シ、一切衆生ヲ救シモノヲト、日夜相心得ラレテ、半跏坐ニテモ苦シカラズ、夜ハ一二炷ノ線香モ御ツトメ是亦定力ト申テ致ネバナラヌコトニソロ。黃龍南禪師ハ大宗匠ナルモ、常ニ瞑目危坐ト申ツタヘソロ。アマリ人情モ過テハ、却テ轉ヤスキモノナリ。沙門ニモセヨ、俗人ニモセヨ、無益ノ雜談イタス人ニ心ヤスク附合無用ノコトニソロ。身心トモニ丈夫ニヤシナイタテ、天晴鷲峰ガ法ヲ振起サンモノヲト勵ミス、ミタマヘ。只病身ニテハ、物事出來申サズ、氣海ヲ強ク御張、養生ヲ專一ニイタスハ、正念ニ超タルハナキコトナリ。獨妙禪師若キトキ、足冷、ウンサイノ足袋三足モ重ネタマヒシナリ。丹田ノ修行ユヘ、冬火ニモ依タマハヌヤウニナリソロ。正受老人又曰、正念相續ノ人ヲ求ルニ、千萬人ノ中ニ一人ヲ得ガタシト。是悟後ノ修行愼ミ守ラザルユヘナリ。正念ヲ取失底ノ娑婆僧、アルヒハ見解ブリ申ヤウノ者ドモ入來節ハ、折々苦手ヲ用ラレソロ儀クルシカラズ。コレマタ自他ノ利益ナリ。實ノ

レソロテ、御モドリノ節、睨トイタシタル御土産マチ申ソロ。油斷ハデキヤスク、不退ニハナリガタクサフラヘバ、カヘス／＼相續專要ニゴザソロ。

同病人御添書

唯出ル息ヲ丹田ヨリイダシ、入ル息ヲ丹田ヘ御引取ソロヤウニ、御申傳タノミ入ソロ。是養生ノ第一ニゴザソロ。少ノ間モ丹田ニ御油斷ナキヤウニナサルベクソロ。介抱人モ同ジ御事ニゴザソロ。

與<sub>レ</sub>人

正受老人曰、我二十四ヨリ此山ニヒキコモリ、正念相續試申ニ、漸當年六十餘ニ向トシテ、始テ正念相續ヲ得タリト。是ヲヨクノ／＼思ハレ、日夜絶間ナク相續ノ處イノリ申ソロ。又シテモ積氣々々ト申コト、是丹田氣海カタマリウスキユヘナリ。念々丹田ニ磐石ヲスヘソロ心持ニテ、寸モ弛タマハズ、先言語ヲ省キ、其外六根ヲ守リ、油斷ナク、正念相續コレアリ、色身モヤシナイ、願心モ



リ。相構テ不了簡ナサレマジクソロ。穴賢。

修行モ仕カケタマハズバヨシ、已ニハジメ、其上ニ不思議ノ得力モアレバ、益勵タマヘ。カナラズモ早ヨシトシテ參禪ステ不了簡アルマジクソロ。百丈大師大悟ノ後ニ、馬大師ヘ十五年日々參禪、ソレユヘ大事今日ニ殘申ナリ。其ホカノ祖師皆々其通ニソロ。御得心ニサフラハバ、御返事待申ソロ。已上。

又此御裡書

マヅ靈源ノ底ヲ汲ホシタマヒテ後、兎モ角モコレアルベクソロ。未ナカク存分ニマイリ申サズソロ。必々見解バリ何モ用ナシト思タマフベカラズ。

示ニ看病之人

佛モ看病ハ世ノ福田ナリト説タマヘリ。御心勞ノホド察サフラヘドモ、看病ハ結構ナルコト、此ウチ幸ノセツシント御心得コレアリ、看病シナガラノ正念工夫ニテハコレナク、正念工夫シナガラノ看病ト其外ノコト皆コノトホリニナサ

トキ、三種病ヲ得ソロテ後、禪師葦津和尚ニ無理無體ノセメニアヒ、五六度モ縊ランカ、身ヲナゲンカト苦ミ、ヤウ／＼二十年前ニ人ノ爲ニ成申ホドノコトニイタリソロアイダ、兎ヤ角申ニソロ。中々一度ヤ二度ノ得力ニテ、法成就ト申モノニテハコレナクソロ。大慧禪師モ大悟十八度小悟數ヲシラズト申ヲカレソロ。努油斷コレアルマジクソロ。唯ヲシクナルユヘニソロ。老僧ガ得ト大安心イタスヤウニ、益出精ナサルベシ。昨日ノ答書見サフラヘドモ、又ワスレソロ。御書ナサレ得ト御見セ待申ソロ。十日ニハ客アレバ、此ハナシモ出來ガタキユヘ、右ノ通ニ申進ソロ。其内御心得ノトコロ承申タクソロ。世ノ中ハ、常ニ座頭ノ丸木橋度ル心デ度ルナルベシト禪師ノ示ニテゴザソロ。老僧二十年前提テマデツヒニ無用ノハナシモイタサズ、守リツトメ申テ、ヤウ／＼今ホドニモナリサフラヘバ、今時ノ工夫心ガケ、氣ニ入ザルアイダ、人ノ出來申サヌコト口惜ソロトコロ、其許ヲ一人得申スコト、又々マレノコトユヘ、右ノ通ニ申スナ

ズ。二月ノ末ニ未在ノ話透過イタシソロトキノ大歡喜、言ニモ述ラレズ、三月ハジメニ年頭ノ禮ニ原ヘマイリソロ處、禪師大キゲンノコトニソロ。角申シ進ズルハ、道人ハナハダ無精ニ存ズルユヘノコトナリ。苟且ノコトナラネバ、心ヲ全身ニヲカレ、此修行ノ外マゼコトナシニ、不退轉ニイタサレ、是非トモ此生ニ佛祖ノ子孫一人カ二人カハ、タ、キ出サレ申ベクソロ。只今ノ力量ニテハ、人ヲ出スコトナリ申サズ。唯々はノミ引立タク思マイラスモノナリ。直ニ火中。

又

古人曰、已ニ迷テハ、之ヲ悟ヲ難トス。已ニ悟テハ、之ヲ守ヲ難トス。已ニ守リテハ、之ヲ行ヲ難トス。行コト、前ノ難キヨリモナホ難シト。其許イマ守リノ難キトキニテ、イマダ中々人ノ爲ニハ成ガタクソロ。見申ソロニ、最早得タリ天下太平ナリト思ス顔色見ヘ申ユヘ、彼是ト世話申ニソロ。唯一人ノ心當ナレバ、老僧死後ニ此大事ヲ以テ人ヲモ出サセ申タキ寸志ナリ。老僧二十二歳ノ



# 開山靈源和尚法語雜集

小師 某 編

## 示人

我ムカシ駿河ニアリシトキ、元文五年申ノ正月ヨリ三種病ノ話ニ參ジ、四年目寛保亥ノ秋、始テ難透トウクワイタセシナリ。ソノ四年ノアイダ、人ト無用ノ一言マジヘズ、可笑コトモ面白コトモナケレバ、ツヒニワラハズ、人ノキゲンナルヲミレバ合點マイラズ、日クレヨリハ、涙ノミ。夏ノ日冬ノ日、斷食マタ糝ナド嘗、水ヲ飲テ、七日五日ヅ、モ、人ニカクレ、山ノ宮、拜殿ナドニセツシンイタセシコトナリ。亥ノ年ノ冬、コノ未在ノ話ヲ示サレテ、ウタガヒ晴ズ。十二月ハジメヨリ、庵ノ戸口ニ錠ヲオロシ、向ノ家ヘ三日ニ一度食ヲタノミ、蟲ヲヤシナイ、明年二月末マデイデズ、原宿ヘ歳暮ノ禮ニモ、正月ノ禮ニモイデ

稔。人天推轂。移洛鹿王。玄徒滋多。靈龜山上。新建僧堂。聖制一會。師爲立僧。舉唱碧巖。雲衲群集。四百餘員。峨眉山月。山陰夜雪。一時發輝。赴請諸州。二十餘會。到處作主。鉗鎚方來。驅耕奪飢。應機妙用。魔外無測。在其寬也。和氣如春。忽然惡發。電閃雷馳。塵中之主。鹿中之王。諸方叢林。推爲龍門。大覺門主。慕師德風。寄山一所。作投老地。臥雲幹事。創要行院。師爲開山。乙巳之春。應請江州。爲衆說法。末後述屈。錯證父羊。時罹微恙。急還鹿王。泊然坐化。四海禪流。如暗失炬。洛下道俗。似喪考妣。嗚呼噫嘻。師道師德。讚則拔舌。謗則泥梨。何故如斯。上下三指。彼此七馬。

要行開山靈源和尚遺錄

終

曰。不徹不休。以死爲限。菴號寒林。常閉戶牖。杜絕人緣。懸一破鼓。臨時打之。邨民聞者。供饋飲食。臥薪嘗膽。愁心苦志。足不越閭。凡三裘葛。身心疲倦。終感病因。臍輪腐爛。膿血浸衣。師惣不顧。丈夫志氣。確乎不變。一夜果然。大死一番。喪身失命。所造極深。見地超卓。鵠林孤危。點滴不施。怒罵逼迫。日加痛鞭。師倍進修。丁卯之夏。本師訃到。速還鄉梓。師固多病。潛迹山中。凝養數歲。偶與臥雲。遠游南紀。訪機道人。它舊參士。晚遁熊岳。如古清素。隨逐二年。熊埜山中。逢個老魅。深入魔界。打失境界。寶曆戊寅。鵠林應請。行化飛濃。師來再參。親炙累月。朝參暮扣。深究蘊奧。握奪命符。具毒爪牙。惡聲難掩。名聞叢林。丹陽檀越。頻頻迎請。熟處難忘。作這蟲豸。出世全性。江湖毳侶。嚮風奔湊。常滿百衆。東嶺慈公。圓桂純老。隆葦津輩。互相往來。補翼法幢。闔國緇素。尊信歸敬。如曇華現。師住全性。大凡一紀。時緣成



滋多。靈龜山上。新建僧堂。是乃誦訛。當以塔銘爲正矣。天龍僧堂落成。請師說碧巖集。後歷三歲。轉住鹿王。又曰。聖制一會。師爲立僧。此時師在前版。非立僧也。業岳首座。實爲其任。又曰。赴請諸州。二十餘會。塔銘謂就中受南禪之請者再矣。其餘常牧衆于天龍。參請不拘時。又曰。寄山一所。亦過聽矣。大覺門主。唯假山一所焉耳。不是祇陀之輩。又曰。急還鹿王。泊然坐化。此句亦可以塔銘爲正也。余聞見之所及若斯。是以遂公全文特附于斯。若人合二銘以觀其行實。則豈聯璧者非耶。余所以應需致辨者。恐人因一二齟齬。遂并可信者而亦疑之。則大非遂公之本意矣。如彼不傳妙。則大難難。何也。三人證龜爲鼈。遂公銘曰。子而不孝。父而無慈。佛祖冤家。人天妖孽。師歲十八。探道志深。初謁大梅。僅得止渴。未以爲足。特到駿陽。參見鵠林。遇它毒手。技盡力窮。拗折拄杖。結茅山下。依附八年。師自誓

誰不爲最。逮至滅度。不倦津梁。宣揚遺教。示世無常。大人境界。豈有生死。嘆惜慟哭。如喪考妣。靈源一滴。標此率堵。悠久流通。滔滔寰宇。要行之孫。不辱寄託。勒此銘詩。以壽山壑。

碑銘

遂翁和尚撰

滄海和尚序

或叩斗室云。有松蔭遂翁禪師題我師頂相之語。雖我師行實既詳于塔銘哉。然尙不堪望蜀之情。亦復欲以爲碑銘。竝傳于兒孫焉。憾乎有中間一二譸訛。願俯垂玄鑑。補厥闕典。余乃三復之。校讎之。其語蓋病間所撰草稿尙未脫。故似弗盡焉者。況存軌則乎。然而於親參實證同袍之誼也。比諸塔銘。頗爲詳而已矣。但住山參商。宜矣。其所聽熒。不尠也。余亦不免同火宗盟。則略記所聞見。辨其一二。以換序文云。遂公曰。移洛鹿王。玄徒

于名籍者二千餘人。師天資純粹。而精金出鑛。燥履皎潔。而白玉無瑕。謙而下人。嚴以臨衆。不好偈語。操筆則成。前後赴請。凡二十餘處。而受南禪之請者再矣。其餘常收衆於天龍。參請不拘時。又別訂日汎爲人垂示。其所戾止。學徒宗向。道俗歸崇。隨其根小大。無不蒙益。至若臣之不忠焉。而克忠。子之不孝焉。而克孝。頑夫知廉。妬婦守貞。止邪懲惡。皆遷正善。由是而觀。師之道有補夫世教。亦偉矣哉。方要行塔成也。門人就天龍主翁十洲和尚乞之銘。謝以老病。乃手書靈源一滴四字。與之。命俾請之容。因狀師平生來以乞之。辭而不允。爲叙其大略。係以銘曰。光岳之嗣。普明之裔。少而有志。興宗救弊。游方具眼。不受人瞞。梅子雨熟。鵲林月寒。煉丹熊埜。成器松江。補鹿王席。大建法幢。分座秉拂。火鼠冰蠶。樞府降命。三住名藍。幾生知識。福慧兩全。赴諸方請。一音說禪。緇素雲萃。隨類得解。其化之隆。



大振。六年己丑。受南叟瑠老遺囑。補席鹿王。未幾。在天龍分座秉拂。受樞府帖。歷景德臨川。而後陞圓覺。安永丁酉之夏。講維摩經於等持。先是仁和法王植菴羅樹子於園中。不生十三年。而當此時始生。法王感異。手自分賜。栽之等持。鹿王今既生長焉。翌年戊戌。草創要行院。富者以金施。貧者以力施。無老無少。來助拽搬。至天明甲辰。聚衆陞座。表觀音大士安座之儀。而爲後人作訓曰。欲住此山。先須見性。是爲要行。唯此一語。深切。可謂千年龜鑑也。天明乙巳之春。赴江州正光之請。說佛遺教經。爲衆化導。諄諄異常。又移同州清源。不日而病。三月九日沐浴更衣。泊然而化。衆奉遺命。直還雄山。如法闍維。相聚緇素二千餘員。皆哀慟不能勝。四月十二日立塔於鹿王。分骨瘞于要行。師生於享保六年辛丑十一月十日。示寂。天明五年乙巳三月九日。世壽六十有五。僧臘五十有七。其所度弟子載

寄身把茅。肩鐻絕人。鑿壁一方。由此出入。從前所解會徹底傾瀉。一向坐禪。一日入浴。見人脫衣。忽然了悟。直叩籌室求決。隱便喝出。而語隆公曰。且喜桃藏主大事了畢。隆不肯。其夜入師之房。子細商量。見師纔擬議。便乃踏倒。師又憤發。坐井欄上。不交睫。三晝夜。困則以刀刺左手小指。驀打一重牢關。遂知隆公不瞞我。後常語人曰。道流工夫只須綿密。我若不得隆公踏倒。洎誤了一生矣。隆公後字曰葦津。住雲之永德。之後其交益篤。至如其相往來。以助化長短相叩而玉成。雖古人結甲之親。無有可比倫者也。既而去韜跡熊羆堽山中。大忘人世。鍊磨脚跟。霜露果熟。出而繼全性之席。實實曆丙寅年也。法幢方振。學者趨風。會有一老人先師而至。大助化力。後至功用丕闡。遽然而去。文雕其名。臥雲其號。明和三年。天龍僧堂成。結制。請師舉揚碧巖集。衆殆八千指。道俗歡呼。謂一佛出世。於是名聲

# 要行開山靈源和尚遺錄 附錄

開山和尚塔銘

南宗和尚撰

師諱慧桃。字靈源。丹後州周枳小島氏子。幼而岐嶷。人皆器重。享保乙酉。師年九歲。投全性光嶽之室。落髮受具。奉侍若干年。嘗讀傳燈錄。至洞山曰衣線下不明大事。以爲最苦。忽有游方志。先到同州觀音寺。從默堂而問做工夫事。終過兩夏。是時。法常大道虎眈於丹。松蔭白隱龍舉於駿。其法席盛於東西。天下學者多歸焉。大道適在濃之東光。師往謁之。一日入室。教看乾峰示衆。朝參暮請。孜孜體究。作息之間。噴地省發。自謂蔑以加焉。大道亦深許之。辭去。見白隱。隱見師之負氣。棒而呵罵。乃曰。三年做工夫。愚癡漢。參洞山麻三斤。則必有入處。其後頻頻入室呈解。則輒划却。於是



奇哉鐘也。驀然撞著。聞性直截。斷生死業根。久留秦之青石。在于眉睫之間矣。方其落成也。命余爲銘。固辭不允。強揮拙筆。其銘曰。

一音演說。萬嶽鏗鏘。林園失色。

日月吞光。凡聖情盡。魔外膽喪。

圓融門啓。法網恢張。貫珠玉燭。

芙蓉白雪。子浦翠烟。君子愛財。取之有道。隨邪逐惡。狼膽狐涎。嘆釣絲絞水。謝郎船。

少林寺新鐘頌

萬象森羅總鑄鎔。華鯨新吼久昌峰。耳邊聲處共□錯。截斷兩頭亦一重。畢竟如何。擊鐘一下一冬二冬叉手當胸。

金剛寺鐘銘 竝序

夫四生沈溺。必假舟航。默默無言。顛倒衆生。爭得迷津見。衢長夜逢曉邪。禪公嘗不廢上求下化之弘願。故常爲衆所歸。蓋由近而被遠。自己而及物耳。偶欲鑄華鯨。而勸獎諸檀。老幼翕然。盍簪欣然。捨財不待期月。蒲宇脫鞵。且營建樓門。虛之於樓上。以嚴飾道場。而欲祈四海清穆。九穀豐登。一切有情結勝因。檀門增添福算。幽冥驚回夢想。脫輪迴苦而已矣。於虜

咄。宇宙無雙日。乾坤一老翁。

寶國和尚讚

生鐵面目。狼毒肝腸。誰敢親近。五帝三皇。少林祕在胡家曲。餘音高山流水長。

葦津和尚讚

盲聾啞。貪嗔癡。去年來麼。今年來麼。屎坊主。祖意同歟。佛意別歟。尻燒彌。如何是西來意。可借許東去期。衲衣高卷芙蓉雲。絕類白鹿何怪。釣竿斜拋松江浪。透網金鱗尙疑。圓覺場謾咬牙。罵倒今時邪宗潛釁。楞嚴壇親按指。騰喚近代祖道陵夷。只許老胡會。不許老胡知。這擔板漢得人惡。誰道鵠林第一枝。

獨妙禪師讚



同跨獅子圖

獅子背上。一劍倚天。百怪潛蹤。威風凜然。

惟福和尚讚

乾坤之內。宇宙之間。無有等匹。請見其顏。咦。犀角漸美。虎體元斑。

大應國師讚 遂翁和尚畫

大應之眞。遂翁下筆。讚辭命吾。坐一走七。

天嶺和尚讚

這老禪佛。密密綿綿。劈大梅子。耕廣福田。或嘯峰頂。或入市廛。見時不見。觸目現前。咦。清風八面。江月一船。

寬溪和尚讚

口若啞兮耳似聾。不住佛界與魔宮。生平步驟知音少。毛骨猶寒圖畫中。

江月照兮松風吹。永夜清宵何所爲。板齒生毛三五寸。碓嘴著花一兩枝。

虛空藏讚

能滿諸願。靈空藏尊。摩利慕利。生鐵崑崙。

初祖讚

九年面壁。一葦橫江。清風兩岸。明月半窓。

又

一葦九年。兩頭打失。分皮骨髓。落七落八。

又

金龍敗缺。少林落草。亂分髓皮。此碧眼老。

鍾馗讚

野鬼驚走。閑神遁□。舉手動足。依天長劍。

黃裳元吉。

又濃州大通和尚請

三登九至。誰知苦心。得用龍澤。得體鵠林。雖據師席。動事陸沈。大通宗說。博究古今。圖予陋質。慚愧呻吟。它鈍慢漢。齊盲聾暗。以此比之。黃葉黃金。

探玄和尚讚嗣西江住曹源後退居松琴

曹源一滴。毒浪滔天。參尋幾處。轄辛多年。且過忍水。靜室絕烟。劈兩重鎖。嚇隻手禪。東海吐舌。西江揮拳。從前擔板。不使爺錢。片言何用。松琴自然。阿呵呵。若不同牀睡。焉知被底穿。

桃園結義圖

一人三人。三人一人。確乎桃園義。名聲千古春。

臥雲雕公讚



波心裡栽瓜。

又

是非丹山鳳。也不西河獅。懷憧三百擔。訪東兩片皮。只解道朝念。無過嫉  
恚癡。喫到處大惑亂。緇素可惜。腦後缺一槌。

又萬壑座元請

松風萬壑。孤峰浪高。往往爲彼。坐久成勞。喫一佛二菩薩。鳥窠吹布毛。

又

五須彌爲頭。四大海爲目。恁麼漢沒量。不知彼是孰。吽吽相逢無語。却堪  
愛。南地竹兮北地木。

又龍濟和尚請

龍濟老兄。自圖予質。請書讚辭。從來放逸。添四抽三。坐一走七。今已郎當。

四生受恩。謂隨扣擊。也是鈍根。夕陽水鳥。曉月山猿。樵子近呼。行人遙喧。親入此境。絕慮絕言。朝登鷲嶺。暮到祇園。願一音說。普徹本源。

塔婆銘金粟和尚請

金雞含粟。玉龍吐泉。十方供養。五湖流傳。是誰恩力。問取此禪。

佛國國師讚

初昏惠日。後窮建長。誑惑吾祖。滅却佛光。咦。彼是誰。珊瑚枕上。闍中意。又到天明。共痛腸。

自讚

吾是非儼。儼是非吾。吾吾儼儼。阿呵呵。將謂胡鬚赤。更有赤鬚胡。

又

畫虎可爲猫。呼鴉勿爲鴉。咄咄莫莫。未免撒塵沙。咦。打失雲門念七。碧

要行開山靈源和尚遺錄 後卷

三

妄。如同虛空。

茶毘所落成偈 竝序

夫衆生無始以來。升沈六趣。往還三界。猶汲井輪。而生死無已。是以雖諸佛度生悲願廣大無邊。然衆生界亦無有盡期也。玆近江州志賀郡途中村。自古民人數百比屋群居。而墳墓之地甚狹。故有新亡者。則發舊塚而埋焉。□□院主憐其如斯。今春獎邨人新造化場龜堂。使先亡後死者各得其所。及其落成。請山野設施食會。以伸供養。願依此善利。無盡衆生離六趣。超三界。頓悟無生。同遊諸佛悲願海。代銘以一偈。曰。江月照兮松風吹。永夜清宵何所爲。法輪向火焰中轉。三世十方同一時。

要行院鐘銘

撥轉淨刹。新開禪門。諸天爲護。群靈所尊。梵鐘懸簾。聲振乾坤。六凡蒙益。



# 要行開山靈源和尚遺錄 後卷

小師 某等 同輯

## 少林寺鐘銘 竝序

大日本國明和四年丁亥秋八月丙戌丹後州中郡荒山邑久昌山少林  
禪寺住持比丘龍壽化導閭右相喜相謀檀越西氏捨施淨財用鑄鉅鐘  
懸之筍簷荒此功德歷劫無盡龍壽請爲銘與鐘相爲永久銘曰荒之昌  
嶠少林梵宮百廢盡起一新了功檀越西氏新懸鉅鐘萬壑隨響一吼催  
曉勢如獅子能降魔衆覺六趣夢消萬劫忪直下來也耳根圓通久昌不



象巖

白雲影裡勢崔嵬。百獸更無攀緣苔。鼻孔遼天阿剌剌。一任葉落又花開。  
聖德太子點眼

鐘鼓聲收纔按指。依然海印發光來。法王法令當如是。慈濟門頭八字開。  
德秀和尚三百五十年忌

一念無量劫外春。爲三百五十年辰。布金長是大安樂。臣向君兮君向臣。  
初祖忌師時在三圓通寺

聖諦廓然誰辨的。老胡門下白雲深。東遊千里溪山別。不識圓通是少林。



土木堆中走丈夫。工成歲晚賑僧厨。楊岐乍住滿牀雪。豐屋飜嗟與古殊。

請舍利安塔

邊滿大千佛舍利。不知向甚處回避。追尋一粒紫金光。深入嵯峨萬仞翠。

初祖忌

箇箇憧憧四海英。九年面壁作麼生。夜長日短所思切。分衛恐難過遠程。

孤峰開祖忌

十字街頭雲冉冉。孤峰頂上草離離。把它鼻孔重相見。沐雨梳風楊柳絲。

佛成道

生鐵分明投死灰。瞿曇何必出山來。隨令兄弟插香炷。雪上加霜幾許回。

四十八夜念佛供養

彌陀佛四十八願。入道者四十八夜。這中消息無人知。萬仞崖頭摧片瓦。

蒼龍開祖忌

蒼龍窟裡孰開榛。幸得兒孫富以隣。稽首願輪無退轉。或潛北斗或南辰。

念佛供養

修造道途利有情。身心脫落險還平。不知稱號起何處。水鳥樹林同一聲。

碧巖錄終筵

一夏爲開荆棘叢。幾混草裡混泥中。比來乳竇炎蒸烈。好向林間納涼風。

初祖忌

金陵城裡月清夜。熊耳峰前霜冷時。曾著草鞋行太早。肚腸穿過幾人知。

臘八示衆

草堂挾竹以繩結。四壁風穿寒氣別。未齊六年難苦強。丈夫何足恐冰雪。

除夜

圓等太虛無內外。平常心絕古來今。摩訶衍法難遮掩。水鳥樹林最甚深。

題金龍開山頂相

棒頭正眼分風色。袖裡金鎚和月明。莫謂蹈翻本源去。從來孝子諱爺名。

題護國和尚頂相

和尚初住華藏。蓋師法兄也。

驚回華藏海中夢。護國山頭白浪飛。霹靂迅雷追不及。行雲流水自依依。

慶讚鳳山再建溪禪寺

雨後園林薄擁烟。紅桃白李轉嬋娟。鳳山曾一新堂宇。五彩文成初展筵。

悼方山座元

座元閑處平常愛火

鷲峰孤出老頭陀。雞足雲深不易過。六月火邊能坐斷。分明靜處娑婆訶。

慶讚再建林香寺

再造功成開法筵。普同供養盡大千。當陽爲撒金剛寶。無限青山綠水前。



吹毛截不入。輪鎚打難開。十方三世諸賢聖。這裡何曾許去來。

寄海會座元

學道人拋下萬緣。擔當期入理深淵。若非法要須無出。打失道情力不全。  
聞說鵲林初住院。單丁二十有餘年。破屏挂去戶懸席。殘餅贈來爐吐烟。  
屋後茅菴纔容膝。生平半月極安禪。寧非下化上求願。奚有利行同事便。  
吾每思惟它刻苦。寒窓痴坐未安眠。子今遙向丹丘去。護淨身心勿失傳。

秉炬爲雲叟慧關首座

寒堂雨滴冷湫湫。古殿風色虛索索。向上關打開分明。雲門露矣報慈隔。  
又爲大中義成首座

泥牛入海沒蹤跡。今古走天下衲僧。堪對暮雲還未合。遠山無限碧層層。  
書無外常心居士塔

和鐵柱座元歲首

翻入識田爲福田。叢林春色十分鮮。墮三惡道知多少。施者未全受者全。

和天龍堂頭大和尚歲首

金剛院栖松軒瑞應院正圓菴共爲芥室之派篇中所以及之。

金剛壽命賀新年。龍是栖松瑞應鮮。遲日當空輝芥室。遍衝青嶂影正圓。

和萬松山禪林和尚歲首

春滿禪林多瑞氣。同牀不覺度年華。聯翩鸞鳳君須見。盡入萬松五彩霞。

寄興禪和尚

霏雪洪波棹逆風。是非古佛路難通。春冬到處親相助。自愧負恩過海東。

南叟東堂三回忌和天龍堂頭和尚

忌辰驚見林園曉。枝上黃鶯語似愁。不棄宗盟來照定。法雷一震百川流。

密門

騰騰四面太平春。退得白雲調轉新。今日少林無限意。左邊底不類其隣。

始繙新請般若經師在吉祥寺

摩訶般若露堂堂。普利人天妙吉祥。見不見同時解脫。蚌含明月泄清光。

愚溪和尚二十五年忌。光嶽西堂三十三年忌合齋

五五星霜三十三。都來榔櫟一肩擔。無端忘却報恩底。苦者苦兮甘者甘。

悠山和尚百年忌

三萬六千日齋筵。龍肝鳳髓太新鮮。大家直饒齊咬嚼。勿使祖師心印穿。

六祖大師一千五十年忌此日壇經講了

一千五十正當年。法寶依然現在前。葉落歸根詎見解。來時無口又何憐。

歲首冬制安衆於鷲峰舍利殿

新年頭等結眉毛。抖擻精神風自高。從是叢林和氣遍。福田始見列英豪。



元日示衆

高掛鉢囊笑滿腮。衲衣且喜領春來。雲門胡餅喫多少。無事山邊行一回。

與某禪哲

王老一株花底夢。乾峰三種病根深。六師墮處汝隨墮。還逐涼風向綠蔭。

遺教經開筵

一把茅菴開法筵。春風春雨走龍天。明明佛敕今猶古。作是思惟早寂然。

息耕錄普說開筵

元文第五是庚申。撞著鵠林曾苦辛。三十年來屈堪述。一回以喜一回瞋。

清源前住十七年忌

現前三昧親開示。調古神清骨亦清。十有七年恩力別。大驚四海五湖英。

五祖錄開筵 少林寺請

希有世尊希有會。現前諸老不招來。豈論大士講經意。謾把龜毛眼裡栽。

地藏點眼

大地撮來如粒粟。願王薩埵獨分明。一華五葉都春色。十字街頭自太平。

頓悟要門開筵

瑞光寺瑞巖和尚請

頓悟要門無別路。大珠托出瑞光明。主人公主人公諾。却使一盲引衆盲。

歲首

元正啓祚古猶今。般若波羅蜜甚深。健闥娑王新奏樂。山河大地響清琴。

佛誕生

天上人間消息斷。周行七步沒來由。雲埋綠葉千山暮。月浸清光一帶流。

和桂洲大和尚慶讚輪聖祖像

刹界三千非一一。無邊身菩薩全身。兒孫今日揚光彩。輪聖再回花木春。

地藏點眼吉祥寺

那有閻王知地藏。曾無地藏識閻王。大家供養齊相會。桃李花紅妙吉祥。

悼栖林大和尚

水邊林下久追隨。更罔胸中掛一絲。二月春風打筋斗。玄沙道底又奚疑。

大慧武庫開筵

春風湖上漾青碧。驛路程邊列翠微。背觸依然還不會。梅陽一著失全機。

歲首

一指頭邊春令行。天龍吐氣簇雲霞。人天盡受佗恩力。又向碧空勿眼華。

臥雲

或時南岳又天台。鬧市裡頭笑滿腮。凡乎聖歟人不曾。鼻雷頻動太虛來。

金剛經開筵



五湖英俊慕高蹤。絕壁危巒隔數峰。洞裡果然春色別。風從虎矣雲從龍。

松源錄開筵

脚痕一帶紅絲線。明眼衲僧都索纏。直饒當陽開口得。何如不在舌頭邊。

呈大龍和尚金粟山大龍護國禪寺在美濃

金雞銜一粒金粟。長使大龍護國家。廣澤藏山烟靄外。舍邊翠竹兩莖斜。

碧巖錄開筵

乳竇風和花簇簇。夾山日暖鳥喃喃。雨餘潏灩洪川水。波底爲誰潑碧巖。

歲首

元正啓祚太殷勤。君向臣兮臣向君。分得金雞一粒粟。叢林和氣自氛氲。

次韵留別松蔭和尚

芙蓉峰下百餘旬。堪笑一杯未盡時。且喜荆叢能事了。倉皇行色嘯還宜。

松源錄開筵

賣水河頭閑伎倆。何須日日鼓唇牙。沙羅樹下已蕭索。不許春風吹落花。

題龍德寺塔婆

突然聳出太虛空。龍德先天古梵宮。此箇門風須護念。法輪常轉仰無窮。

某和尚七年忌

天龍古佛孰相看。一指頭邊冰雪寒。莫道肉身菩薩子。七年消息却難難。

寶筐印塔新成

南山雲矣北山雨。覲面相呈古佛眞。寶筐印圓常受用。不知今付與何人。

題闕

昔年普化翻筋斗。將謂分明呈示眞。點鐵成金消一箇。證龜爲鼈在三人。

東洲和尚十三年忌

千山萬水走龍象。三十三周嘉會時。今日恁麼還委悉。從前汗馬罔人知。

大福田老師十三回忌

自從奉命十三年。放蕩曾無補福田。恩大難酬些子事。堂中唯此一爐烟。

和十洲大和尚歲首

家曲唱揚新調別。無量妙義一毛頭。豈唯四衆受恩力。春雨春風六十州。

大應錄開筵錄曰。不傾胡蘆醋越酸。

驀過四百里波濤。粉骨摧身何有勞。可惜胡蘆醋越酸。不傾南浦月輪高。

笑嶺和尚七年忌

古佛從來鞭願輪。兒孫何必得因循。黃金靈骨今猶在。狼藉少林花木春。

和智源和尚

參扣東河河上禪。自憐坐井望青天。會中不是師恩力。爭識有堂堂法筵。



第一叢林第一榮。春來自有瑞雲生。人天瞻仰頻推轂。豈問高車縱與橫。

謝萩原二位卿見訪時師在南禪歸雲

高人屈駕入歸雲。目擊道存唯是君。相見却如舊相識。瓊林香遠自氛氲。  
和松雨大和尚移居詩

乃祖餘風在。不同它買山。孤瓢烟樹裡。一榻碧溪間。林獸來相訪。沙禽去復還。卜斯幽絕地。獨自適清閑。

獨妙禪師七回忌

先師未了舊公案。一七年間不奈何。暮雨朝雲愁思切。知恩少矣負恩多。

碧巖錄開筵龍雲寺請

其傳殆盡扶桑國。結惡怨讎問祖師。未入龍雲深處去。喪身失命正斯時。

龍雲前往三十三年忌

一盲引衆上南禪。摸壁龍鍾列聖前。松竹清風誰不愛。無端賣却祖翁田。

大慧武庫開筵桃源寺請。時當佛涅槃。

江國春風波浪翻。幾人有到得桃源。開筵涅槃爭些子。肯觸未分雨雪昏。

桃源開基三回忌

創建瑠璃光佛刹。娑婆世界卽分明。若非開祖杓頭上。爭走五湖四海英。

癸巳仲春。逆風連日。繫舟隱戶津口。時海島和尚見寄一絕。次韻以

述旅懷三首。

一封消息淚重流。思得同牀舊話頭。好箇恩榮屈堪述。廣陵餘意滿柁樓。

分袂廣陵城畔流。忽忽鷁首下灘頭。春風別後遙西望。霞鎖海涯古佛樓。

思曾同過石泉流。菴主出來扼腕頭。扼腕頭它又何力。一杯豈是在登樓。

和瑞雲大和尚歲首

五祖錄開筵

海上參尋已了當。浮山門下口含霜。白雲鎖斷左邊底。完伯臺前愁恨長。

北山等持院冬制示衆

北山堂裡雪安居。龍象競頭千指餘。唯恨祖庭秋已晚。嶮崖撒手勿躊躇。

六祖壇經開筵

黃梅夜半誤流傳。不在這邊在那邊。葉落歸根無寸土。百花春到自新鮮。

吉祥寺寶筐印塔慶讚

一塔巍然妙吉祥。百千諸佛放毫光。印文現出山頭浪。寶筐擎來海底霜。

四部錄開筵

至道無難嫌揀擇。洞然明白古來今。剎那一念僧祇劫。纔有是非失却心。

五祖錄開筵 南禪請



洋銅流出杓頭邊。觸著一時都洞然。留與兒孫令辨的。本源自性不傳傳。

文操

斯文不可說。有說皆乖真。松栢經霜雪。方看雅操新。

實山

絕頂人不到。靜處娑婆訶。坐來白雲裡。教爾紫芝歌。

碧巖錄開筵

鎮州半夏上黃檗。百丈兩回參馬師。古碧巖前收不得。明朝拈出報君知。

寒山詩開筵

咄咄咄三界輪迴。春到園林花自開。鷄子有時攣却眼。雀兒舞擬上天台。

和某禪哲

我此法門難得人。播揚大教在君身。斷金須是淡如水。願護真風已墜辰。

單山

妙峰孤頂白雲開。突兀出頭天外來。十聖三賢曾不到。塵塵沙界依崔嵬。

海會

薩波若萬古滔滔。百億衆流歸一毛。解道有帆不掛樹。白雲堆裡調彌高。

和某歲首韻

雖話送迎非送迎。威音劫外領新正。衲僧有箇無量壽。出窟金毛震一聲。

寒山詩開筵斯日安大圓寶鑑國師之牌

烟暗泉南桃李巷。雲深江北荆林叢。寒公到此難迴避。歷歷大圓寶鑑中。

雪峰

雪覆千山毛骨寒。孤峰不白與君看。溪流菜葉令誰辨。智眼洞明期一般。

金陵開基一百年忌

紫鳳樓前隨皎月。金龍門外逐清波。西來祖意一任會。不識誰人識破它。

咏松賀島山和尚初度

鬱鬱蒼蒼海島松。出頭雲外勢如龍。老人星現南枝上。千歲高標瑞色重。

賀臥龍主人秉拂

臥龍衝浪躍龍門。纔奮迅時天地昏。唯將一毛頭上水。塵塵沙界活枯根。

挽招慶大和尚

招慶茶濃談已熟。追王大傳驀時歸。分明七十餘年事。也是紅爐片雪飛。

示人時有侍者乞屠蘇酒者上

芙蓉峰下幾逢春。一滴屠蘇未潤唇。澆季叢林參學士。見來多是世間人。

天菴住三要寺有再建之功

萬里純晴絕點氛。三刻三要主賓分。自斯建化門新啓。龍象一任日作群。



佛成道

雪覆千山銀界清。孤峰不白作麼生。黃頭老子好言語。莫怪拈來呈俊英。

五祖錄開筵

白額南山一大蟲。普天匝地起清風。肥從口入令誰喫。放擲五湖四海中。

山房夜話開筵 高源請

月當天目影彌近。水出高源流益長。大幻法門閑不徹。邯鄲學步入山房。

賀章上座住高源

人天推出主人公。全在瑞岩一諾中。指點峯岑幽邃處。直扶起已墜宗風。

夏日偶成 蓋師有所感

風逐蒼蠅飛臭肉。須知清水紫鱗稀。街頭談吐一場笑。是是非非是非非。

初祖忌時在金龍

要行開山靈源和尚遺錄 中卷

小師 某等 同輯

初祖忌

盡乾坤一時拈出。已著諸人眼睫頭。熊耳峰前風雨後。山山黃落浸清流。

悼獨妙禪師

著草鞋還佗趙州。弄藤杖過老巖頭。兩重公案腸堪斷。說向衆人轉結愁。

大慧武庫開筵

五湖四海惡冤家。莫怪叢林飜毒華。背觸依然收不得。梅陽風月咬嚙牙。





崙吞却去。何故。麤食易飽。細嚼難飢。

舉古德上堂。卓拄杖一下云。人情若似者箇。孔丘打殺顏回。道情若似者箇。達磨失却少林。陽春白雪。高山流水。顧夫赤縣神州。扶桑國裡。能有幾人。若人於此。分明見得。此名眞佛子。此謂報佛恩。雖然與麼。知恩者少。負恩者多。諸上座。還委悉也否。古人恁麼道。是有何道理。且作麼生道。常憶江南三月裏。鷓鴣啼處百花香。

立珍重。

要行院觀音大士安座供養陞座。乾坤宇宙一禪叢。結構規模類不同。要行爲君新指點。毘婆尸佛早流通。據床大日本國山城州北山要行禪院。大小檀信。數年已來。勞身焦思。專圖造營。東去西來。風雨不渝。勦力一志。多方周旋。諸天爲之歡喜。堂宇已落成了也。於是今年今日。始開慶讚法筵。諸山高明碩德。屈尊影嚮。四方善信男女。競首仰望。將謂有多少奇特。元來是杜撰長老。尋常唯是不淨說法。百不知百不會。向途中求家舍。在家舍覓途中。阿呵呵。堪爲何用。雖然如是。左右盡是舊參上士。抱道衲子。爭敢輕忽。臨此佳辰。設一家宴。以要管待。不用酥酪醍醐。又非龍肝鳳髓。我者裡。有百味具足底些子。囊藏來尙矣。今日拈出。供養諸人。匪啻消萬劫飢渴。又能拔百病根蒂。若能咬著。吉無不利。勿謂冷淡無滋味。切忌崑崙。

和尚心外邪。師曰。離却兩頭看。僧曰。二十年來疑著此話。這裏未穩在。請師別通一線路。師曰。且坐喫茶。僧曰。臨濟曰。或時一喝。如金剛王寶劍。此意作麼生。師曰。滿地鬪。僧喝一喝曰。和尚還無喪身失命耶。師曰。好一喝。汝不知落處。僧曰。作麼生踞地獅子。師曰。風行草偃。僧曰。作麼生是向上事。師曰。向下會取好。僧曰。又重商量此事。禮拜而退。又有僧問。記得馬祖上堂。百丈卷席。今日和尚上堂。還有卷席底人麼。師曰。闍梨卽今獨立。僧進前曰。某甲恁麼來。却肯和尚也否。師曰。何論肯不肯。何者恁麼來。僧曰。誰知烟浪遠。別有好思量。師曰。白雲捲青山。僧便禮拜退。師曰。珍重。師乃拈拂子曰。舉龍濟示衆云。是柱不見柱。非柱不見柱。是非已去了。是非中薦取。後來息耕拈曰。向道莫行山下路。果然猿叫斷腸聲。點檢將來。息耕與麼道。是非是好心。雖然如是。一種此聲無限量。有堪聽有不堪聽。久



頭薦取老僧。阿呵呵。咦。

卓拄杖一下

如上且置。今日慈氏宮中。說何法。還委悉。

道得底。出來相見。有麼。時有僧出衆曰。時哉。時哉。枯木著花。鐵樹抽枝。正

與麼時。願聞一句。師曰。雲淨日月正。僧曰。向這裡莫迦葉傳法。龍潭吹滅

麼。師曰。高著眼看。僧曰。記得僧問香林。如何是室內一盞鐙。林曰。三人證

龜作鼈。迦葉底耶。龍潭底耶。師曰。汝自看。僧曰。兩頭共坐斷。八面起清風。

師曰。三生六十劫。僧曰。卽今和尚與古人是同。是別。師曰。非汝境界。僧曰。

恁麼三段不同。收歸上科。師曰。禮拜了退。僧揖歸衆。又有僧出問。如何是

佛法的大意。師曰。諾諾。僧曰。昔日臨濟。爲什麼黃檗棒下不會。師曰。汝

還不會。僧曰。大愚肋下正解築拳。又作麼生。師曰。喫棒者應知。僧曰。今日

幸免和尚棒頭。師曰。許汝三十棒。僧曰。且留與和尚。師曰。強醒醒。僧禮拜

退。又有僧問。記得三界唯心。萬法唯識。卽今學人。爲在和尙心內邪。爲在

三段不同。收歸上科。國師與麼云。却與迦文老子是同是別。若言同。則三段不同。若言別。則收歸上科。畢竟如何委悉。欲得不招無間業。莫謗如來正法輪。維時。明和壬辰冬制。恭惟。珠山堂頭。游戲悲願海。撥轉正法輪。強使桃上座。評唱大應語錄。可謂。鼎已折足。冷汗侵肌。雖然。遐邇尊宿。按下雲頭。辱被影響。暨罷參諸兄。戮力同志。瞻撥龍象。交肩結眉。靈山一會。儼然未散矣。直下見得。團團珠遶玉珊瑚。若又不然。海神知貴。不知價。留與人間作夜光。乃云。東海日多言豈妄。兒孫何事至喪文。珠山老矣珠山老。遏得廣陵南浦雲。

同人日上堂。今朝人日。淑氣靄然。柳眼綠嫋。梅腮珠鮮。黃鸝上樹。白鷺下田。門外魚龍。千千萬萬。席上緇素。萬萬千千。洞上五位。臨濟三玄。現成背後。烜赫目前。黠兒落節。總是驢年。擬不擬。止不止。鬧市裡識取天子。百草

不識字。藏主曰。何不問人。僧又手曰。是何字。藏主無語。此意作麼生。師曰。一字不著畫。八字無兩ノ。僧曰。乃祖普明國師。藏主寮秉拂。垂語曰。覆盆之下。迅雷無聲。若能解打。布鼓也鳴。今當此任。試打看。師曰。殷殷。僧曰。一代藏經。詮注不及底法門。已說了也。爲什麼經首題佛字。師曰。伊。僧卽禮拜。又有僧問。記得僧問趙州。萬法歸一。一歸何處。此意作麼生。師曰。兩肩擔來。僧曰。趙州答曰。我在青州。作一領布衫。重七斤。此意又作麼生。師曰。翻袴作裊。僧曰。僧問南臺。如何是祖師西來意。臺答曰。一寸龜毛重七斤。此意作麼生。師曰。證龜爲鼈。僧卽禮拜。師乃曰。平蕪盡處是青山。行人更在青山外。

赴藝州金龍請開筵上堂。舉圓通大應國師上堂云。經曰。止止不須說。我法妙難思。崇福卽不然。要說則說。要行則行。何故如是。我法妙難思。又云。



# 要行開山靈源和尚遺錄 初卷

小師 某等 同輯

師秉拂。有僧問普明國師。曾在龍山藏局。冬節秉拂。今冬首座。同模同樣。是何因緣會遇。師曰。祖禰不了。殃及兒孫。僧曰。首座今日首于山門五百衆。撈蝦攬蜆。卽今堂中。秉大藏關鑰。一出。一入。左右逢原底一著。願聞提唱。師曰。東家杓柄長。西家杓柄短。僧曰。果然果然。試吞却此鐵牛看。師曰。勿道三年。而見其骨。僧曰。幸得一條活路。卽禮拜。又有僧出衆問夢窓國師。謝藏主秉拂上堂曰。昔時有僧。在經堂中坐。藏主曰。如何不看經。僧曰。



# 靈源和尚遺錄

## 序

鹿門靈源桃老禪師。早提藤杖。探瀾東海。無端撞著惡毒老鵲林。喪失命根。絕後再蘇。養聖胎於紀南青螺疊疊白雲密密之處。南叟瑠老舉之繼席。遂秉拂龍門。歷景德臨川視篆瑞鹿。道風大布。啓廸學者。不知其幾州幾刹。惜哉壽量不延。甞湖明月清朗下。還源調高。滅後七年。所自創者。峨要行禪院。門人相聚設勝會。假手於予拈香說法。且應居士輩請。編語一篇。覽之則簡捷俊拔。大興世之語甚頽惰而誇其巨編者遠矣。予喜書數語。且長聲歌曰。一滴靈源常馨沸。鹿門依舊月輪高。

見天龍桂洲道倫 謹序



第八卷目次終

口 繪 目 次 (八頁)

- 一、靈源和尚筆『達磨の圖』 (侯爵 細川護立氏藏)
- 二、靈源和尚筆『麻三斤』 (侯爵 細川護立氏藏)
- 三、遂翁和尚筆『鐘馗の圖』 (侯爵 細川護立氏藏)
- 四、遂翁和尚尺牘 (其一)
- 五、遂翁和尚尺牘 (其二)
- 六、白隱和尚筆『濃陽富士山記』 (美濃 富士神社藏)
- 七、白隱和尚筆註『法華經』 (駿河 松蔭寺藏)
- 八、白隱和尚の靈塔 (駿河 松蔭寺)

爛 枯 柴

序

(一四)

七九

目 次

(一二)

八三

上 篇

(一六)

八五

下 篇

(一六)

一四三

行 狀

(一〇)

一九九

扶宗大綱禪師斯經和尚遺稿 (一三)

二〇九

願 心 道 場 旨 趣 (一三)

二七一

圓桂祖純禪師語錄 (一五)

二九一

九峰和尚語錄 (一七)

三四三

拾 遺 (一四)

四一九—四四三



# 白隱和尚全集 第八卷

## 目次

要行開山靈源和尚遺錄

序

(一〇)

一

初

卷

(一一〇)

二

中

卷

(一二〇)

二

後

卷

(一三〇)

三

附

錄

(一四〇)

四

開山靈源和尚法語雜集

(一五〇)

五

寶藏萬藏冊

(一六〇)

五



白隠和尚の霊塔



(駿河 松蔭寺)





平欄序合三

和月重刊空額力科詳錄起三初重刊不疑後集龍誤二

有前刊發覺及能三有傳下王述科詳錄緣起

二原史至廣快科詳錄正志三初錄是不先發者為行德二今

源刊王述科詳錄正志三初亦有信呂登次或有不述科

資和功嘉

三必四年言王述則序

色金丁地金日來王身中有金剛佛惟稱如月輪體明圓滿廣大至更金五經

至丁云復知越河時生

破廢寺等丁分發之說幸王律作妙至弘道採天三科分文可註

統三經六云之師制律中發身也既言日順於師奉集聖文下教以既奉踐

後三經及大相頻之律其五便之秋佳也上師也世世實信至六等王律行教

至聖王成說○序得聖中體之要開聖意細細檢下其教應先事莊家之行

有本降律之會之賢聖王補已丁差覆輔行訖王三冊丁佛拉統行

釋行

有東徑之餘也當局釋統職六科消清散僧也釋辭也

祖師傳述聖王遺教中近律對律聖王遺教中近律對律聖王遺教中近律對律

除一現

依月科業

明海聖王注持傳教沙門干潤必身述

多結

之慨師處建

之慨師處建

之慨師處建

之慨師處建

之慨師處建

之慨師處建

之慨師處建









謹上

大鑪光和尚

侍史下

元龜九年  
元龜九年  
元龜九年

大鑪光和尚  
大鑪光和尚  
大鑪光和尚  
大鑪光和尚  
大鑪光和尚  
大鑪光和尚  
大鑪光和尚  
大鑪光和尚  
大鑪光和尚  
大鑪光和尚











遂翁和尚筆『鐘馗の圖』



(侯爵 細川護立氏藏)



靈源和尚筆




(侯爵 細川護立氏藏)





靈源和尚筆『達磨の圖』



(侯爵 細川護立氏藏)

BL  
1416  
H3  
1935  
V.8






白隱和尚全集編纂會編

白隱和尚全集 第八卷

東京 龍吟社 版



自注和尚全集

卷八

自注和尚全集

自注和尚全集

自注和尚全集  
卷八  
一  
二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百



BL  
1416  
H3  
1935  
v.8

Hakuin  
Hakuin-Oshō zenshū

East  
Asiatic  
Studies

PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---



